

# METHODUS COGNOSCENDI CAUSSAS,

Duobus Libris explicata.

Quorum primus est , De *In-  
ventione* Caussarum.

Secundus, De Caussarum *Exami-  
ne* , ad veras falsasque dijudicandas.

Opus antehac desideratum ; ad per-  
fectam rerum cognitionem utilissi-  
mum : quia nulla res perfecte sciri  
potest , nisi ejus Causæ  
ceg noscantur.

---

*Autore* THOMAS ACIO,  
à Pollesio. ✕

---

L O N D I N I,  
Typis Guil. Du-gardi. Venetunt apud Octavian. Ful-  
leyn, ad insigne Rosæ in Cœmeterio Paulino.  
M D C L.



*Methodum Cognoscendi  
Causas, à Thomâ Ifacio  
& eruditè & dilucidè con-  
scriptam, perlegi: eamq[ue]  
ad rerum Causas tum inve-  
niendas, tum dijudicandas  
utilissimam esse censeo.*

*Ja. Armachanus.*







# P R Æ F A T I O.



CAUSSARUM cuiusvis  
rei cognitio, longè re-  
liquis ejusdem cognitio-  
nibus anteferenda est.  
Quippe quæ dignitate  
omnium nobilissima est,  
ac proinde contemplanti jucundissima.  
Quantò enim res quæque nobilior, tan-  
tò ejus cognitio jucundior: neque res a-  
lias quascunque contemplando, sentimus  
animum tantâ perfundi voluptate. Quin-  
etiam Causarum cognitio non solùm uti-  
lissima est, sed necessaria, tum ad res per-  
fectè sciendas; tum ad res agendas, pru-  
denter deliberandas: nulla enim res per-  
fectè sciri queat, nisi ejus Causæ cognos-  
cantur: & tum demum rem scimus, quan-  
do Causam ipsius cognoscimus. Quâ  
nobilissimâ cognitione, brutis animanti-  
bus denegatâ, solus Homo donatus  
est: ut, qui rerum Causas animo concipit,  
illum demum esse Hominem dicas. Jam in  
rebus agendis, quicquid prudenter con-  
sultare, & agere velimus; sive, ad bo-

*Præfatio.*  
*Quolibet*

num obtinendum, aut conservandum; siue ad malum tollendum, aut præcavendum; ejusdem Causas prius pericrutarî, ac comprehendere oportet: propterea quòd illis positis, ponuntur sui effectus; sublati, tolluntur; impeditis, prævertuntur. Quæ ideo non solum à veri contemplatoribus, sciendi ac contemplandi gratiâ; verum etiam ab omnibus, qui in agendis rebus versantur, consultandi, agendique causâ, inquiruntur: itaque in unaquaque arte, prudentiores censentur ii, qui effectuum Causas assequuti sunt. Ut meritò à poëta dicatur *Felix, qui potuit rerum cognoscere Causas.*

Causarum igitur cognitio maximè expetenda est, summòque studio quærenda.

At enimvero nihil est tam difficile cognitu, quàm rerum Causæ; nulla disquisitio morosissimis perplexitatibus æquè involuta: ut mens humana, ad Causas contemplandas, perinde se habeat, ac Vespertilionum oculi ad Solem intueudum. Quapropter de eis summa etiam ingenia sæpenumero conqueruntur.

Veruntamen rerum Causas proculdubio longè faciliùs, ac feliciùs pervestigare, & veras, falsasque exactiùs, cer-

tiùsque

## Praefatio.

tiúsque dijudicare, ac dignoscere poterimus, si modò rectam eas cum indagandi, tum examinandi viam ac rationem noverimus. Equidem veritatem eorum quae inquiris, (ait Galenus) inventurum te affirmo, si primum initium viae, quae ad eam ducit, cognoveris: à quâ aberrans, in permagnam Verborum captionem decides. Est autem principium, dimidium, & (ut Plato ait) totius operis maximum. Atq; D. Augustinus, Quum intueretur (ut ait) mentem humanam, tam vivacem, tam sagacem; non putabat latere veritatem, nisi quòd in eâ querendâ modus lateret. Si igitur ratio & modus rerum Causas perquirendi, & dijudicandi, doctis viris probè cognitus fuisset, haud dubiè, & plures veras rerû Causas reperissent, & innumerabiles suos de eis errores ipsimet correxissent, nec eos unquam in lucem edidissent. Quòd si nos rerû Causas, arte & rectâ viâ ac ratione investigabimus, atque examinabimus, eas proculdubio multò expeditius, ac melius, tum inveniemus, tum judicabimus, quàm si temere, ac sine arte disquiremus. Itaque Methodus cognoscendi Causas rectè tradita, utilissima futura est Philosophis, Mathematicis, praesertim in Opticâ, Theologis, Medicis, at-

## Prefatio.

que omnium omnino artium ac scientiarum studiosis. Nihil enim fit sine Causâ: nec sine ejus cognitione, quicquam perfectè sciri potest. Quinetiam non minus utilis est iis, qui res gestas, vel in Experientia, vel in Historiâ prudenter, & utiliter observare, & perfectè cognoscere cupiunt: eos enim Causas eventuum, tum bonorum, tum malorum, exquirere, & examinare oportet: ut cognitas illas, imitari: & has, vitare sciat. In quo præcipue cognitionis rerum gestarum, tum in experientia, tum in Historia fructus consistit. Ad quam quidem Methodum, ac disquisitionem planè ac plenè explicandam, duo (meâ quidem sententiâ) necessariò declaranda sunt: quorû primum est Investigatio seu Inventio Causarum; alterû, est earû Examen, sive Judicium. Nulla enim Causa sciri queat, nisi judicetur: neq; judicari potest, nisi priùs aliquid pro Causâ inveniatur judicandum: veram autem rei Causam, si rectam scrutandi viam ignoremus, non poterimus invenire, nisi casu. Ad utrumq; verò, *i. e.* tum Inquisitionem, tum Examen Causæ dirigendum, tradendi sunt *Loci*, ac *Regule*, sive *Canones* argumentationum. Canones autem ad Causas examinandas

## Præfatio.

aminandas, duplices esse debent; alii, *Refutationis*; è quibus refutantur, ac judicantur, quæ non sint Causæ: alii, *Confirmationis*; ad veram rei Causam confirmandam, ac dijudicandam. Denique utrique Canones Exemplis argumentationum utriusque generis, *i. e.* tum refellentium, tum confirmantium, illustrandi sunt. Quâ methodo ad hanc rem optimè atque utilissimè explicandam, nulla accommodatior reperiri potest. Cujus hac in re novitate, si quis offendetur, animadvertat is, quâ methodo *Topica generalia*, quæ vulgò *Topica* absolutè appellari solent, à plerisque recentioribus Logicis tractentur: itémque ex *Specialibus Topicis*, ea quatuor, quæ ab Aristotele explicata sunt: nimirum de Examine, (seu ut ipse vocat) de Problemate Generis; Definitionis; Proprii; Accidentis: & planè eandem esse comperiet. Ac sanè cuncti Loci Logici (quos alii, Argumenta; alii, Terminos simplices vocant) ad eorum examen declarandum, nullâ aliâ methodo æquè commodè explicari possunt. Vt mihi dubium non sit, Aristotelem reliquos Locos, *i. e.* Causas, Effectus; Subjectum; Divisionem; &c. (Si modo illorum etiam

## Praefatio.

Examen edocendum aggressus esset, eadem Ne hodo explicaturum fuisse. At verò multa Aristoteles aliique antiqui non peregerunt: nec sanè ob ingenii inopiam, sed temporis. Estque hæc doctrina *Ætiologia* quædam; non quidem Theoretica, aut Metaphysica; sed practica, & pars Dialecticæ: adeoque necessaria, ut sine ejus cognitione, nemo perfectus Logicus meritò habeatur.

Quis autem autor, aut vetustius, aut recentior exstat, qui talem Causas cognoscendi, i. e. investigandi, atque examinandi methodum tradiderit, aut susceperit? Dices, opinor, nonnullos recentiores, viros doctissimos, traditis in suis Logicis operibus Causarum Canonibus, hanc rem satis edocuisse: qui igitur, post tantos autores, de eis scripturus est, aut eadem dicat, necesse est, aut deteriora: quorum alteram supervacaneum est; alterum etiam noxium. Rogabis igitur quare illi mihi non satisfaciant, quidve amplius desiderem. Respondeo, De Inventione Causarum nec illi Logici, nec alius qui quam (quod equidem sciam) quicquam omnino hactenus præcepit, eaque propterea etiam doctissimos viros passim latere.

## Præfatio.

latere videtur. Solum autem Examen Caussarum quidam Logici aggressi sunt docere; sed ita, ut sese in eâ re parùm prodant exercitatos. Locos enim & Canones à cognatis Causis omnino prætereunt. Canones quidem aliquot, seu Axiomata de Caussarum Affectionibus tradunt: sed ejusmodi tantùm, qui non nisi ad refellendum, & judicandum quid non sit Causa, valent. Quam tamen refutationem, neque plenè explicant, neque planè satis: sed & mancè, quia multos utiles Refutationis Canones omisere; & nimis obscurè, quoniam eosdem, quos tradunt, Canones, Exemplis Argumentationum refellentium annexis, non illustrarunt. Neque verò satis est docere, quo pacto falsum refellatur; quin oportet etiam declarare, quâ ratione & modo verum confirmetur, ac judicetur. At enimvero Canones confirmandi, ac judicandi veras Caussas, Logici neque tradidere, nec ullam eorum mentionem fecere. Quapropter neque studiosi satis juvantur illorum præceptis, ad refellendum, & judicandum quæ non sint Causæ; neque quisquam ex eisdem veras rerum causas, aut invenire, aut judicare, ac cognoscere queat. Quæ quidem omissiones, quoniam à  
ne-

## *Præfatio.*

nemine (quod sciam ) animadversæ sunt; meum de illis iudicium viris doctis perpendendum exposui : ut illud , aut redarguant , si falsum ; aut approbent , si verum.

Quoniam igitur doctrina hæc tam utilis , tamque necessaria , à nemine hætenus pertractata est , eam equidem non gravarer tractandam suscipere , si mihi ipse considerem. Sed quis ego sum ? aut quæ in me est facultas ad rem tam arduam exquirendam , & explicandam ? Quæ profectò requirit ingenium , iudicium , doctrinam ; & diligentiam non mediocrem. Haud tamen desperandum putavi , in re novâ , necdum satis excultâ , me non nihil studio ac labore excussurum , si anniterer. Cœpi igitur in rem inquirere , & quò res difficilior est , quòque minùs ingenio possum , eò maiorem diligentiam adhibui : ac diuturno studio , sæpius autem ( dum Anglia bello intestino flagrabat ) intermisso , tandem hoc quaecunque opusculum conscripsi.

Ad quod tractandam nullam ego aliam rationem ac viam , nulla alia præcepta differendi ac ratiocinandi ad rerum Causas cognoscendas , quæsi vi ; neque alia querenda , aut docenda censeo , præter illa  
~~querenda~~



## Praefatio.

ipsa quæ cum usu bene differentium de rerum Causis : conveniunt nimirum tanquam principia , & fundamenta , i. e. Locos, ac Canones è quibus Argumenta Causarum, aut veras confirmantia, aut falsas refutantia ducuntur, quæq; iis mittuntur. Quos Locos, ac Canones non numeravi, sed ponderavi : & utiliores tantum eligens, reliquos tanquam nullius, aut perexigui momenti, repudiavi : tametsi ex eis apud autores nonnunquam argumenta sumuntur : velut à testimonio humano ; ab etymo vocis ; à definitione rei, quando à Causâ sumitur ; aut quoniam alia probabilior Causa (ut quandoque aiunt) afferri non potest : & cæterarum ratiuncularum præceptiunculas. Qualibus hanc doctrinam onerari & dedecorari nolui ; memor Senecam à Quintiliano reprehendi, quòd nonnunquam minutissimis sententiis rerum frangit pondera. Spero autem in tantâ argumentorum de rerum Causis copiam, quæ apud optimos autores in suos Locos, ac Canones resolvi, & reduxi, vix ullum Locum, aut Canonem alicujus momenti, nostram observationem effugisse. Canones controversos, aut qui dubii videantur, breviter efficaciori aliquâ ratione

## *Præfatio.*

confirmavi. Et unusquisque Canon potest à Lectore inductione examinari, atque si verus sit, probari. Quin etiam eorum veritas tacito quodam doctorum virorum testimonio comprobatur; quandoquidem in ipsorum argumentis, quæ in exemplum adduxi, tacitè præsupponuntur, tanquam eorum principia, & fundamenta: quæ locum Majorum propositionum in Syllogismis obtinent. Aliquot autem Canones Confirmationis, arbitror adhuc carere nonnullis limitationibus, ut fiant certi, ac perpetuò veri: quæ ubi repertæ fuerint, addendæ sunt. Non enim me latet, quanto cum periculo universalis propositio enunciatur; quæ minimâ quâvis instantiâ contrariâ destruitur. Attamen Loci eorum (ni fallor) rectè traditi sunt. & illi ipsi Canones, qui non usquequaque veri sunt, saltem ut probabiles recipi possunt, nec qui eos non admisit pro certis, & necessariis, rejecerit pro inutilibus: quandoquidem etiam in differendo de rerum Causis, viri docti haud rarò probabilibus utuntur argumentis, præsertim ubi necessariis carent. Nónne Medici sæpè numero conjicere morbi Causam coguntur, dum eam nondum certò scire possunt?

Id-

## *Præfatio.*

Idque sæpe non inutiliter ad morbi Causam tollendam. Quod etiam in aliis malis, omnibus hominibus usu venit.

Denique, Præcepta omnia, Exemplis argumentationum annexis, illustravi. Quæ è variis artibus, scientiis, & historiis deligi: quò amplissima hujusce doctrinæ ad cunctarum rerum scientiam utilitas, clarius eluceat: eoque magis materiarum varietas legenti arrideat. Atque pleraque Exempli sunt etiam selecta ex optimis utriusque linguæ autoribus, maximè ex Aristotele; eorumque nomina & locos subjunxi; nè quis suspicetur Præcepta hæc, præsertim quæ nova sunt, Chimæras esse quasdam in nostro cerebello confictas: quin ut ea cernant cum usu & argumentationibus gravissimorum autorum convenire, nihilque aliud esse nisi easdem Regulas ratiocinandi, quibus illorum, imò omnium de causis rectè differentium, argumentationes nituntur. Quibus non nusquam etiam mea ipsius argumenta inserui; præsertim ubi nulla mihi autorum satis idonea ad exemplum occurrebant: utpote non satis dilucida, aut breviora; aut gravia. Neque verò mea exempla omnia ex vero antecedente concludunt. Sed non  
nulla.

## *Præfatio.*

nulla ex suppositione : id quod ad Canonum usum , & argumentationis consequentiam declarandam sufficere potest : ac proinde etiam Aristoteli in exemplis usitatum. Et quanquam pauca argumenta plerumque è plurimis autorum elegi, brevitatìs gratiâ , atque ut evitem suspicionem jactandi lectionem , quam ostentationem tanquam vanam ac puerilem semper contemni ; ad aliquot tamen præcipuos Canones , plura exempla , quam ad illustrationem opus sit , congessi : propterea quòd ea haud injucunda fore existimavi. Sin id alicui minùs placeat , remedium in promptu est : cùm liceat pauca legere , reliquâque præterire.

Cum verò in rebus docendis , aut discendis , nihil ordine pulcrius sit , aut utilius , vehementer expetivi Præcepta nostra commodissimo ordine digerere. Quia verò illi qui affectiones , aut axiomata Caussarum in Logicâ , aut Metaphysicâ , aut alibi tradiderint , ea non satis accurate disposuerunt ; quin sæpe præpostere naturâ priora , posterioribus postposuerunt ; et posteriora , prioribus præposuerunt : ut neminem repererim cujus ordinem tanquam perfectum exemplar mihi hac

## *Præfatio.*

hac in re ad imitandum proponerem; idcirco id oneris in meipsum suscipere coactus sum. Et in locis Caussarum, naturæ seu dependentiæ ordinem secutus sum. Itémque in Canonibus ejusdem Locī, Canonem Refutationis Canonī Confirmationis præmissi: ac consimiliter in Canonibus Refutationis, plerumque affirmativum, negativo: quoniam hic ex illo dependet. Cujus ordinis beneficio, non solum universa tractatio pulcrior redditur; verum etiam Præceptorum intelligentia, ac memoria magnopere juvatur: prius enim quodque præceptum, posterius quod ab eo pendet, ad memoriam facilè revocare potest, perinde ac in catenâ annulus anulum trahit. Necnon in exemplis quoque collocandis, ordinem aliquem spectavi; ut clariora, minus clavis; & breviora, prolixis anteponantur.

In Oratione, brevitati, simulque perspicuitati studui: quod utrumque in re obscurâ conjungere, arduum est. Verborum autem ornamenta tanquam in hac re docendâ supervacanea, neutiquam curavi: cum hujusmodi materiam ornatè velle dicere, teste ipso Cicerone, puerile sit. Satis autem eam ornatam arbitror argumenti gravitate

## *Præfatio.*

gravitate , utilitatéque doctrinæ. Habes  
consilium , & formam nostri operis.

Cæterum , ut ingenuè fatear quæ præ-  
cepta ab aliis acceperim , ea sunt Axiomata  
illa Affectionum Causarum , quæ à Me-  
taphysicis , Logicis , Physiologis , Theo-  
logis , Medicis , aliisque jam antea tradita,  
aut repetita fuere : quæque valent ad re-  
fellendum duntaxat : nec autores dissimu-  
lavi. Reliqua Causarum Axiomata, quæ  
ad propositum hujus disquisitionis sco-  
pum , & finem inutilia , aut saltem parum  
utilia sunt, nobis in eâdem prætermitten-  
da censeui. Qualia multa à Metaphysicis  
magis ad naturam Causarum contemplan-  
dam duntaxat , quàm ad practicum , &  
utilem in rerum causis inquirendis , ac ju-  
dicandis usum , tradita sunt. Quantum  
enim ad nostrum institutum opus , & usum  
sufficiat , tantundem in eo dicendum.

Quid igitur hic novi ? dices ; quidve  
de tuo affers , quod rem literariam augeat,  
ac locupletet ? Multa equidem præterea ad  
plenam Causarum disquisitionem necessa-  
ria , & tamen hætenus desiderata , obser-  
vavi & addidi ; nimirum , non paucos  
Refutationis Locos, ac Canones. Ac præ-  
terea, præcipuas, & utilissimas hujus Me-  
thodi

## *Præfatio.*

thodi partes , ac præcepta : quæ sunt de Investigatione , atque de Judicio verarum Causarum. Denique Canonum Refutationis , ac Confirmationis usum , Exemplis argumentationum similium , illustravi. Quæ omnia à majoribus nostris prærita esse , non est magnopere mirandum ; quandoquidem id accadat disciplinis ferè omnibus ; in quibus , permulta , ( nè dicam , cum clarissimo Philosopho Fracastorio , infinita ) adhuc desiderantur. Quæ proinde præsentibus , & posteris pervestiganda supersunt. De quo non est illis desperandum : siquidem recentiores , ( ut ait Plato ) non cederent antiquis , nisi ob reverentiam erga mortuos ; & invidiam erga vivos. Nec enim existimandum est naturam recentioribus seculis , saltem post Diluvium universale , in deterius degenerasse ; & tanquam asinum ad molam , fatigatam esse , & imbeciliorem redditam. Id quod justis operibus à recentioribus nonnullis eadem de re ; Anglico , Italico , <sup>Gallico</sup> ac demum Latino sermone conscriptis , comprobatur est. Denique quis nescit multa præclara antiquis ignota , à recentioribus inventa esse ? Multi tamen mordicus tenent , Majores nostros nihil ignorasse : quibus

## Praefatio.

quibus ingeniis nihil infelicius esse, meritò censet Julius Scaliger. Cujusmodi viros hanc lucubrationem statim ac temere damnaturos opinor: tantummodo, quia novam, & Majoribus nostris intentatam. Qui verò veteres, citra superstitionem; nova, sine invidiâ; & utraque, pari libertate & æquitate judicare possunt, eos solos prudentes, & æquos hujus operis judices futuros arbitror: talésq; mihi ejusdem censores exopto. Quoniam autem nihil unquam inventum fuit, ac primordio suo perfectum, ut rectè ait Apuleius: hæud dubito multis hanc disquisitionem vitiis, atq; erroribus laborare: tum propter innatam rei obscuritatem, & tractationis novitatem, tum ob judicii nostri imbecillitatem.

Quapropter viros doctos, qui eam legent, oro & obsecro, ut eandem liberè & severe examinare velint: considerantes, non quis eam conscripserit, (quid enim interest?) sed solum quænam in eâ rectè dicuntur, quæque secus: atque ut, publicæ utilitatis causâ, erratorum omnium, quæ inibi prehenderint, me benevolè monere dignentur, Epistolis, apud bibliopôlam, aut typographum, relictis. Atque monitus per libenter emendabo, & monentibus gratias agam.

INDEX





# INDEX

Librorum ac Capitum.

*Liber Primus*

*DE INVESTIGATIONE*

*Causarum.*

---

C A P. I.

**Q**uid Causa: & quotuplex  
sit.

C A P. II.

*De Ordine investigandi Causas.*

C A P. III.

*De generali viâ ac modo inveniendi  
Causas.*

Cap.

# INDEX.

## CAP. IV.

*De ratione investigandi Causam Ef-  
ficientem.*

## CAP. V.

*Modus per-vestigandi Finem.*

## CAP. VI.

*Quemadmodum Materia scrutanda  
fit.*

## CAP. VII.

*Quâ ratione Forma disquirenda.*

## CAP. VIII.

*De Effectuum Investigatione.*

LIBER



## INDEX.

# LIBER SECUNDUS DE CAUSSARUM EXAMINE.

### CAP. I.

**D**E generali Caussarum Examine.

### CAP. II.

Deratione & modo examinandi Causam Efficientem.

### CAP. III.

De modo dijudicandi Finem.

### CAP. IV.

Examen Materiae.

CAP.

INDEX.  
CAP. V.

*Examen Formæ.*

CAP. VI.

*De rerum Effectibus examinandis.*



METHODI



Ca  
A  
est.  
fusa



METHODI COG-  
NOSCENDI RERUM  
CAUSSAS,  
*LIBER PRIMVS.*  
DE INVESTIGATIONE  
CAUSSARUM.

---

CAPUT, I.

*Cauſſarum Definitiones,  
ac Diuiſiones.*

**C**AUſſA eſt, cuius vires  
eſt.

Aut, ſi malis, Cauſſa eſt id, propter quod aliquid  
eſt. Sumendo particulam illam propter, vel ob  
uſa ſignificatione, ita ut in omnes cauſſas pateat.

Si enim propriè sumatur, ad Causam finalem duntaxat pertinet. Atque illà latiori significatione sæpenumero tum ab Aristotele, tum ab aliis usurpatur. Unde apud Stobæum *lib. Eclog. Physic. cap. 16*, Ocellus Philosophus Pythagoricus causam definit, *ἡ ὅτι γίνεται τι* propter quod aliquid fit: & Chrysippus Stoicus causam esse dicit, *ἡ ὅτι*, propter quod.

*Causæ sunt quatuor; duæ Externæ: i. e. extra rei essentiam, & compositum; ut, Efficiens, & Finis; totidem Internæ, constituentes compositum; ut Materia, & Forma.*

Causarum numerus pervestigari & probari queat ex numero eorum unde pendet effectus, siue quorum vi res est, hac ratione. Quicquid fit, ab alio fit: nulla enim res potest facere se ipsam: & id à quo fit, vocatur *Efficiens* causa. Jam efficiens per se, non operatur, nisi propter aliquod bonum, à quo ad agendum movetur seu allicitur: id autem bonum *Finis* est. Quòd si id quod fit, non sit simplex quiddam, sed compositum, necesse est ut dependeat præterea, & componatur ex duabus rebus intrinsicis: unâ, ex quâ fit; & est *Materia*; & alterâ, per quam est id quod est; & est *Forma*. Quatuor igitur Causæ dantur, *Efficiens; Finis; Materia; Forma*. Idem quaternarius numerus Causarum nunc receptus est communi omnium consensu. Et traditus est ab Aristotele 5. *Metaphys. cap. 2.* & 2. *Physic. cap. 7. context. 68.* & 63.

Ubi eundem probat ex varietate quæstionum quibus propter quid aliquid sit, quæritur: quæ totidem sunt. Idque ipsum aliis etiam rationibus comprobatum videre licet apud Albert. Magn. in 2. *Physic.* cap. 7. & 3. *Metaphys.* c. 3. Thomam in opusc. 31. Avicen. in suâ *Metaphys.* aliósque.

**Efficiens est Causa externa à qua res est.**

Aut, ut aliqui definiunt,

**Efficiens est id, ad cuius actionem sequitur effectus.**

Quæ quidem actio est Efficientis proximus, & proprius effectus, & ratio formalis.

**Finis est Causa externa, cuius gratiâ res est.**

Vel, *Finis est id, cuius gratiâ res est.* Sic Aristoteli definitur ubi ait, τὸ τέλος ἐστὶ τὸ ἕνεκα. 2 *Phys.* c. 3. text. 29. & 5. *Metaphys.* c. 2. Ità finis passim ab ipso vocatur, id cuius gratiâ.

**Materia est Causa interna, ex qua res est.**

Aristoteli 2. *Physic.* c. 3. & 4. *Metaphys.* c. 2. definitur, τὸ ἐξ ἧς γίνεταί τι : i. e. ex quo fit aliquid.

*Forma est Causa interna, per quam res est id quod est.*

Aristoteli, τὸ τί ἦν εἶναι : quid res sit. 2. Post c: 11. initio. Item, λόγος ὁ ἐν ταῖς, ratio essentia. 1. de Generat animal. cap. 1. Quod in eâ rei essentia præcipue sit posita. Quorum omnium Causarum Exempla sunt in Domo : cuius Efficiens est ædificans seu architectus ; Finis, inhabitatio, seu conservatio hominum, & supellectilis ; Materia, lapides, ligna &c. Forma, Figura illa per quam, est Dômus. Sic in rebus naturalibus, Hominis Efficientes Causæ, sunt Parentes ipsius ; Finis, glorificatio Dei, aut felicitas ; Materia, corpus ejus ; Forma, anima rationalis.

*Effectus est id, quod à Causa pendet.*

Vbi nomen *Effectus* generaliter sumimus, ita, ut omnibus Causis correspondeat. Aliqui malunt dicere *Causatum* : aptè quidem, quanquam barbarè, sicut Græci καὶ ἰσχυρὸν vocant. Quod nomen generaliter ad omnes Causas refertur : cùm aliàs vox *Effectus* specialis sit, respectu ad Efficiens, nec nisi per Synedochen solet generaliter usurpari.

*Effectus, seu Causatum respectu diversarum Causarum, diversas suscipit appellationes.*

Respectu Efficientis, dicitur, speciali significatione, Effectus ; respectu Finis, Finitum, seu Medium, seu Destinatum



Destinatum; respectu Formæ, Formatum; & respectu utriusque conjunctæ, Compositum.

*Quæ non est divisio effectûs in diversas species, sed distinctio unius rei diversimodè consideratæ, cum respectu ad diversas Causas.*

Una namque eadèmq; Domus, est Effectus Architecti; & Medium, inhabitationis; & Materiaturum, materiæ domûs, ut lapidum, lignorum &c. Ex quibus fit; & Formatum, formæ, i.e. figuræ per quam est Domus; & Compositum, materiæ, & formæ conjunctarum. Itèmq; Homo est sui patris, & matris Effectus; & felicitatis, ut contemplationis veri, & actionis Virtutis, aut gloriæ Dei, Medium seu Destinatum; & corporis humani, Materiaturum; & animæ rationalis, Formatum; & utriusque conjunctæ, Compositum.

*De hisce igitur quatuor Causis, nos in hac Methodo tractaturi sumus, & declaraturi, primò quâ ratione ac modo rerum Causæ in singulis generibus investigandæ sint, ut inveniantur: ac deinde, quâ dubiæ examinandæ, ut veræ, falsæque dijudicentur. Itémque tandem de effectuum investigatione atque examine agemus.*

*Cæterùm, quoniam singula quatuor Causarum genera rursus variè dividuntur seu distinguuntur, nec inutile est illas divisiones, una cum definitionibus cognoscere, tum ut Causarum natura clariùs discernatur, tum ut limitationes quorundam Canonum intelligantur, libet eas quoq; nostræ Causarum Disquisitioni breviter præmittere. Eâque in singulis generibus ordinis, ac memoriz juvandæ causâ, in duas Classes segregabimus. Quarum prima eas Divisiones complectetur, quæ sumuntur à vi seu modo Causandi: altera, ab ordine seu subordinatione Causarum.*

*Effici-*

# EFFICIENTIS

## DIVISIONES.

### I.

Ex Vi seu Modo efficiendi.

---

I. *Causa efficiens est principalis, aut instrumentalis.*



Principalis est quæ instrumento utitur: Causa instrumentalis, seu instrumentum est quod principali in efficiendo inservit: seu est id, per quod principale agens agit.

*Sic pictor est principale efficiens pingendi: penicillum est instrumentum. Quum Sol ex putri generat animal, Sol est principalis Causa; & calor solaris est instrumentalis Causa per quam id generat.*

Plato, Galenus aliique censuerunt Instrumentum esse quintum genus Causarum, sub nullâ quatuor Causarum suprâ enumeratarum comprehensum.

Id tamen Peripatetici rectè sub Efficiente collocant, contradistinctum efficienti principali, quod instrumento utitur. Et manifestò probatur Causam instrumentalem esse etiam efficientem: quia effectus ab instrumento quoque depen-

det efficienter, seu ab eo fit: ut scriptio à calamo; sectio à cultro. Et universa natura Efficientis in genere, etiam Instrumento convenit. Cæterum, repugnat Scaliger, qui Exercitat. 297. f. 3, instrumentum planè negat esse Causam, & principium; *Instrumentum enim, ait, non erit principium, quia non movet, nisi moveatur. Frustrà additum ad Causarum numerum, à Platone, & à Galeno.*

At enimverò non est de ratione principii in universum, movere & non moveri. Sic enim Efficiens non esset principium, neque Causa. Efficiens enim movetur à Fine: ut ipsemet Scaliger docet, Exercitat. 254. & 307. f. 25. Quin & Scaliger cum seipso pugnat, eadem sectione citatâ: ubi ait, *Sensio sensum ipsum habet pro effectu primo, instrumentum autem pro secundaria.* At verò secundarius effector est efficiens; & omne efficiens est Causa.

## II. *Efficiens est per se, vel per accidens.*

*Per se* est, quæ suâ facultate efficit: hoc est, natura, vel consulto. *Per accidens* est, quæ alienâ facultate efficit: i. e. præter naturæ suæ propensionem, aut animi consilium. Ibi dicitur *Casus*, hic *Fortuna*.

*Sic in naturaliter agentibus, efficientes per se sunt, quum ignis urit; frigus refrigerat; Rhabarbarum purgat choleram. & per accidens, quando frigus per antiperistasin calescit, & accendit febrim; aut ubi natura gignit monstrum.*

*In voluntariè agentibus, Causa per se est, quum quis terram fodiens facit sepem: at per accidens est, si sepis Causa fodiens, reperit thesaurum: & quando ho-*  
stis

## Definitiones, & Divisiones.

stis Pheræum Jasonem sanavit, gladia vomitum ejus aperiendo.

### III. Efficiens est immanens, aut transiens.

Immanens, quæ producit effectum in seipsa. Transiens, quæ producit effectum extra se.

Cum faber domum ædificat, aut pictor pingit, uterque dicitur Causa transiens: at quum anima nostra intelligit, aut appetit aliquid, dicitur Causa immanens suorum conceptuum, aut affectuum, quos intelligendo, & appetendo format.

### IV. Efficiens est emanativa, vel transmutativa.

Emanativa est, à quâ effectus effluit, & emanat, sine transmutatione. Alii definiunt, à quâ est effectus per resultantiam, non interveniente accidente aliquo. Transmutativa est, quæ cum transmutatione, seu motu agit.

Sic per emanationem, lumen est à Sole: & ab animâ potentia emanant in totum compositum: ut potentia sentiendi, intelligendi &c. Ità Deus & angeli dicuntur agere per emanationem: quia in illis propriè transmutatio non accidit. Ignis autem quando calefacit aquam, est efficiens per transmutationem. Sic animalia per transmutationem agunt, quando animalia generant.

## V. *Efficiens est naturalis, aut voluntaria.*

Naturalis est, quæ non consultò, sed ex naturæ suæ propensione agit; Ut, Sol causa naturalis est illuminandi, Ignis urendi.

Voluntaria causa est, quæ agit præcognitione, & consilio; Ut Homo dum ratiocinatur, loquitur, ædificat, &c.

Ad causam Voluntariam reduci potest causa Artificialis, quam addit *Aristot. 7 Metaphys. cap. 7.* Dicitur etiam agens per cognitionem *2. Phys. text. 50.* Item causa secundum electionem, eod. lib. text. 59. & 65.

## VI. *Efficiens est totalis, aut partialis.*

Totalis causa est, quæ producit totum effectum.

Sic solus Deus Mundum creavit. Sic equus unus totalis causa est trahendi currum, quum solus eum trahit.

Partialis est, quæ cum aliâ efficiente coordinatè concurrit in agendo; Ut, plures equi, qui simul trahunt currum.

## VII. *Efficiens est univoca, vel æquivoca.*

Univoca, quæ producit effectum sibi similem in specie.

Ut, Homo generans hominem: ignis gignens ignem.

*Æqui-*

Aequivoca est, quæ producit effectum sibi dissimilem in specie.

Ut, Homo quum librum scribit, aut statuum facit: ignis quando generat calorem.

## VIII. Efficiens est physica, vel moralis.

Physica est, quæ per se producit effectum. Moralis est, quæ non producit effectum influxu reali, ac physico; sed tamen ita se gerit, ut ei imputetur effectus.

Non hic sumitur Causa physica propriè, b.e. pro re naturali, quæ producit rem aliam naturalem; sed latius, pro qualibet causâ, verè ac realiter agente, ac producente effectum. Et hoc modo Deus est Causa Physica dum creat: & intellectus dum efficit intellectionem, & voluntas, volitionem. Sed Causam Physicam hic dicimus, quæ verè efficit: at Causam moralem, quæ tantum imputativè dicitur agere. Atque hujusmodi Causa Physicè considerata, tantum est Causa per accidens: cum per se ac verè non influat, & producat effectum.

Sed si quis non impedit quod potest ac debet, aut applicat Causam per se, vel persuadet ei, per consilium, aut preces, aut pretium, sive interdum agit per localem motum, ut applicando ignem domui, dicitur Causa Moralis. Nam tamen sit Causa per se Physica illius motus, combustionis tamen solum est Causa per accidens. Quæ autem verè ac realiter producant effectum, tamen si non sint res naturales, ut quum virtus efficit felicitatem, & statuarius, statuum tamen dicuntur Causæ Physicæ.

## II. Efficiens

## II.

Efficiens dividitur etiam ex ordine efficiendi, in efficientes subordinatas : ut,

**I. Efficiens est proxima, vel remota.**

Proxima est, quæ proximè producit effectum. Hoc est, sine aliâ efficiente intercedente : ut, *Ignis, dum urit lignum.*

Remota est, inter quam & effectum una vel plures efficientes interveniunt. Sic, *Cæli motus est Causa remota progressionis animalis* : quia aliæ etiam intercedunt.

**II. Efficiens est prima, vel secunda.**

**Prima est vel absolutè prima, vel in suo genere.**

Illæ est quæ habet virtutem independentem. *Quæ unica & sola est Deus.*

Prima in suo genere est, quæ non pendet ab aliâ efficiente in suo genere. Ut, *In genere animalium, anima est prima Causa, unde reliquæ omnes Causæ & Effectus pendent.*

Secunda Causa est, quæ habet vim agendi in Causâ absolutè primâ, seu primo Ente dependentem. *Quales Causæ sunt omnes Causæ inferiores, sub*  
Deo



Deo: ut, Homo, Sol &c. Respectu suarum operationum.

### III. Causa efficiens est, universalis, aut particularis.

Efficiens universale est, quod effectus diversarum specierum efficit. Ut, Sol, dum generat metalla, plantas, animalia.

Particulare efficiens est, quod determinatè attingit certam speciem in agendo.

Vt, Homo, quando generat hominem.

## FINIS DIVISIONES.

### I.

Ex vi seu modo Causandi finaliter.

#### I. Finis est Cujus vel Cui.

Græcis finis ἔ, & finis ὅ.

Finis Cujus est cujus adipiscendi gratiâ agens agit. Finis Cui est cui finis Cujus acquiritur, aut quaeritur.

Sic Medicinæ finis Cujus est sanitas: ejusdem finis Cui est homo servandus in sanitate, aut æger sanandus.

Finis Cujus magis propriè habet rationem Causæ finalis, quàm finis Cui. Quapropter Aristoteles ubicunque finem definit, dicit eum esse Cujus gratiâ aliquid fit. Ut 2. Phys. c. 3. & 7. & 5. Metaphys.

raphys. c. 2. Et hac ratione ait finem esse primum in intentione, & postremum in executio ne.

### *Finis Cujus est operatio, vel opus.*

Sic finis virtutis est proba seu moderata operatio; ac artium mechanicarum finis, non tam est operatio, quam opus aliquod: puta domus, navis, poculum, vel tale quid. Et in naturalibus, finis generationis est res genita.

### *Finis Cujus rursus est primarius, aut secundarius.*

Qui dicuntur aliàs finis principalis, & minùs principalis.

Primarius finis est, qui primariò seu maximè ab agente expetitur.

Quidam alio sensu vocant finem ultimum principalem: qui opponitur fini subordinato.

Secundarius finis est quem agens secundariò, & minùs intendit quàm alium.

Sic capillitium homini datum est primariò ad tuendum cerebrum; & secundariò ad ornatum. Æstus marini finis principalis est, ut tueatur mare à putredine; & minùs principalis, ut inserviat navigationi, & multa ad littus rejiciat. Vestium finis primarius est, tueri corpus humanum contra Coeli inclementiam: quarum finis secundarius est, ut corpus nostrum ornent.

### *II. Finis est objectivus, aut formalis.*

Qui aliàs dicuntur, finis Qui, & finis Quo.

Finis objectivus dicitur objectum illud circa quod operatio versatur. Finis formalis est modus per quem agens unitur objecto seu objectivo fini.

Et

Et dicitur finis formalis, quia est forma, vel modus, seu ratio secundum quam agens cum illo objecto unitur. Nam quando finis est operatio, præter actum ipsum, requirit objectum circa quod versatur. Ut, *Contemplatio quæ est finis hominis, versatur circa aliquam rem aut verum contemplandum: ubi verum est hominis finis objectivus: & contemplatio est ejusdem finis formalis.* Sic Theologi in fine hominis distinguunt visionem Dei, & Deum visum. Et visionem illam dicunt esse finem formalem: quem etiam appellant finem Quo, & adeptionem finis. Deum autem appellant finem objectivum, seu finem Qui, quia comparatur per finem formalem. Cæterum, Thomas 1. 2. q. 1. art. 8. & q. 3. art. 7. & q. 11. art. 3. ad 3. advertit hos non tam esse duos fines, quàm unum: quia neque objectum attingi potest, nisi per actum; neque actus fieri potest, nisi circa objectum: ideóque motio & intentio agentis est ad utrumque per modum unius: itaque unam Causam finalem complent.

### *III. Finis est per se, vel per accidens.*

Finis per se est, ad quem destinatum suâ naturâ ordinatur. Finis per accidens est ad quem medium præter naturam suam ordinatur.

Ut, *Medici, & Medicinæ finis per se, est sanitas, conservanda, vel restituenda: per accidens, autem lucrum, aut honor.*

### *IV. Finis est adæquatus, aut inadæquatus.*

Adæquatus, qui rei cujus finis est, æqualis est. Inadæquatus est qui re destinata latior est, vel angustior.

In

Inadæquatus est, qui re destinata latior est, aut angustior.

Itaque finis potest esse inadæquatus rei, per defectum aut per excessum; per defectum, ut, *Quum dicitur Rhetorica finem esse exornationem orationis.* Is enim angustior est, nec enim totius Rhetoricæ finis est, sed partis duntaxat. Per excessum autem, ut, *Si dicatur Physica finem esse contemplationem veri.* Omnes enim scientiæ habent pro communi fine, contemplationem veri. Igitur ad finem adæquatum duo requiruntur; nimirum, ut non sit partialis, sed totalis; nec communis, sed proprius. *Sic Rhetorica finis adæquatus est bene dicere ad persuadendum: & Physica, contemplari corpus naturale, aut res naturales.*

---

## II.

Ex ordine Causandi finaliter, finis dividitur in fines subordinatos. ut,

**I. Finis est proximus, aut remotus.**

Finis proximus, est qui proximè movere agens ad agendum. Remotus est, ad quem ordinatur finis alius propinquior.

Ut, *Rhetorica finis proximus est bene dicere; remotus, persuadere. Belli finis proximus est hostem vincere; remotior, ut in pace vivamus.*

II. Finis

## II. *Finis est subordinatus, aut ultimus.*

Subordinatus, qui ad ulteriorem tendit. Ultimus est, ad quem omnes sui subordinati fines contendunt, & ipse ad nullum alium.

Quem Aristot. 1. magn. moral. cap. 2. vocat finem perfectum. Et. Post.c. 12. sect. 8. ultimum finem. Et alii Græci σκοπιμώτατον τέλος. Idem Latinis summa intentio, & ultimus scopus dicitur.

In deambulatione, sanitatis Causâ, fines subordinati sunt depressio cibi ad fundum ventriculi, & deinde melior concoctio: qui ambo tendunt ad sanitatem tanquam ultimum finem in eo genere. Virtus est hominis finis subordinatus, tendens ad felicitatem ejus, qui est ultimus finis.

### *Finis ultimus, vel est simpliciter ultimus, vel in aliquo genere.*

Simpliciter ultimus est, qui ad nullum ulteriorem tendit. *Talis finis est Dei visio.*

Finis ultimus in aliquo genere, est qui ad ulteriorem in alio genere tendit; ut, *ultimus finis Medicinæ in suo genere est sanitas. Et belli, ut in pace vivamus.*

## III. *Finis est actionis, vel rei factæ.*

Finis actionis est res facienda; Finis rei factæ est ejus operatio.

Ut, *Finis ædificationis est domus ædificanda: finis domus est operatio ipsius i. e. inhabitatio, seu conservatio personarum, & rerum domesticarum.*

Cæterum, in definitione suprâ traditâ operatio non sumitur propriè, sed latè pro quovis usu ad quem res facta ordinatur. Neque omnis putanda est esse propter

propter rem factam, seu opus: sed interdum una operatio tendit ad aliam, tanquam finem suum. *Locutio est propter inlectionem; & pulsatio citharæ propter delectationem.*

#### IV. *Finis est internus, aut externus.*

Finis internus dicitur, qui in re cuius finis est comprehenditur; & in artibus vi artis obtinetur. *Finis Oratoris est bene dicere ad persuadendum.*

Externus finis est, qui est extra rem cuius finis est: & in artibus non semper obtinetur: nisi assumpto aliquo externo. *Sic Rhetorica finis est persuadere auditori. Et talis finis cuiusque rei est ejus usus.*

### MATERIÆ DIVISIONES.

#### I.

Ex vi seu modo causandi, materialiter.

#### I. *Materia est permanens, aut transiens.*

Permanens est, ex qua non mutata res componitur.

*Sic corpus humanum est materia permanens hominis, aenea statua.*

Materia transiens est, ex qua mutata, nec eadem permanente, res fit.

Quæ dicitur à Philosophis, materia alterationis, & dispositionis, & generationis. Sic quando ex semine generatur animat; aut ex ovo pullus; aut ex sanguine caro; aut ex farinâ fit panis; illa horum sunt materię transeuntes.

## II. Materia est corporea, vel incorporea.

Corporea, ex quâ res corporea fit seu constat. Qualis est corporum naturalium, & artificialium: ut, Elementa sunt materia mistorum: lapides, domûs.

Incorporea est, ex quâ res incorporeæ constant, quæcunque divisibiles sunt in partes.

Ut, sunt diëctiones in oratione; tres Propositiones in syllogismo. Sic artium & scientiarum materia, sunt earum præcepta. Sic magnitudinum ac figurarum Geometricarum materia, ex quâ constant, est incorporea.

Aliqui etiam distinguunt materiam in intelligibilem, & sensilem: ex Aristotele 8. Metaphys. c. 6. & sensilem vocant, quæ subest qualitatibus sensibilibus: intelligibilem, quæ secus est.

## II.

Ex Ordine Materia dividitur in materias subordinatas: ut,

### I. Materia est proxima, vel remota:

Materia proxima est, ex quâ res proximè constat.

Remota

Remota est, ex quâ res est interveniente propinquiori.

Sic proxima materia hominis, est corpus humanum remota, elementa. Materia proxima syllogismi sunt Propositiones in ipso; materia ejusdem remota, sunt termini, ex quibus eadem Propositiones composita sunt.

## FORMÆ DIVISIONES I.

Ex vi & modo causandi formaliter.

*I. Forma est substantialis, aut accidentalis.*

Substantialis est, quæ dat esse substantiale. Accidentalisis est, quæ dat esse accidentale.

Anima rationalis, quæ est forma hominis, est forma substantialis: sed doctrina, quæ est forma viri docti, quæ docti, est forma accidentalis.

*II. Forma est substantiæ, vel accidentis.*

Forma substantiæ est, per quam substantia suam esse substantiale habet.

*Estque materialis, vel immaterialis.*

Materialis est quæ est dependens à materiâ. Itaque ab eâ separari non potest, & per se subsistere: ideoque corrupto subjecto, perit ipsa.

Tales sunt formæ brutorum, & aliarum rerum inferiorum hominem: quæ nec fiunt, nec operantur, nec esse possunt, nisi in materia.

Forma



Forma immaterialis est, quæ non dependet materia, ideóque per se subsistit, etiam si separata sit à materiâ.

Talis forma est sola forma hominis: quippe quæ inter omnes formas, sola est immaterialis & immortalis.

Atque formæ materiales pendent à materiâ, non solum dum fiunt, sed etiam quum factæ sunt: immateriales autem neutro modo: unde illæ corruptibiles sunt, hæ incorruptibiles.

**II. Forma est naturalis, aut artificialis.**

Forma naturalis est, quæ à natura est. Artificialis, quæ ab arte.

Ut, Anima est forma naturalis viventis: figura statuæ, est forma artificialis.

**II.**

Item ex ordine distinguuntur formæ.

**Forma est generica, vel specifica, vel numerica.**

Forma generica est, quæ dat esse genericum. Specifica, quæ dat essentiam specificam: sive, rem in certâ specie constituit. Numerica est, quæ dat esse singulare.

Ut, Hominis forma generica est, anima sentiens, per quam est anima: eiusdem forma specifica, est anima rationalis. Socratis forma numerica est sua anima rationalis.

Caterum, advertendum est, quòd illa distinctio non sumatur ex parte rei, sed solum secundum abstractionem

stractionem, vel præcisionem mentis, ut loquuntur. Nam ex parte rei non est universale à singulari distinctum: sed Socrates, verbi gratiâ, est hic homo, & homo, & animal: quæ in eo significant unam eandemque essentiam. Itaque à parte rei non dantur plures ejusdem rei formæ, ut una sit generica; alia specifica; alia numerica: sed una eademque forma, quæ dat esse singulare, solum sub præcisiori conceptu; sub latiori, aliud nomen accipit, & specifica, & generica forma dicitur. Consultat qui volet Schieblerum Lib. I. Metaphys. cap. 22. tit. 22. art. 2. n. 276. Solâ igitur mentis operatione distinguuntur, cum in uno homine singulari re ipsa diversæ non sint. Ac consimiliter in formâ Cerebrali, aut alterius singularis animalis.

Atque ita, quid, & quoruplex sit Causa, per Definitiones, ac Divisiones, ad hujus quidem operis institutum & usum, satis superque dictum est. Quibus prælibatis, mox utilissimam doctrinam disquirendi rerum Causas aggrediemur.



## CAP. II.

# DE ORDINE INVESTIGANDI CAUSSAS.

**A**D cognoscendam cujusvis rei  
Causam in quolibet genere  
Causarum, i. e. in Efficiente,  
Fine, Materiâ, Formâ, duo necessariò re-  
quiruntur. Primum est Investigatio,  
seu Inventio Causæ: alterum est, Exa-  
minatio, sive Judicium Causæ, seu rei  
inventæ pro Causâ: ut, si dubia nobis  
sit, exactiùs ac certiùs dignoscamus,  
utrùm ea vera sit rei propositæ Causa,  
annon.

Quia

Quia nulla Causa cognosci queat, nisi judicetur, neque judicari possit, nisi prius aliquid inventum sit, quod judicetur. Utrumque igitur doceri debet. Sicut in Arithmetica ad cognoscendum numerum quæsitum, primò docetur modus investigandi, inveniendique ejusmodi numerum: ut, per Additionem, Totum; per Subductionem, Reliquum; per Multiplicationem, Factum, seu Productum; per Divisionem, Quotum. Deinde, in singulis traditur Probatio, seu Examen; quo exploretur, & dijudicetur numerus inventus per priorem Operationem, ut vocant, siue is verus numerus quæsitus, necne. Itémque in Logica traditur modus, seu Canones investigandi Genus; Definitionem; Divisionem; Syllogismum: ac præterea eadem examinandi ac judicandi. Consimiliter, quum rei Causam scire velimus, primò quærendum est, ut inveniamus quodnam sit ejus Causa. Quæ cogitatio Investigatio Causæ dicitur. Deinde, quod inventum est, repetita cogitatione, quasi ad lapidem Lydi um revocamus, ut dijudicetur exactius, verane sit Causa necne. Hæc ratiocinatio vocatur Examen aut Judicium Causæ.

Quamquam autem Investigatio, atque Inventio propriè loquendo differunt, tanquam medium ac finis, & sicut efficiens, & effectus: nam Investigatio est propter Inventionem, eamque sæpe producit, tamen cum modis utriusque unus idémque sit, earum nomina in ipsarum translatione, quasi pro una eademque re usurpabimus. Itémque vocibus Examinationis, ac Judicii, (quæ pressè accepta propriè discrepant) sine discrimine utemur.

*Qui rei Causam invenire vult,  
eam recto Ordine ac Viâ seu Modo  
querere debet.*

Sicut enim in aliis rebus; ita etiam in rerum  
Causis indagandis, nisi recto ordine, ac viâ scru-  
temur, non poterimus eas invenire, nisi Casu.

Qui autem rectè querit quidquam, penè id jam  
invenit.

*Ordo querendi potissimum consi-  
derandus est inter Causas subordina-  
tas, ut proximam, & remotas,  
quenam earum prius sit investiganda,  
queque posterius.*

Qui enim varias rei alicujus Causas, in quolibet  
genere Causarum perquirere cupit, certo ordine  
progredi debet, & ab illâ auspicari, à qua ad reli-  
quas commodissimè transire liceat.

*Hic autem ordo est analyticus, seu  
resolutivus; progrediens, seu potius re-  
grediens ab effectu proposito, primò ad  
proximam, & immediatam ejus  
Causam: eâque inventâ, similiter*

C

ad

ad illius *Causse* *caussum* proximam:  
 quæ est effecti propositi *Causa* remota;  
 & sic deinceps, usque adeò donec ad  
 illam remotam *caussum* per ventum sit,  
 in quâ sistere velimus.

Idcirco *Causa* natarâ & generatio-  
 ne postrema, inventione prima est.

Itaque rectè ait Plutarchus lib. de primo frigide  
*Physiologo* qui veritatem contemplatur, ultimarum *Cau-*  
*sarum* cognitio, non finis est, sed initium ad primas &  
 premasque *Causas* proficiscendi. Idemq; docet Aristot.  
 3. Ethic. Nicom. cap. 8. inquit, τὸ πρῶτον αἰ-  
 ῖον, ἐν τῇ εὐγενείᾳ ἔχον : prima *Causa*, in inven-  
 tione postrema est Et context. 17. ejusdem cap. ait  
 ultimum in resolutione, esse primum in generatione. Ita-  
 que qui rei *Causas* perquirat, simili ordine proce-  
 dit, ac ille, qui in tabulâ genealogicâ Majores co-  
 nspiciam inquit: ubi principiò quærit ejus patrem  
 mox patris patrem; qui est Hypothetici (ut vocant)  
 avus: & sic deinceps proavum, abavum, atavum  
 & reliquo majores.

Quapropter ordo investigandi *Causas*, contrarius  
 est ordini inquirendi Effectus: hic enim synthetici  
 seu compositivus, & descensivus est, inquirendum  
 primò primum & proximum rei Effectum; & de  
 de gradatim remotiores & posteriores: sicut in ta-  
 bulâ genealogicâ, posteri, ut filius, nepos, pro-  
 nepos, abnepos, & reliqui indagantur descenden-

do juxta ordinem generationis. Quâ de re posthac suo loco plenius dicendum erit, ubi de ordine investigandi Effectus agemus.

Exempla ordinis scrutandi Causas. Ac primò Efficientem.

Aristoteles in lib. de Generat: ac Corrup. primò Causas proximas, tum elementorum, tum mistarum per-vestigat; deinde ad remotas perquirendas progreditur. Itémque alibi facit.

Similia Exempla sunt in Causa iustrum-  
tali.

Ut, In pervestigandis iustrumentis spontaneæ motionis animalis, quærendum est primò proximum seu ultimum instrumentum, quo, vel per quod movetur animal; & sunt ossa; quæ moventur per tendines; tendines per musculos; & muscoli per spiritus animales. Attamen eadem instrumenta inventa contrario ordine, i.e. generationis doceri solent. Ut, per spiritus animales tanquam per instrumentum, muscoli contrahuntur; per musculos, tendines; per tendines, Ossa; denique per ossa mota, movetur totum animal, vel aliquod ejus membrum.

---

## Ex.in Fine.

In Historiæ practicæ finibus, primò scrutari oportet proximum finem; qui est cognitio rerum gestarum, deinde hujus cognitionis finem; qui est ut in-

de experientia activa comparetur, &  
ab ea prudentia discatur.

## Ex. in Materia.

*In Hominis materia, primò quaerimus proximam, quæ est corpus humanum: postea, si ulteriorem querimus, investigamus hujus corporis materiam; ut elementa, quæ proinde sunt Hominis materia remota.*

In Forma verò, non quaeritur, nec datur forma formæ.

Sic de Ordine perscrutandi Causas, satis dictum videtur.

---

CAP. III

---



CAP. III.

DE MODO INVESTIGANDI INVENIENDIQUE CAUSSAS,  
generatim.

**D**EINDE, de viâ ac ratione investigandi rerum Causas dicendum est.

Ubi generalem ac communem modum prælibabimus, ac postea, speciales seu proprios modos scrutandi Causas in singulis quatuor Causarum generibus, declarabimus.

Modus & ratio investigandi unamquamque Causam sumitur ex propria natura illius speciei Causæ, seu generis Causarum, sub quo Causa, quam

30 LIB. I. Cap. III. De generali modo  
quærimus, continetur. Hoc est, re  
Causa efficiens invenitur ex Efficien  
tis propria natura, itémque rei Finis  
Materia, & Forma, ex propriâ natu  
râ cujusque illarum Causarum.

Proprius autem quærendi modus  
singulis Causis, in duos modos, su  
partes dividi potest. Quorum unus su  
mitur à propriis illius generis Causa  
rum Affectionibus; alter, à Causa  
cognatorum effectuum.

Etenim Causa omnis invenitur  
aut è propria aliqua suæ generalis Causa  
Affectione; aut ex Causa alterius cog  
nati effecti, i. e. consentanei, aut op  
positi effectui proposito, cujus Causa  
quærimus.

Id enim vera cujusque rei Causa

est, cui competit aliqua proprietas illius generis Causæ, respectu ad eundem effectum.

Vt, Cui tribuitur proprietas Efficientis, respectu ad aliquem effectum, id est ejusdem efficiens. Ac par ratio est in cæteris Causis.

Per proprietatem autem hęc intelligimus, non quamcunque affectionem Causæ, ut communem, quæ alii etiam rei præter illam Causam tribuitur; sed propriam affectionem, quæ alicui generi Causarum soli competit: ut soli Efficienti; aut soli Fini; aut Materiæ; aut Formæ.

Item, illud Causa effecti est, cujus cognatum Causa est alterius cognati effecti: sive sit consentaneus effectus, seu oppositus proposito effectui.

Nam ex cognita Causa unius cognatorum effectuum, Causa quoque alterius colligi, atque inveniri potest.

Vt, Id Causa efficiens virtutis est, cujus contrarium est Causa contrarii virtutis i.e. vitii. Aut cujus simile Causa est alterius similis effecti; & par ratio est in cæteris Causarum generibus.

Atque illæ duæ Propositiones de Causarum

32 LIB. I. Cap. III. De generali modo  
sarum Proprietatibus, & cognatis, sunt  
generales Canones ac Principia, seu  
fundamenta omnis inventionis Causarum;  
omnesque ejus Canones speciales  
sub se complectuntur.

Proprie autem Affectiones, ac cognate  
Causarum comprehenduntur Locis, ac  
Canonibus Investigationis <sup>singularium</sup> Causarum;  
è quibus petuntur argumenta ad Causas  
inveniendas.

Suntque nihil aliud; quam Loci, ac  
Canones, atque Argumenta confirmandi  
Causas.

Qui Loci, ac Canones duplici usu  
inserviunt: nimirum ad veras rerum  
Causas, tum inveniendas, tum dubias  
judicandas.

Ad inventionem quidem, quatenus  
applicantur ad questionem Cause  
quam

quam quærimus invenire ; ad Judicium verò, quando adhibentur ad quæstionem Causæ quam examinaturi sumus.

Duæ namque quæstiones fiunt ad rei Causam cognoscendam, Prima est Investigationis, seu Causæ invenienda; altera, Examinationis, sive Causæ judicandæ. In quarum priore, nihil proponitur tanquam rei Causa; sed quæritur tantum quid sit rei propositæ Causa.

Ut, Quid sit Causa virtutis. Quodnam Causa sit terra-motus.

In altera quæstione distinctè proponitur quidpiam dubium, & proinde examinandum, utrum id sit rei propositæ Causa, necne.

Ut, Num moderata actiones fiat Causa virtutis, an non. Sinne halitus in terrâ conclusi Causa terra-motus, necne.

Itaque Loci, ac Canones tum Inventionis, tum Judicii veræ Causæ, re conveniunt, modo differunt. Utrique enim sunt illi ipsi Loci, ac Canones confirmationis Causarum. Differunt tamen modo, quatenus ad duas illas diversas quæstiones Causæ inveniendæ, atque judicandæ diversis modis applicantur.

Et quatenus adhibentur ad rei Causam investigandam, & inveniendam, eatenus vocantur Loci, ac Canones investigationis, seu inventionis Causæ; prout autem ad veram Causam dijudicandam applicantur, eatenus sunt Judicii veræ Causæ.

Canones autem Refutationis unicum habent usum. i. e. ad refellendum duntaxat: ac proinde solum ad dijudicandum

candum, quid non sit vera rei Caus-  
sa. Nec quicquam ad investigationem  
veræ Causæ, per se valent; sed per  
accidens tantum: nimirum quatenus nos  
faciunt falsam repudiare, atque iccirco  
nos excitant ad aliud pro verâ Causâ  
perscrutandum.

## Generalis via investigandi Causam.

Investigaturo quamcunque rei Caus-  
sam, primò considerandum est, sub quo-  
nam genere Causarum ea Causa conti-  
neatur quam quærit, Utrum (inquam)  
sit hujus rei Efficiens; an Finis; an  
Materia; an Forma?

Quo cognito, deinde Causam in-  
veniendam inquirere oportet ex Locis,  
ac

36 LIB. I. Cap. III. De generali modo  
ac Canonibus investigandi Causam  
ejusdem generis.

Et Canon, quem sumimus, supplet  
vicem Majoris propositionis Syllogismi.  
Qui tamen plerumque oratione non ex-  
primitur, sed in animo reticetur brevi-  
tatis Causâ: & sic fit enthymema.

Deinde, Assumptio seu Minor in-  
venienda est: quæ aliter quærenda est,  
si Locus, ac Canon sumatur à Proprie-  
tate Causæ: aliter, si à Causa cog-  
nati effecti.

Si enim sumitur à Proprietate, tunc  
quærendum est, in quodnam eadem con-  
veniat: siue, quid tale sit, respectu  
ad effectum propositum.

Id quod quæritur, per sensum, aut  
experientiam, aut rationem, aut testi-  
monium



monium experti ; sicubi nos rei experi-  
entiâ caſſeamus.

Et reperto cuinam ea proprietas  
Cauſſæ competat, Minor ex illo unâ  
cum affectione constituitur ; & idem  
concluditur, & invenitur eſſe vera rei  
Cauſſa, in eodem genere.

Si autem Cauſſam ſcrutamur, ex  
aliquo Loco, ac Canone, à Cauſſa alte-  
rius effecti cognati effectui propoſito,  
tum videndum, quodnam ſit Cauſſa  
illius alterius effecti : quo reperto, &  
in Aſſumptione diſpoſito, illius Cauſſæ  
cognatum invenietur eſſe Cauſſa, quam  
querimus propoſiti effecti.

Deinde, quod inventum eſt pro  
Cauſſa (præſertim ſi de eo dubitemus)  
examinandum erit, per Locos, ac Ca-  
nones

38 LIB. I. Cap. III. De generali modo  
nones *Examinis ejusmodi Causse*, posthac  
tradendos. Libro De *Examine*  
*Causarum*.

*Equibus*, si *Causa*, quam exami-  
namus, refellitur, ac judicatur falsa,  
tunc alia *Causa* ad eundem modum  
perquirenda, atque exminanda erit.

Sin autem comprobabitur, ac ju-  
dicabitur esse vera, *Causa* quæ sita re-  
tè inventa est.

Cæterum, *Locis Inventionis* è Pro-  
prietatibus *Causarum*, cum sint diver-  
si in singulis generibus, iccirco eos initio  
tractationis cujusque *Causæ*, synopsi  
quadam, memoriæ juvande gratiâ, ob  
oculos ponemus.

Quorum

Quorum alii sumuntur à Conditionibus Causæ prærequisitis ad Causandum, in eo genere Causæ.

Alii, à reliquis Proprietatibus non necessario prærequisitis ad Causandum.

Alii denique sunt Loci compositi è duabus Affectionibus: unde Causa quæsitæ validius confirmetur, ac certius inveniatur.

Loci autem Causarum cognatorum effectuum iidem generales sunt in singulis Causis. Quapropter eos simul & semel in tabellâ recensebimus: ut eorum repetitio initio tractationis singularum Causarum evitetur.

Loci Inventionis Causarum à Causis cognatorum effectuum.

I. Sunt à Caussis Superiorum effectuum ad Caussas Inferiorum : ut,

1. *A Causâ Generis , vel generalis effecti.*

2. *A Causa speciei ad Causam singularis effecti.*

II. A Caussis Inferiorum effectuum : ut,

1 *A Caussis omnium specierum , seu specialium effectuum , ad sui generis Causam.*

2. *A Caussis singularium effectuum , ad Causam speciei.*

III. A Caussis Oppositorum effectuum : præsertim Contrariorum.

IV. A Caussis Comparatorum effectuum : ut,

1. *Majoris.*

2. *Minoris.*

3. *Paris.*

4. *Similis.*

V. Denique , à Caussis duorum Cognatorum , vel à binis cognatis.

Tantum de generali modo investigandi Causas dixisse sufficiat.

CAP. IV.

CAP. IV.

DE MODO INVES-  
tigandi Causam Efficientem

SECTIO I.

DE LOCIS A PROPRIETATIBVS  
E F U S.

Articulus I. De Locis à propriis Con-  
ditionibus prærequisitis  
ad agendum.

**N**unc ad modos speciales inqui-  
rendi singulas Causas descen-  
demus : primòque ad modum Efficientis  
scrutandi.

Quod investigandum est ex ipsius  
Locis , ac Canonibus Inventionis.

LOCI

## LOCI A PROPRIETATIBUS EFFICIENTIS.

I. Sunt à propriis ejus Conditionibus prærequisitis ad efficiendum : ut , Locus

\* 1 A positione, vel præsentia cum patibili, dum fit actio in ipsum. \* 2 A contactu cum patiente, dum fit actio. \* 3 A principio unde oritur actio.

II. A propriis affectionibus non necessario prærequisitis ad actionem : ut , \* 1 A non positione, seu præsentia cum patibili, & non actione. \* 2 A non contactu, & non actione. \* 3 A sublatione, & à remotione à contactu. \* 4 A Repassione. \* 5 A proportionem distantie, & actionis. \* 6 Ab unitione, & dispersione. \* 7 Ab enumeratione efficientium generalium, aut specialium.

III. Denique, sunt Loci compositi è duabus, aut pluribus affectionibus Efficientis: ut,

§ 1 A positione & alia affectione.

\* 1 A non positione, seu præsentia cum patiente, & præsentia. \* 2 A positione cum eo, & sublatione.

§ 2 A contactu, & alia affectione.

\* 1 A non contactu, & contactu cum patiente \* 2 A contactu cum patiente, & similitudine. \* 3 A contactu cum patiente, & virtute sufficiente ad ad agendum. \* 4 A contactu cum patiente, & remotione.

LOCUS

## LOCUS I.

A positione vel præsentiâ cum patiente, dum actio fit in ipsum. Et, quærendum, quid sit, quo posito vel præsente cum hoc patiente, id necessario patitur hunc effectum, vel hæc actio fit in ipsum.

## Can. Investigationis.

*Idem est efficiens actionis, quo posito, vel præsente cum aliquo, actio illa in ipsum necessario fit.*

*Vel, id necessario patitur eum affectum.*

## Exemplum Investigationis.

Investigaturus quid sit Causa efficiens virtutis moralis, eam inveniam, si quæram, & reperiam, quid sit quo posito in homine, ea necessario generetur. Sed reperio quòd positis in aliquo crebris actionibus moderatis, virtus in eo necessario gignitur. E. concludo, & invenio eas esse Causam virtutis moralis.

Sic Aristoteles Problem. s. 5. problem 30. quærit Causam inter ea quæ simul ponuntur, vel accidunt cum effectu: ubi ait, Cur non protinus ab exercitatione esurimus? Utrum propter colliquefactionis residua, dum penitus concoquantur? An propter spiritum, quem labor ex humore subdito movet? An propter sitim, quam laboris calor inducit? Hæc enim accidunt omnia.

Sic idem Philosophus lib. de Somno, & Vigil. cap. 4. context. 1. Inventurus Causam somni, ac vigiliae, quærit quo motu actione vel corporum antegressâ, dormire, animalibus obveniat, aut etiam vigilare.

## II.

**A contractu cum patiente, dum fit actio in ipsum.**

*Quid est quo tangente hoc, hic affectus in ipsum necessarius fit? Vel, hæc actio fit?*

**Can. Investigat.**

***Id efficiens actionis est, quo tangente, patiens hoc necessario patitur.***

Sive, tangat Contactu corporis, aut virtutis:

**Ex. Investigat.**

*Quenam Causa fuit interitus Cleopatrae? mors fuit ei aspide, & mox perit: E. aspis fuit ejus interitus Causa.*

*In altissimâ quadam turre urbis Mechliniensis, pulveris tormentarii 700 circiter cadi accensi sunt, ac in flammam disflati. At quonam tangente, pulvis ille incensus fuit? Fulmine: Quare fulmen in Causa fuit. Quod accidit anno 1546. unde ingens ædificiorum ruina, & mortalium strages in illa urbe edita est.*

Hic Locus à contactu, non est omnino idem cum priore, à positione: non enim omne agens, agit per contactum propriè dictum; sed solum agens per actionem transeuntem: i. e. quod agit in aliud. Sed agens per actionem immanentem, agit in seipsum, aut secundum eandem partem, aut per unam partem in aliam: unde palàm est, illud non agere per contractum propriè dictum. Cæterum, contactus, de quo loquitur Canon, non semper est corporeus seu quantitativus, sed sæpe solum virtualis: quando



quando sc. agens virtutem suam spargit per medium, & per eam tanquam per instrumentum attingit rem distantem, in quam agit: quo pacto Sol, & reliqua astra agunt in hæc inferiora, & magnes in ferrum, aliæque in alia. Quinetiam agentia spiritalia & corporis expertia debent proportionali modo esse propinqua secundum præsentiam, & attingere patientem s. tactu virtutis suæ.

### III.

**A principio actionis. Quodnam est id unde hæc actio oritur secundum executionem?**

**Can. Investigat.**

**Id à quo actio oritur secundum executionem, est ejus Causa efficiens.**

Dictum est, secundum executionem, ad excludendum Finem: qui est primum principium actionis, intentione, seu motione ad agendum; non autem executione.

**Ex. Investigat.**

Nilus inundare solet Ægyptum mediâ æstate: cujus inundationis Causa acriter torsit ingenia veterum Philosophorum Ægyptiorum, ac Græcorum. Sed inveniri potest querendo, & inveniendo, unde incipiat: Incipit autem à pluviiis hyemalibus in Æthiopiâ, circa Nili fontes, quod nunc exploratum est: quæ & ingentes sunt, ac diuturnæ: unde aquæ decurrunt in Ægyptum, humilem ac campestre regionem, eamque inundant: ubi æstas est eodem tempore, quo in Æthiopiâ hyems. E. illæ pluvie Causa sunt Nilicæ inundationis.

Iraq;

Itaque rectè scripsit Seneca 4. nat. quæst. cap. 22  
*Vnde Nilus crescere incipiat, si comprehendi posset,  
 Causæ quoque incrementi invenirentur.*

Sic Philosophus lib. de Somno ac Vigil. cap. 4  
*Investigat somni Causam ex principio, unde ejus origo  
 est.*

Artic. II. De Locis à propriis af-  
 fectionibus Efficientibus non  
 necessario prærequisitis ad ejus  
 actionem.

### I.

A non positione, vel non præ-  
 sentiâ efficientis, & actionis. *Quid  
 est, sine quo præsentem cum patiente, non  
 potest fieri hæc actio?*

Can. Investigat.

*Id probabile est esse actionis efficiens,  
 sine quo posito cum patiente, non fit  
 ea actio in ipsum.*

Nisi sit conditio aliqua necessaria ad agendum.

Ex. Investigat.

*Quid est, sine quo, in hoc inferiori Mundo, res nec gene-*

tari, nec conservari possunt? Sol. Quare Sol Causa est  
tum generationis, tum conservationis earum.

## II.

A non contactu, & non actione. Quid est, sine cujus contactu cum hoc patiente, hæc actio fieri nequeat?

Can. Investigat.

Id, quo non tangente aliquid actio quædam in ipsum fieri non potest, probabile est, esse ejus efficiens.

Exemplum.

Quousque Sol suis radiis non attigerit terram, ea non incalcescit. E. Sol Causa est calefactionis.

Tali argumento unusquisque reperit Solem esse Causam calefactionis.

## III.

A sublatione, vel remotione à contactu passi. Quoniam sublato vel remoto à contactu hujus passi, desinit hæc actio in ipsum fieri?

Can

## Can. Investigat.

*Id quo sublato, vel remoto à passo  
necessariò cessat aliqua actio in ipsum  
fieri actionis efficiens est.*

*Vel, Si uno solo sublato seu remoto à passo, actio aliqua  
desinit in ipsum fieri, id est actionis efficiens.*

*Dixi, uno solo sublato, vel remoto: quia pluribus si-  
mul sublatis, vel remotis à passo, & actione cessan-  
te fieri, incertum erit, quodnam fuerit ejus effici-  
ens: nisi scias, aut probes cætera præter unum  
eorundem, non esse efficiens. Cæterum, remoto  
agente cessat actio, quia cessat contactus: qui neces-  
sariò requiritur inter tale agens, & pariens. Placuit  
hic nobis duos Locos, ac Canones Efficientis, à  
sublatione, & Remotione, in unum, brevitatis Causâ  
conjungere. Sublatio autem & Remotio hic propriè  
accepta differunt: quia tolli propriè dicitur, quod  
perit: at removeri potest à passo vel contactu, quod  
non perit, seu aboletur.*

## Ex. investig. Sublatione.

*Quid est, quo sublato, peribit memoria antiquitatis, &  
rerum olim gestarum? Historia. Quare liquet eam esse  
conservatricem memoriæ rerum gestarum.*

## Ex. Investig. à Remotione.

*Quid fuit, quo remoto, seu sublato, hic morbus subla-  
tus est? Bilis. E. ea morbi Causa fuit.*

### IIII.

A repassione. Quid hoc agendo repatitur?

Can. Invent.

Id quod agendo repatitur, est prioris actionis efficiens.

Ex. Investigat.

Quid repatitur multum cogitando & intelligendo? Cerebrum? E. id est efficiens intellectionis.

### V.

A proportionem distantiae, & actionis. Quid est, quod quum propinquius existit huic patienti, hæc actio intensior est? & quò longius distat, eò remissior?

Can. Invent.

Id est actionis efficiens, quod ubi aut quando ipsum, & patiens propinquiora

D

quiora inter se sunt, actio fortiùs fit;  
 & quantò longiùs distant, tantò debi-  
 liùs. Cæteris Paribus.

Ex. Invent.

*In eâ septentrionali parte Americæ, quam nostrates Neu-  
 funlandiam vocant, aër litori vicinus, hyeme impense  
 frigidus est, ob glaciem eò à Septentrione delatam. Nam  
 longiùs diffitus, minùs refrigeratur.*

## VI.

Ab enumeratione efficientium  
 generalium, aut specialium.

Can. Investigat.

*Ubi plures dantur Efficientes Causse  
 generales, aut speciales alicujus effecti  
 eisque enumeratis, & probato, nullam  
 earum esse efficientem effecti propo-  
 siti, præter unam reliquam; hæc erit  
 hujus efficiens.*

*In hujusmodi verò argumentatione, observandum  
 est, ut illa enumeratio plena sit: alioqui non con-  
 cludet: necessariò attamen enumeratio non sen-*

per exprimitur, sed sæpe animo reticetur, & subintelligitur in Majori Propositione.

Ex. Investigat.

Si quæro efficiens generationis soricum in navibus, videndum quanam sint Causse Efficientes universales eorum generationis. Generantur autem sorices, vel univocâ generatione ab aliis soricibus; vel à Sole, ex putri materiâ. Atqui illi in navibus, non sunt generati à priore Causâ: siquidem nullus sorix in Nave affuerit, quum è portu solveretur. Reliquum est ergò ut Solis virtute è putridis quicquillis in nave generati sint.

## Artic. III.

De Locis compositis à duabus Affectionibus Efficientis.

§. I. A positione, & aliâ affectione.

Investigantur rerum Causse, non solum ex singulari aliquâ earum Affectione, aut ex Causâ cognati effecti; verum etiam quandoque è duabus Affectionibus, aut cognatis, simul in uno argumento conjunctis: unde Causse certius inveniuntur. Cujusmodi Locos, Canones, & Argumenta, distinctio-

*nis Caussa à Simplicibus, Composita appellabimus. Novis enim rebus (ut ait Cicero) nova nomina imponenda sunt. Nihil autem interest, sive res ipsæ novæ sint, sive nomine caruerint. Eaque Simplicibus in singularum Causarum tractatione, subjiciemus.*

## I.

**A** non positione cum patiente, & positione. Quid est, quo non posito cum hoc patiente, non fiat hæc actio? & posito, necessariò fit?

Can. Investigat.

*Id, quo non posito cum patiente, non fit actio quædam in ipsum; & posito necessariò fit, est actionis illius, seu effectus efficiens:*

Ex. Investigat.

*Quid est, sine quo nemo beatus esse possit, & quo præditi sunt felices? Virtus, aut virtutis actiones. E. Caussa est felicitatis.*



## II.

A positione cum patiente, & sublatione. Quonam posito cum hoc patiente, hæc actio vel affectus in ipsum fit, & sublato, cessat fieri?

Can. Investigat.

Id est actionis efficiens, quo posito cum patiente, fit eadem actio in ipsum; & sublato, cessat fieri.

Ex. Investigat.

Quid aërem à putredine tuetur? Aër quamdiu ventis agitur, non putrescit; at ventis silentibus, citò putrescit. Ventus igitur seu motus aërem à putredine tuetur.

Sic colligere possumus, æstum marinum, mare à putredine vindicare: si supponamus æstum cessare.

§. 2 A contactu, & aliâ affectione.

## I.

A non-contactu, & contactu cum patiente. Quid est, sine quo tangente hoc patiens, hæc actio in ipsum

D 3

non

non fit, & eo tangente necessario fit.

### Can. Investigat.

*Id est actionis efficiens, sine quo tangente patiens, actio non fit, & tangente, necessario fit.*

*Vel, Quod antequam attingat aliquid, actio quidem in ipsum non fit; & dum attingit, necessario fit, est ejusdem actionis efficiens.*

### Ex. Investigat.

*Nisi lumen obiectum attingat, hoc non possit cerni: sed cum ipsum attigerit, conspicitur. Vnde colligimus lumen esse aliquam Causam visionis.*

## II.

*A contactu cum patiente, & similitudine cum effectu. Quid talis qualis hic effectus est, tangit hoc patiens, dum fit?*

### Can. Invent.

*Quali tangente patiens, talis fit effectus, id est ejus Causa efficiens.*

*Vel, Si non nisi unum quod tangit patiens dum fit effectus, tale sit qualis effectus, id est hujus agens. Atque hic Canon certissimus est, si modò nullum aliud simile, eodem tempore tangat patiens.*

Ex. Invent.

*Incidit in febrem ardentem, dum in fervido Sole versatur. Unde colligatur Solem illius febris Causam fuisse:*

### III.

A contactu cum patiente & virtute sufficiente. Quid tangit hoc patientis, quod præditum est virtute sufficiente ad hunc effectum præstandum?

Can. Investigat.

Quod tangit passum dum actio fit, & pollet virtute sufficiente ad eam exsequendam, id est ejus efficiens.

Vel, Si non nisi unum quod attingit patientis dum actio fit, habet virtutem sufficientem ad agendum, id est actionis Causa efficiens.

Ex. Investigat.

Quid in terrâ conclusum sat virium habet ad eam quatiendam? Copiosi halitus, aut ignis subterraneus. Quare existimandum est, illos terræ motuum Causam esse.

### IV.

A contactu cum patiente, et  
D 4 remo-

remotione. *Quid est quo tangente hoc patiens, actio hæc in ipsum fit, & remoto, cessat fieri.*

Can. Inquisit.

*Quo tangente quidquam, actio aliqua in ipsum fit, & remoto, cessat fieri; id est efficiens.*

Ex. Inquisit.

*Sol dum suis radiis attingit aërem aut terram, ea incallescunt, & quum is removetur hæc cessant calefieri. Unde unusquisque invenit Solem esse Causam illius calefactionis.*

---

*Sectio*

---

## SECTIO II.

## DE LOCIS INVENIENDI

Efficiens ab Efficientibus cognatorum effectuum.

## Artic. I.

Loci à Caussis efficientibus Superiorum effectuum.

**H**ACTENUS dictum est de Locis inquirendi Efficiens ex Affectionibus ipsius: nunc videamus Locos ab Efficientibus Cognatorum effectuum.

Loci Efficientium superiorum seu magis universalium effectuum sunt Generis; & Speciei superioris.

## I.

Ab Efficiente Generis, vel generalis

neralis effectus. *Quid est efficiens  
Generis hujus effectus specialis?*

Can. Investigat.

*Quod est efficiens generalis effecti,  
vel omnium ejusdem generis, est etiam  
efficiens specialis effecti, & singula-  
ris.*

Sed tanquam generale efficiens, non speciale,  
aut proprium.

Ex. Investigat.

*Deus est Causa omnis boni ( sc. creati ) E. etiam  
summi boni, seu felicitatis humanae.*

*Crebrae similes actiones morales sunt Causa habitus mo-  
ralis. E. etiam habitus virtutis.*

Atque utile est saepenumero ad  
Causarum inventionem, prius  
generales Causas inquirere.  
Quod Aristoteles facere solet, i-  
demque insinuat, 2. de generat.  
c. 10. text. 51. Similiter docet Epi-  
curus

curus apud Laërtium lib. 10. pag. mihi 781. Quòd Causæ generales inprimis comprehensæ Causas quoque particularium rerum cognitu faciles facient. Hoc autem non solum de efficientibus, verum etiam de cæteris Causis dici potest.

## II.

Ab Efficiente specialis effectus ad efficiens sui singularis.

*Quid est efficiens speciei hujus singularis effectus?*

Can. Investigat.

*Efficiens speciei, vel omnium unius speciei, est etiam efficiens cujusvis sui singularis.*

Tanquam sc. ejus speciale Efficiens, non singulare ac proprium.

Ex. Investigat.

*Concordiâ respUBLICæ florent; discordiâ, dilabuntur.  
E. hæc Resp. concordiâ florebit, discordiâ dilaberetur.*

Ho

Hoc eodem modo Fracastorius libro Italico de inundatione Nili, scrutatur *Causam Niliacæ inundationis in Ægypto, ex Causa universali exundationis fluviorum.*

## Artic. II. Loci à Causis efficientibus Inferiorum effectuum.

*Loci ab Efficientibus Inferiorum effectuum, sunt à Causis Specierum aut Singularium effectuum.*

### I.

Ab Efficientibus Specierum ad efficiens earum generis. *Quenam sunt Causæ speciales omnium Specierum hujusce generalis effecti propositi?*

Can. Investigat.

*Si omnes species unius generis sunt Causæ specialium effectuum, item earum genus Causa erit generalis effecti.*

Ex



Ex. Investigat.

Crebra & moderata actiones in alimento sumendo, Causa sunt Temperantiae; in distribuendo, ac commutando suum cuique, Justitiae; in rebus terribilibus audendis, ac sustinendis, Fortitudinis; ac consimiliter in ceteris moralibus actionibus. E. crebra & mediocres actiones morales Causa sunt Virtutis moralis.

## II.

A Causis Singularium effectuum. Quae Causae sunt singularium effectuum hujus specialis?

Can. Investigat.

Quae Causae sunt omnium aut multorum singularium unius speciei, illorum species quoque Causa erit specialis effecti.

Ex. Investigat.

Ignis subterraneus Causa est terrae-motus Aetnae, Vesuvii, & aliorum montium ardentium, ut in Asoriis insulis, & Americâ. E. ignis Causa est terrae-motus.

Quinetiam non solum ex omnibus, aut multis singularibus seu exemplis inveniri potest Causa efficiens speciei, verum etiam ex uno exemplo Causae: saltem probabiliter.

Ut

Ut, Investigaturus Causam prudentiæ, quero quid fuit Causa prudentiæ Ulyssis. Et, reperio, Quod mores hominum multorum vidit, & urbes.

Ut Poëta canit. E. invenio Experientiam morum humanorum Causam esse prudentiæ.

Ita auctores non raro probant Causam ab uno solo exemplo.

### Artic. III. Loci ab Efficientibus Oppositorum effectuum,

I.

In Oppositis, Locus utilissimus ac maximè considerandus, est a Causis Contrariorum effectuum.

Quid est Causa effectui huic proposito effectui contrarii?

Can. Investigat.

Id est rei efficiens cujus contrarium est efficiens alterius rei Contraria

Contrariorum namque effectuum Causæ sunt contraria. Τῶν ἐναντίων, τὰ ἐναντία ποιοῦντα: &, Τῶν ἐναντίων αἰτία ἐναντία. Quæ & similia axiomata multis in locis inculcat Aristoteles: eademque apud alios autores passim leguntur. Quæ intelligenda sunt de Efficientibus per se; Alioquin & duo contraria possunt esse Causa unius effectus quum sc. unum eorum agit per se, & alterum per accidens: ut, quando ignis per se urit; & gel

urit herbas per accidens : & spes , & desperatio pariunt audaciam. Et unum potest esse Causa contrariorum effectuum : unius quidem per se , ut potest quum frigidum refrigerat ; alterius , per accidens : ut quum frigidum , per antiperistasin calefacit.

Ex. Investigat.

Ut inveniam Causam virtutis , quæro quid sit Causa ejus contrarii , i. e. vitii. Vitii autem Causa sunt crebra & immoderate actiones morales . Itaque reperio Causam virtutis esse frequentes mediocres actiones morales.

*Inter Opposita recensentur Privativè Opposita : quæ sunt , Habitus, & Privatio.*

Privatio seu defectus accuratè loquendo , non est res , aut effectus propriè dictus : ac proinde non habet Causam efficientem , sed deficientem , ut vocant. Quapropter Thomas Aquinas multis in locis asserit , Effectum deficientem esse , à Causâ deficiente. Et D. Augustin. lib. 12. de Civit. Dei. cap. 7. docet , Mali non esse Causam efficientem , sed deficientem. Quia malum in se , non est positivum quid , sed privativum. Attamen quoniam sæpenumero usu venit , ut consideretur Causa Privationis , Defectus , & Mali , in rebus Moralibus , Politicis , Theologicis , Medicis , Militaribus &c. non inutile videtur de Privationis Causa quanquam impropriè dictâ docere.

## II.

*A Causâ Habitus seu positivi effecti.*

*fecti investigari potest Causa sua oppositæ privationis, seu defectûs.*

### Can. Investigat.

*Quod est Causa alicujus habitûs seu positivi effectûs, ejus privatio seu defectus dicitur Causa oppositi privativi seu deficientis effecti.*

#### Ex. Investigat.

*Ad inveniendam Causam mortis considero Causam vitæ: quæ est calor innatus. E. ejus privatio seu extinctio est Causa mortis.*

*Aliquando etiam Positivum ac reale quid, statuitur Causa Privationis, seu Defectûs.*

*Sic frigus dicitur Causa mortis quæ est privatio & Seneca ait, Neccessaria non didici, quia didici non necessaria.*

## III.

*Item, à Causâ privativi seu deficientis effecti, ut vocant, scrutari licet Causam habitualis seu positivi effecti ei oppositi.*

Can.

## Can. Investigat.

*Quod est quasi Causa privationis aut negationis, seu defectûs, ejus oppositum Causa est oppositi realis ac positivi effectûs.*

Ex. Investigat.

*Causa mortis est privatio & extinctio caloris innati. E. vita consistit in calore innato.*

*Cæterum, contradicentium, & relativè oppositorum, ad Causam efficientem, aut aliam invenientiam, usum nullum reperio.*

## Artic. IV. Loci ab Efficientibus Comparatorum effectuum.

### I.

*A Causa Majoris effectûs. Quid est efficiens majoris hujusmodi effectûs?*

## Can. Investigat.

*Id est Causa alicujus effecti, cujus majus Causa est majoris effecti.*

*Idem enim Causa est absoluti effectûs, & majoris, minorisve: ut, idem Causa est vitæ, ac diuturnæ ac brevis vitæ:*

Ex. Investigat.

*Calidum, & humidum innatum copiosum, Causa est*

est diuturnæ vitæ. E. vita innato calido ac humido con-  
netur.

Maximi terræ-motus fiunt, in eis regionibus, & an-  
temporibus, ubi, & quando halitus copiosissimi congre-  
gantur in terra. Halitus igitur Causa sunt terræ-moti.

## II.

Itémque rei Causa perquiri potest  
ex Causâ minoris ejusmodi effectus.

Cujus Canon, & Exemplum imitatione priorum  
facile colligi possunt.

## III.

Ab efficientibus parium effe-  
ctuum. Quenam Causa est alterius  
paris effectus?

Can. Investigat.

Parium Causæ sunt pares.

Vel, Cujus par Causa est unius parium effectuum,  
æquè probabile est esse Causam alterius.

Ex. Investigat.

Luna lumen accipit à Sole. E. & reliqua astra pri-  
ter videntur à So'e lumen accipere.

## IV.

A Causis similium effectuum

Quenam

*Quenam Causa est alterius pars effectus?*

**Can. Investigat.**

**Similium similes sunt Causæ.**

*Vel, Similia à similibus fiunt. Αὐτὸ τῶν ὁμοίων, τὰ ὅμοια γίνεσθαι πέφυκε. Arist. 1 Rhet. cap. 4. Canon probabilis est.*

**Ex. Investigat.**

*Terræ-motus Causa inquiri potest à Causâ similis motus. Nam sicut in humano corpore, flatus inclusus, tum tremorum, tum pulsuum Causa existit; ita in ipsâ quoque terrâ, flatum similes præstare effectus, credibile est: alius enim terræ-motus, est veluti tremor, alius, veluti pulsus.*

*Sic Aristoteles sæpenumero investigat rerum Causas è Causis aliorum similium effectuum: ut in naturalibus, Iridis, Cometæ, Parelî, Fontium, aliorumque.*

**Artic. V. Loci compositi è duobus Cognatis.**

**Denique sunt Loci compositi è duobus Cognatis Efficientis.**

**I.**

**Ab utroque Contrario posito.**  
**Quid est quo posito, ponitur hic effectus**

*fectus ; & contrario posito , contrarius.*

### Can. Investigat.

*Si utrumque Contrarium positum contrariae consequuntur actiones ; unum eorum est Causa unius actionis & alterum alterius.*

#### Ex. Investigat.

*Quid est, quo posito , generatur in nobis Virtus ? Crebra moderatae actiones : et quonam posito , vitium ? Freqventes immodicae actiones. Quare invenimus crebras moderatas actiones esse Causam virtutis.*

## II.

*A Causis Efficientibus imparium effectuum , i. e. Majoris , ac Minoris. Quodnam hujusmodi majus Causa est majoris effecti , & minus minoris ?*

### Can. Invent.

*Cujus Majus Causa est majoris effectus*



effectus ; & Minus , minoris ; id est  
Causa talis effecti.

Vel, Si majori posito, fit aliquis major effectus ; &  
minori posito, minor ; id tale est Causa talis effecti, seu  
actionis.

### Ex. Invent.

Terra-motus majores, & crebriores fiunt, locis &  
temporibus, ubi & quando copiosiores halitus in terrâ a-  
bundant. Ut in regionibus concavis ubi plures sunt  
halitus subterranei : itémque eis anni temporibus,  
quando plures halitus in terrâ concluduntur : ut ve-  
re, & Autumno. Et ubi & quando halitus minores,  
& rariores existunt, terra-motus etiam sunt minùs validi,  
ac rariores. Unde colligitur halitus in terrâ, esse Causam  
terra-motûs.

Haftenus de Inventione Efficientis dictum  
est.

---

C A P. V.

---



## CAP. V.

DE INDAGATIONE  
FINIS.

## SECTIO I.

DE LOCIS A PROPRIE-  
tatibus Finis.

Artic. I. De Loco Unico à pro-  
pria ejus Conditione , ut  
Causset finaliter.

**N**unc ratio indagandi Finem de-  
claranda est.

LOCI INQUIRENDI FINEM  
à propriis ejus Affectionibus, sunt.

I. A Propria ejus Conditione  
unicus : sc. A prima ejus Cogita-  
tione. II. Pro-

II. A Proprietatibus finis quâ intentus, seu quâ finis est.

§. 1. Respectu Agentis : ut ,  
1 *Ab ejus appetitu finis per se.*

2 *A motione seu allectione agentis ad agendum.*

§. 2. Respectu Medii , qualis sit : ut , 1 *Ab eius indigentia medi.*

2 *Ab aptitudine seu proportionem medi ad finem.*

3 *A non intentione finis , ac medi.*

4 *Ab intentione finis , ac medi.*

5 *A cessatione intentionis finis , ac medi.*

6 *Ab enumeratione finium generalium , aut specialium.*

§. 3. Ab eis quæ finis quâ intentus tribuit medio : ut , 1. *A tributione*

72  
butione medio amabilitatis seu appetibi-  
litate.

\* 2 Atributione modi, ac mensura  
eidem.

III. A proprietatibus finis  
quà producti.

§. 1. Quodnam, & qualis finis  
finis, quà productus: ut, \* 1 A pro-  
pria rei operatione-

\* 2 A non existentia medi, & non  
productione finis.

\* 3 Ab existentia medi, & pro-  
ductione finis.

\* 4 A sublatione medi, ac cessatione  
productionis finis.

\* 5 A posterioritate productionis  
finis post existentiam medi.

§. 2. Ab eis quæ Finis produ-  
ctus tribuat agenti, & medio: ut,

- \* 1 *A tributione perfectionis.*
- \* 2 *Ab expletione appetitûs agentis.*
- \* 3 *A cessatione operationis agentis ad finem producendum.*

IV. Denique sunt Loci compositi è duabus Finis affectionibus.

§ 1. Respectu intentionis, seu finis quâ intenti: ut, 1. *A non intentione, & intentione.*

\* 2 *Ab intentione, & cessatione intentionis.*

\* 3 *A non motione, & motione agentis ad agendum.*

§ 2. Respectu productionis, seu finis producti: ut, 1. *A non existentia & existentia mediû, ac finis.*

\* 2 *Ab existentia, ac cessatione mediû ac finis producti.*

E

§ 3. Res-

§ 3. Respectu Ordinis finis  
ac medii, in intentione, & ex-  
ecutione.

Locus I.

A principio cogitationis.

*Quid est de quo agens primò cogitat cir-  
ca hanc rem.*

Can. Investigat.

*Id est rei finis, de quo agens primò  
cogitat.*

Aristot. 2. Physic. cap: 9. context. 69. *Finis*  
inquit, est unde principium ducitur, non agendi, sed cog-  
tandi.

Ex. Investigat.

*Medicus curaturus agrum, de quonam primò cogitat*  
*De restitutione sanitatis deperdita. E. ea est curationis*  
*finis.*

Artic. II. De Locis à propriis finis  
affectionibus, quà intenti, vel  
quà finis est.

§ 1. Respectu Agentis.

I.

Ab agentis expetitione finis  
per se. *Quid hoc agens hac de re appetit*  
*per se?*

Can

## Can. Investigat.

*Id quod ab aliquo per se expeditur ,  
est finis ejus, & actionis.*

Ex. Investigat.

*Quid Homo expedit per se? veri contemplationem, &  
virtutis actionem. E. ea sunt Hominis fines.*

## II.

*A motione agentis ad agen-  
dum. Quid movet hoc agens ad hoc a-  
gendum, ut ipsum obtineat?*

## Can. Investigat.

*Quod movet aliquid ad agendum,  
ut ipsum obtineat, seu producat, id est  
finis.*

Per motum hîc intelligitur non verus ac propriè dictus, sed metaphoricus, ut vocant, & motus dictus propter similitudinem verorum motuum. In quâ metaphoricâ motionè consistit Causa finis: saltem respectu agentis creati. Finis enim non est Causa, nisi quatenus movet efficiens; uti docent Scholastici. Cæterùm, dictum est in Canone, ut ipsum obtineat, seu producat, ad excludendum Causas impulsivas, proëgumenam, & procatarcticam: quæ etiam agens movent, seu impellunt ad agendum, sed ad aliud quid, non sese obtinendum seu producen-

ducendum. Et motio finis, est allectio, non impulsio.

Ex. Investigat.

Quid movet Imperatores ad bellum gerendum, ut eo poriantur victoriâ. E. ea est finis belli gerendi.

§ 2. Respectu Medii, qualis sit finis.

# I.

A finis indigentia medii. Quid est quod hac re indiget ut obtineatur.

Vel, Ad quid hoc necessarium est?

Can. Investigat.

Quo aliquid indiget ut acquiratur, illud huius finis est.

Talis Canon etiam à Scaligero traditus est Exercitat. 250. Sect. 5. Ubi inquit, Si quid altero quippiam eget, & utrumque à naturâ factum est, hoc propter illud factum esse necesse est. Itémque eâdem Exercitat. Sect. 3. ait, Sine quo quicquam existere non potest in naturâ, id est illi necessarium, atque propter illud factum.

Ex. Investigat.

Finis somni inveniri potest considerando ad quem usum necessarius sit. Est autem necessarius ad animalis vitæ instaurandæ. Is ergo somni finis est.

II. Ab



## II.

Ab aptitudine, vel proportionē  
ne medii ad finem. Ad quodnam  
hoc habet aptitudinem seu proportionem?

Can. Investigat.

Id ad quod res aliqua suā naturā  
habet aptitudinem seu proportionem, est  
hujus finis.

Ex. Investigat.

Cetera in Mundo præter Hominem, ad quid apta sunt  
& accommodata? Ad Hominis utilitatem. E. propter eam  
condita sunt

Homo est ingenio aptus ad Mundi contemplationem; &  
erectā corporis figurā præditus, ad sidera intuentia idonea.  
E. ad eorum contemplationem natus est.

## III.

A non intentione, seu <sup>non</sup> ex peti-  
tione finis, ac medii. Sine quo intento  
seu expetito, non expeteretur hæc res?

Can. Investigat.

Sine quo expetito, aliud non expe-  
E 3 teretur

teretur, probabile est id esse huius finem.

Ex. Investigat.

*Nemo medicamenta expeteret, nisi prius sanitatem expeteret. E. ea expetuntur sanitatis gratiâ.*

*Intemperantes nisi expeterent voluptatem rerum malorum, illas non appetere, neque agerent. E. mala agunt voluptatis Causâ.*

## IV.

Ab appetitione finis, & mediû  
Quid est quo prius intento hoc intenditur?

Can. Investigat.

*Id quod prius expetitur, est posterioris finis.*

*Vel, Prius in intentione, est finis posterioris. Si modo unum eorum intendatur in ordine ad alterum. Sive, si alterum pendeat ab altero in intentione. Non enim omne, quod tempore, alio prius expetitur seu intentum fuit, posterioris intenti finis est nisi hoc ab illo pendeat in intentione agentis.*

Ex. Investigat.

*In moralibus quid expetitur ante virtutem? Felicitas activa. E. illa est virtutis finis.*

## V.

A cessatione appetitionis finis

ac medii. Cujusnam rei appetitione prius cessante, cessat quoque hujus appetitio?

Can. Investigat.

Cuius rei appetitione cessante, mox cessat alterius appetitio, illud huius finis est.

Ex. Investigat.

Bonâ valetudine recuperatâ, cessat ejus appetitio seu inventio, ac proinde etiam sumptionis medicamentorum. E. sanitas restituenda est medicamentorum finis.

## VI.

Ab enumeratione finium magis universalium, seu generalium, aut specialium.

Can. Investigat.

Enumeratis finibus generalibus, aut specialibus alicujus rei seu medii; & probato, cæterorum nullum præter unum reliquum, esse finem rei propositæ, hic erit ejus finis.

Ex. Investigat.

*Quem ad finem Sol, & reliqua astra agunt? Agunt velut se conservent; vel ut communicent: i. e. ut alia, se. inferiora perficiant, ac conservent. Non autem ut se conservent. E. operantur, ut inferiora perficiant, ac conservent.*

*Cur Ægyptiæ Pyramides edificatæ sunt? Non propter utilitatem: cum iuutiles sint. Igitur propter ornatum seu ostentationem. Quapropter à Plinio lib. 36. cap. 12. dicuntur, Regum pecunie otiosa ac frustustentatio.*

§ 3. Quæ finis tribuat medio.

I.

A tributione amabilitatis seu appetibilitatis medio: Quid huic rei eam tribuit? sive, propter quid hoc amatur, vel expetitur?

Can. Invent.

*Quid alicui dat amabilitatem, seu appetibilitatem, est ejus finis.*

*Si modò non det eam efficienter; seu tanquam efficiens. Sive, Propter quod aliud quid amatur, seu appetitur, id hujus finis est.*

Ex. Invent.

*Medicamenta suapte naturâ ingrata, amantur & libenter hauriuntur, propter sanitatem. E. sanitas eorum finis est.*

## II.

Atributione modi ac mensuræ  
medio? *Quid huic rei ea tribuit?*

Can. Inquisit.

*Quod rei dat modum ac mensuram,  
eius finis est.*

Cum Canone consonat Axioma Aristotelis 2. de  
Cælo context. 74. *Quod determinatur, medium est;  
quod determinat, finis est.*

Ex. Inquisit.

*Quid universæ arti Logicæ præscribit modum, ac men-  
suram? Bene differere, seu ratione rectè uti. Id ergo  
Logicæ finis est.*

Artic. III. De Locis à Proprie-  
tatibus Finis, quâ producti.

§ I. *Quodnam, & qualis sit  
finis productus.*

## I.

Maximè autem ad Operatio-  
nem rei propriam respiciendum  
est. Et, videndum quænam ea hujus  
rei sit.

Can.

## Can. Investigat.

*Id est rei finis, quod est propria ejus operatio.*

Vel, unumquodque est propter suam operationem, tanquam finem. Ubi per operationem intelligitur, non semper operatio propriè dicta; sed quivis usus, vel actus ad quem res ordinatur. Sicut usus & finis Materiæ, est sustentatio Formæ; & operatio, & finis Physiologiæ, est contemplatio rerum naturalium: quæ tamen non dicuntur operationes propriæ, sed latiori significatione. Aristoteles 1. magn. moral. cap. 4. hoc axioma tradit, ὃν ἐξίς καὶ χεῖσις, ἢ χεῖσις καὶ ἢ ἐνέργεια τέλος: quorum habitus usisque est, usus & actio finis. Cæterum, finis non semper est rei operatio, sed quandoque opus: uti docet idem Philosophus 2. de Cælo c. 3. t. 17. ubi ait, ἡ κατ'ὅν ἐστὶν, ὃν ἐργον ἐστὶν, & ἡ κατ'ἐργον: Unumquodque cuius est opus, est propter illud opus. Thomas 1. q. 65. artic. 2. & q. 105. & alibi; itemque alij Scholastici utrumque finem, h. e. operationem, & opus, uno axiomate conjungunt: ut, Finis cujuslibet rei est operatio ejus propria, vel ad quod per eam venit. i. e. opus. Sic ædificatio non dicitur finis architecti, sed opus suum, i. e. ædificium. At tamen domus usus seu operatio, quæ est inhabitatio, seu conservatio personarum & rerum domesticarum, est Domus finis. Constat igitur idem posse dici finem, & effectum, aliâ atque aliâ consideratione. finem quidem, quatenus ab agente præconceptus, & expectatus est; effectus autem, quatenus productus.

## Ex. Investigat.

*Finis Hominis inveniri potest ex ejus propria operatione. Quanam ea est? Actio virtutis E. ea est Hominis finis.*

*Similiter colligi possit Contemplationem veritatis esse Hominis finem.*

*Quid propriè præstat Medicina? Sanitatem servat, præservat, restituit: Hi igitur Medicinæ fines sunt. Unde ea à quibusdam definitur ars sanitatis servandæ, præservandæ, restituendæ. Quam definitionem mirificè commendat Averroës.*

*Stomachus concoquit cibum; pulmo inspirat aërem, quo cordis æstus refrigeratur: Cor est caloris innati quasi fons quidam ac domicilium, docente Galeno lib. 6. de usu part. Cerebri ope ratiocinamur ac intelligimus: pariterque unumquodque membrum, suum habet usum, & operationem; quæ proinde illorum fines sunt. Omnis ars, omnisque scientia suam habet operationem: ut Logica usus, & operatio est rectè ratione uti; Arithmetica, bene numerare; Geometria, bene metiri; Metaphysica, Ens contemplari; & Physica, corpus naturale. Hæ igitur operationes illarum disciplinarum fines esse reperiuntur.*

*Atque hac potissimum viâ ac modo inventi sunt fines partium animalium ab Aristotele libb. de part. animalium, & alibi aliarum rerum: itémque fines partium humani corporis à Galeno libb. de usu part. In quorum primo, & alibi hoc memorabile monitum tradit, Debet ipsa actio in propositâ indagatione, esse principium simul inquisitionis, & inventorum examen. Atque hic Locus, ac Canon investigandi Finem, omnium præstantissimus atque utilissimus est. Quapropter plura ejus exempla congesti.*

## II.

**A** non existentia, vel non productione medii, ac finis. *Quid est quo non existente hoc non produci-  
tur?*

## Can. Investigat.

*Sine quo existente, aliquid non potest existere, hoc illius finis est.*

Præsertim in naturalibus: si illud non sit hujus materia, aut subjectum, aut locus, aut tempus, aut conditio aliqua ad productionem effecti necessaria. Scaliger Exercitat. 250. sect. 5. ait, *Sine quo quicquam existere non potest in natura, id est illi necessarium, & propter illud factum.*

## Ex. Investigat.

*Affectuum finis inveniri potest exquirendo quodnam bonum sine illis non possit existere. At sine illis animalia non satis excitarentur ad bona sua persequenda, & mala fugienda. Hic igitur est affectuum finis.*

## III.

**A**b existentia medii, ac productione finis. *Ubi hoc existit, quodnam bonum necessario produci-  
tur, vel existit?*

Can.



## Can. Investigat.

*Quo existente necessario producitur aliquod bonum, hoc est illius finis.*

Canon magis valet in naturalibus: sed probabilis est etiam in humanis actionibus.

Ex. Investigat.

Historiâ existente, quodnam bonum existit? Conservatur memoria rerum gestarum; & prudentia inde comparatur. E. propter hos fines Historia rerum gestarum conscripta est.

## IV.

Ab ordine naturali productionis medii, ac finis. Vel, A posterioritate productionis finis post medium. Quid ordine naturæ seu productionis hoc posterius est?

## Can. Investigat.

*Quod posterius est ordine naturæ, vel productionis, prioris finis est.*

Id est, si eorum unum ab altero pendeat, five ordinetur ad alterum.

Ex. Investigat.

Elementorum materiam esse similarium partium gratiâ, necesse est. Sunt enim posteriores illis generatione. Est Aristotelis argumentum lib. 2. de part. animal. Cap. 1.

## V.

A sublatione medii, & cessatione productionis finis. *Hoc sublato, quodnam bonum necessario cessat fieri?*

Can. Investigat.

*Quo sublato, a' quod aliud bonum cessat, hoc illius finis est.*

Ex. Investigat.

*Si folia viti adimantur, uvæ adhuc teneris, quodnam bonum tolletur? Uvæ teneræ carebunt defensione, nè exurantur à Solis fervore, nè ab imbre putrescant, aut à pruina enecentur. Quare folia vitibus ad præsidium tenerarum uvarum à naturâ data sunt.*

§ 2. Ab eis quæ finis productus tribuit agenti, ac medio.

## I.

A tributione perfectionis agenti, ac medio. *Quid eam huic tribuit?*

Can. Investigat.

*Quod acquisitum perficit aliquod a-*

gens

*gens aut actionem, est illius finis.*

Quæ perfectio, si in actione consistat, in eo residet cuius actio est: si in passione, ab eo transit in illud cuius est passio.

Ex. Investigat.

Quid acquisitum perficit Hominem? Contemplatio veri, & actio virtutis. Hæ igitur sunt Hominis fines. Bonum publicum reip. acquisitum temp. perficit. E. est finis reip.

### II.

Ab expletione appetitus agentis. Quid acquisitum agentis huius actionis appetitum explet?

Can. Investigat.

Id quod acquisitum agentis appetitum explet, est ejus, & ejusdem actionis finis.

Et satis est, si expleat de illâ re: tametsi non de quâcunque aliâ.

Ex. Investigat.

Architectus quum domum aliquam edificârit, illius appetitus expletur de illâ domo. E. ea domus illius architecti, & edificationis finis fuit.

### III.

A cessatione operationis agentis. Quid est quo acquisito seu producto  
eto,

*Et, cessat operatio agentis circa hanc rem?*

**Can. Investigat.**

*Quo producto seu acquisito, agens desinit operari, circa eam rem, id est finis.*

**Ex. Investigat.**

*Medici, quum sanitatem agris restituerint, desinunt eis curare, sive medicinam adhibere. E. sanitatis restitutio est curationis finis propositus.*

**Artic. IV. Loci compositi è duabus Finis affectionibus.**

**§ 1. Respectu intentionis, seu Finis, quà intenti.**

**I.**

*A non intentione, & intentione. Quid est sine quo intento seu expetito, hoc non intenditur; & intento, intenditur?*

**Can. Investigat.**

*Id sine quo prius intento, aliud non in-*

*intenditur, & intento, intenditur, est  
ejus finis.*

Ex. Investigat.

*Quid est quo non prius expetito intemperantes non ex-  
petunt, aut agunt mala; eoque expetito, mala expetunt  
& agunt? Voluptas malorum. E. mala expetunt, &  
sequuntur voluptatis gratiâ.*

## II.

*Ab intentione, & cessatione  
intentionis. Quid est quo prius in-  
tento, hoc intenditur? & illius inten-  
tione cessante, hujus quoque cessat?*

Can. Investigat.

*Quo prius intento, aliquid aliud in-  
tenditur; & cessante intendi, cessat  
intendi, illud est hujus finis.*

*Vel, Quo expetito, & cessante expeti, aliud expe-  
titur, & cessat expeti, illud hujus finis est.*

*Si modò unum expetatur in ordine ad alterum.*

Ex. Investigat.

*Imperator primò expetit & intendit victoriam, ac  
deinde bellum; & quando desinit expetere victoriam,  
cessat bellum appetere. E. victoria est belli finis.*

*§ 2. Respectu productionis,  
seu finis, quâ producti.*

I. A

## I.

A non existentia, & existentia  
 media, & finis producti. *Quid  
 est quod hoc non existente, non existit,  
 & existente, existit seu producitur?*

Can. Investigat.

*Quo non existente, aliud non potest  
 existere; & existente, existit, hoc  
 illius finis est.*

Præsertim in naturalibus: in humanis autem  
 non probabilis est tantum.

Ex. Investigat.

*In eis gentibus quarum nulla extat historia, aut mon-  
 umentum antiquitatis, perit antiquitatis memoria: sed qu-  
 rum historia extat, memoria conservatur. E. historia con-  
 dita est ad eam conservandam.*

## II.

Ab existentia, & sublatione  
 media, ac finis producti. *Hoc ex-  
 istente quodnam bonum producitur, &  
 sublato, tollitur?*

Can. Investigat.

*Quo existente, bonum aliud produ-  
 citur*

itur; & sublato, tollitur, illud propter hoc tanquam suum finem est.

Ex. Investigat.

Cujus rei gratiâ Sol conditus est? Quodnam bonum eo existente, existit? atque sublato tolleretur? Mundus illuminatur, & rerum generatio, ac conservatio perficitur: quod propter hos fines Sol conditus est. *sol le sublato, ele-*

Folia manentibus in vite, tenera uvæ proteguntur, ac conservantur; eisque ademptis, facile à Solis æstu, aut pluvîâ, aut pruîâ, corrumpuntur. E. ad uvarum tuitionem à naturâ data sunt. Frustrâ reclamante Scaligero exercitat. 178. f. 3. ubi ait, Folia ad decorem & spectaculum sunt, non ad præsidium. Sunt enim in fructiferis arboribus ad utrumque finem: & præcipuè ad fructuum tuitionem. *sine-*

§ 3. Ab ordine intentionis, & executionis finis, ac mediâ.

I.

Ab ordine intenti, ac producti finis.

Quid hac re prius est intentione, & posterius executione?


Can. Investigat.

Id quod re aliquâ prius est intentione, & posterius executione, ejus finis est.

Ex. Investigat.

Quid ab Homine primò expetitur, & postremò acquiritur? Felicitas. E. ea est hominis finis. Eruditio à studioso expetitur ante præceptorum auscultationem, & librorum lectionem, & post ea comparatur. Quare illa horum finis est.

SECT.



## S E C T. II.

 DE INVESTIGATIONE  
 FINIS E FINIBUS COG-  
 natorum mediorum.

 Artic. I. De Locis à finibus Supe-  
 riorum.

## Locus I.

**A** Fine Generis, vel, omnium  
 ejusdem generis. Quid est hu-  
 jus speciei finis generalis, aut omnium  
 ejusdem generis?

Can. Investigat.

*Finis rei generalis, est etiam finis  
 cuiuslibet rei specialis, & singularis  
 ejusdem generis.*

Vel, Omnia quæ sunt unius generis, conveniunt in com-  
 muni fine illius generis. At tamen diversarum specie-  
 rum diversi sunt fines speciales.



Ex. Investigat.

*Omnis affectus qui circa malum versatur, animali datus est ad malum vitandum. E. & metus.*

## II.

*A fine Speciei, aut rei specialis, ad finem Singularis. Quodnam finis est speciei hujus rei singularis?*

Can. Investigat.

*Finis historiae est, ut ex rebus prudenter, aut imprudenter gestis prudentia hauriatur. E. idem finis est historiae Graecorum, aut Romanorum.*

Artic. III. Loci à finibus Inferiorum.

## I.

*A finibus omnium Specierum, ad finem Generis earum. Quodnam fines sunt specierum hujus generis.*

Can. Investigat.

*Finis omnium specierum unius generis, est finis ejusdem generis.*

*Cujusmodi argumentatio est Inductio a speciebus.*

Ex.

Ex. Investigat.

*Quis finis est Artis, vel artis omnis? Grammatica finis, est bene loqui; Logica, ratione rectè uti; Rhetorica, bene dicere ad persuadendum: itémque in reliquis artibus finis est quicquam bene agere. E. artis finis est bene agere.*

*Sic ex finibus specierum invenitur omnia condita propter Hominis utilitatem. Alia namque animalia sunt ad cibum, & vestitum; ut boves, vacca, cervi, lepores, lanigeri greges: alia ad onera ferenda, ut, Elephantes, Equi, Cameli, Asini; alia ad oblectationem oculorum; ut maculata, pavones, psittaci, aliæque pulcræ aves; alii ad voluptatem aurium, ut aviculæ cantatrices; Consimiles fructus & herbae, partim ad cibum comparantur, partim ad voluptatem; ut herbae, & flores pulchri & suavolentes, rosa, viola &c. Alia multarum specierum, ad medicinam.*

## II.

*A finibus Singularium ad finem speciei. Quinam sunt fines singularium huius speciei?*

Can. Investigat.

*Qua res fines sunt omnium singularium huius speciei, earum species erit finis eisdem speciei.*

*Huiusmodi ratiocinatio est Inductio à singularibus ad speciem. Huius autem usus in finibus, videtur rationis esse.*

Ex. Investigat.

*Fontes in Angliâ, Galliâ, &c. sunt propter potum humanum. Is ergo est finis fontium.*

Artic.

## Artic. III. A fine Totius, &amp; à finibus Partium.

## I.

A fine Totius. *Quinam est finis totius hujus partis?*

Can. Investigat.

*Finis totius est etiam finis totalis cujuslibet sue partis.*

Ex. Investigat.

*Universus Mundus conditus est ad Hominis utilitatem. Etiam Serpentes, & herba venenosa.*

*Ita Seneca argumentatur, de Sole, & Lunâ loquens: Cum in hoc moveantur, ut universa conservent; & ipse moveatur: universorum enim pars sum.*

## II.

A finibus Partium ad finem Totius. *Quinam sunt fines omnium partium hujus totius?*

Can. Investigat.

*Qui fines sunt omnium partium, eorum totum est finis totius.*

Ex. Investigat.

*Unumquodque membrum & pars corporis animalis, est propter aliquam peculiarem operationem animæ. E. & universum corpus est propter animæ operationes.*

## Artic. IV. A fine Contrarii.

## I.

*Quid est finis alterius rei contrarie?*

Can.

## Can. Investig.

*Id est rei finis cujus contrarium finis  
est alterius rei contrariae.*

Contrariorum enim fines sunt contrarii. Nimirum fi-  
nes speciales: at contrariorum <sup>finis</sup> generalis potest esse  
unus idemque.

Ex. Investigat.

Cur spes à naturâ indita est animantibus? Ad bona su-  
futura persequenda. Igitur contra metus eis tributus est,  
ut vitent sua mala imminencia.

Artic. V. A finibus Comparato-  
rum. I.

A fine Majoris. Quinam finis est  
Majoris hac re propositâ.

Can. Investig.

Cujus Majus est propter majorem  
finem, etiam absolutum erit propter ta-  
lem absolutum finem.

Ex. Investigat.

Majores montes conditi sunt propter majores, & plures  
fontes, & flumina. E. montes facti sunt ad fontes, & flu-  
mina generanda.

II.

A fine Minoris similiter ratiocinan-  
licet. Verum hujus & prioris Loci ad fi-  
nem inveniendum usus exiguus videtur.  
Quapropter Minoris Canonem, & Ex-  
emplum prætermittimus.

III.

## III.

A finibus Parium. *Quid est finis  
alterius Paris?*

Can. Investigat.

*Parium pares sunt fines.*

Vel, Si unum parium est finis unius paris,  
alterum quoque pariter probabile est esse finem alterius.

Ex. Investigat.

Inventa est Medicina, ut morbi corporis cognoscantur,  
& cogniti sanentur. Itaque Philosophia aequè reperta  
est, ut animi mala perspiciamus, eisque liberemur.

## IV.

A finibus Similium. *Quid est finis  
alterius rei consimilis?*

Can. Investigat.

*Similium similes sunt fines.*

Vel, Id probabile est esse rei finem, cujus simile finis  
est alterius rei similis.

Ex. Investigat.

Ventus est ad aërem à putredine tuendum. Itaque si-  
militer mari datus est aestus, nè mare putrescat.

Artic. VI. Loci compositi à finibus  
duorum Cognatorum.

## I.

A Majori, & Minori. *Quid est quo  
majori posito, hic effectus seu medium,  
majus est; & minori, minus?*

F

Can.

## Can. Investigat.

*Quo majori posito, major fit aliquis effectus, & minori minor; id absolutum est finis ejusmodi absoluti destinati, & propter illud factum.*

*Præsertim in naturalibus.*

*Ex. Investigat.*

*Montes majores generant majores, ac plures fontes; minoresque minores, ac pauciores. E. montes ab autem natura facti sunt (præter alios multos usus, ac fines) propter fontium, adeoque fluviorum generationem;*

*Atque hæc de Inventione Finis:*

CAP.

Q  
DE  
Art  
E  
inter  
qua  
& e  
LOC  
I.  
\*  
\*  
II.  
fitis:  
& m

## CAP. VI.

## QUO PACTO MATERIA inquirenda sit.

## SECTIO I.

## DE LOCIS AB AFFECTIONIBUS Materiae.

## Artic. I. Loci à Materiae Conditionibus.

**E**XPLICATA est Investigatio Causarum externarum. Sequitur Inquisitio internarum : i. e. Materia, ac Forma : quae etiam Causae constitutivae compositi, & essentiales vocantur.

## LOCI INQUIRENDI MATERIAM ab ejus Affectionibus.

## I. A Materiae Conditionibus. ut,

\* 1 A qualitate Materiati.

\* 2 Ab inexistentiâ in composito.

## II. Ab affectionibus non prae requisitis : ut, \* 1 A non positione materiae, &amp; materiati.

\* 2 *A sublatione materia, & materiati.*

\* 3 *A resolutione compositi in materiam.*

\* 4 *Ab enumeratione materialium.*

III. Loci compositi à binis affectionibus: ut, \* 1 *A similitudine, & presentia cum composito.*

\* 2 *A non positione, & positione materia, & compositi.*

### Locus I.

*A qualitate materiati, & materia. Cujusnam rei propria qualitas in hoc composito reperitur? Vel, Cujus rei plura qualitates communes?*

#### Can. Investigat.

*Cujus rei propria qualitas in aliquo composito reperitur, id est hujus materia.*

*Est autem propria simplicioris, per se: communis autem composito, per illud.*

*Item, Si plures rei cujuscumque communes affectiones in aliquo composito insint, quae non omnes in alio simul reperiuntur, ea est hujus materia.*

*Illae enim sunt instar unius proprietatis: sicut Medici solent quandoque plura communia morbi signa conjungere, loco unius proprii.*



Ex. Investigat.

Multa therma sulphur ac Bitumen olent. Unde colligitur illas ex istis constare.

Sic fontes salsoes ex sale fossili constare, manifesta indicat sapor salis.

## II.

Ab inexistentiâ in composito. Quid est ex quo inexistente hoc componitur?

Can. Invent.

Id est rei materia, ex quo inexistente componitur. Dummodo non sit ejus forma.

Aristoteles 2. Phys. c. 3. & 4. Metaphys. c. 2. definit materiam, esse id ex quo inexistente fit aliquid.

Ex. Invent.

Cernimus hanc domum ex marmore constare.. E. hoc est ejus materia.

Ex quonam constat ars Logica? Ex praeceptis dirigendi rationem. E. ea sunt materia Logica.

Artic. II. Loci ab affectionibus materiae non praequisitis.

## I.

A non positione materiae, & materiati. Quid est sine qua praesente, hoc compositum fieri nequeat?

Can. Investigat.

Sine qua praesente aliquid non potest constitui.

*stitui, probabile est, illud esse hujus materiam.*

Nisi sit ejus efficiens, aut forma, aut circumstantia loci, aut temporis. Vel, Si aliquod compositum nusquam fit, nisi ubi quaedam materia adest, probabile est hanc esse illius materiam.

Ex. Investigat.

*Quid est sine quo metalla nullibi generantur, nec est efficiens, aut forma eorum? Sulphur, & Argentum vivum. E. ex eis tanquam materiâ, generantur metalla.*

II.

*A sublacione materiæ, & materiati. Quoniam sublato, tollitur hoc compositum.*

Si modò non sit efficiens conservans, aut forma ipsius: namque alterutro eorum sublato tollitur etiam compositum.

Ex. Investigat.

*Purgato è corpore hoc solo humore, tollitur hic morbus. E. idem humor fuit morbi materia.*

III.

*A resolutione compositi in materiam. In quodnam permanens hoc dissolvitur?*

Can. Investigat.

*Id est compositi materia, in quod dissolvitur, & manet post dissolutionem.*

*Vel, Quod manet post dissolutionem compositi in ipsum, est ejus materia.*

Unum

Unumquodque enim ex eis conficitur, in quæ dissolvitur, aut dissolvi potest. Dissolvitur autem in materiam, & formam, & manet materia: sed forma perit, dissoluto composito, præter solam formam humanam: quæ est anima rationalis. Cardanus lib. 1. de Subtil. hunc Canonem efformat hisce verbis: Si forma perit, manente aliquo, materiam illud esse necesse est.

## Ex. Investigat.

Corpora mista, in quodnam, vel quænam dissolvuntur? In elementa. Ex eis igitur composita sunt, tanquam ex materiâ.

Quædam gemmæ, vi ignis in liquores solvuntur. E. illa ex liquoribus coagulata sunt.

## IV.

Ab enumeratione eorum quæ esse possent materia propositi materiati.

## Can. Invent.

Si enumerantur omnes materia, quæ esse possent propositi compositi, & cæteris confutatis, una reliqua sit, ea erit ejus materia.

## Ex. Invent.

Pullus in ovo ex quâ materiâ fit? Fit autem vel ex luteo, vel ex albumine. Non autem è luteo. Nam perfecto jam pullo, luteus reperitur extra pullum donec tandem in alimentum ipsius absumatur. E. cum ex albumine factum esse necesse est.

**Artic. III.** Loci materiae compositi  
è duabus ipsius affectionibus.

**I.**

**A** similitudine materiae cum composito  
& praesentia. *Cuinam simile est hoc compositum, & sine eo praesente nusquam fit.*

**Can. Investigat.**

*Quod tale est quale compositum, & hoc nusquam fit nisi ubi illud adsit, id est huius materia.*

*Vel, Quod simile composito adest, ubi id fit, est ejus materia.*

**Nisi sit efficiens.**

**Ex. Investigat.**

*Multa therma sulphur, aut bitumen, aut utrumque solent, eaque ibidem reperiuntur. Unde colligitur eas eadem materia constare.*

**II.**

**A** non positione, & positione seu praesentia materiae, cum composito. *Quid est sine quo hoc nunquam fit, & ubi adest, fieri solet?*

**Can. Investigat.**

*Id videtur esse compositi materia, quod ubi adest, id fieri solet, & nusquam alibi.*

**Nec est compositi efficiens.**

**Ex. Investigat.**

*Nonnulli asserunt. Crystallum nusquam generari, nisi ubi hybernus*

hyberna nives maximè rigent. Unde eam colligunt ex  
nivibus solutis generari.

## SECTIO II.

### LOCI A MATERIIS

#### Cognatorum compositorum.

Artic. I. A materiis Superiorum :  
i.e. Generis & Speciei.

#### I.

**A** Materiâ Generis, vel generalis  
compositi. *Quenam materia est ge-  
neralis compositi huius specialis, aut singu-  
laris?*

Can. Investigat.

*Quod est materia generalis compositi,  
est etiam generalis materia sui specialis,  
& singularis compositi.*

Ex. Investigat.

*Omnium metallorum materia, est Sulphur, & Ar-  
gentum vivum. E. etiam auri. Elementa sunt materia  
omnium corporum perfecte mistorum. E. & hominis.*

## II.

**A** materiâ specialis compositi ad materiam singularis. *Quanam est materia speciei hujus singularis compositi?*

**Can. Investigat.**

*Materia speciei, vel omnium speciei, est etiam materia sui singularis compositi.*

**Ex. Investigat.**

*Omnis calculi renum materia sunt cruditates E. eadem est materia calculi renum hujus agri.*

**Artic. II. A materiis Inferiorum: ut Specierum, & Singularium.**

## I.

**A** specialibus materiis ad generalem. *Quanam sunt materia omnium specierum hujus generalis compositi?*

**Can. Investigat.**

*Quod est materia omnium specierum unius generis, id est materia ejusdem generis, vel generalis compositi?*

**Ex. Investigat.**

*Elementa sunt materia omnium corporum tum imperfectè, tum perfectè mistorum. Quare ea sunt materia omnium corporum mistorum.*

## II.

A materiis singularium compositorum unius speciei. *Quanam sunt singulares materia omnium singularium hujus speciei?*

Can. Investigat.

*Qua sunt materia singulares omnium singularium unius speciei, earum species est materia ejusdem speciei.*

Ex. Investigat.

*Materia hujus, & illius Electri, & ceterorum, est aurum, & argentum permista. E. illa sunt materia omnis Electri.*

Artic. III. A Contrarii materiâ speciali.

## I.

*Quid est materia specialis alterius contrarii compositi?*

Can. Investigat.

*Contrariorum compositorum materia speciales sunt contraria.*

*Vel, Si unum contrarium est specialis materia unius contrariorum compositorum, alterum quoque erit materia specialis alterius.*

Ex. Investigat.

*Meteora ignea, & aquea sunt contraria. Sed vapores, seu halitus frigidi, & humidi, sunt materia aqueorum meteororum. E. contra, fumi, seu halitus calidi, & siccis, sunt materia meteororum igneorum.*

Artic.

Artic. IV. A materiis Comparato-  
rum.

I.

A Majori. Quodnam majus adest ubi  
& quando hoc compositum magis seu copio-  
sius gignitur?

Can. Investigat.

Si majori posito majus fiat Compositum,  
id est ejus materia.

Nisi sit efficiens.

Ex. Invent.

Plures ac majores venti generantur, ubi & quando  
copiosiores halitus calidi & sicci generantur; ut in re-  
gionibus abundantibus locis concavis; & temporibus anni  
magis obnoxiiis ejusmodi halitibus generandis: ut Vere,  
& Autumno. Unde invenitur ejusmodi halitus esse mat-  
eriam ventorum.

II.

A Minori. Ubi & quando hoc compo-  
situm minus fit, quid aliud ibidem minus  
adest?

Can. Investigat.

Si compositum minus fit, ubi quid  
aliud minus adest, videtur hoc esse materia  
talis compositi.

Ex. Investig.

Venti minus copiose gignuntur ubi & quando halitus  
calidi & sicci pauciores existunt. E. illi halitus sunt  
materia ventorum.

Locis



Locus à Pari, in Materiâ parùm utilis est : itaq;  
 rarò, aut nunquam ab eo argumenta occurrunt a-  
 pud autores, aut differentes de rerum materiis.  
 Quapropter eum præterimus.

## III.

A materiâ rei similis. *Quid simile est  
 huic composito? & quanam illius materia?*

Can. Investigat.

*Similium compositorum similes sunt ma-  
 teriae.*

*Vel, Probabile est id esse materiam compositi, cuius  
 simile est materia alterius similis.*

Ex. Investigat.

*Ut inveniamus ex quâ materiâ generentur fontes, consi-  
 deremus simile. In Alembico, ex vaporibus coalescit a-  
 qua Stillatitia. Ità in montium cavernis, ex aëre con-  
 densato, guttulae; & ex eis tanquam materiâ, fontes ge-  
 nerari videntur.*

Artic. V. Loci materiæ compositi è  
 binis cognatis.

## I.

A Maiori, & Minori. *Ubi tale compo-  
 situm majus fit, quid ibidem majus exi-  
 tit? & ubi minus, quid minus?*

Can. Investigat.

*Quod ubi majus existit, aliquod com-  
 positum.*

*positum majus fieri solet ; & ubi minus,  
minus fit ; probabile est, illud tale esse talis  
compositi materiam.*

Ex. Investigat.

*Is anni temporibus quando fumosi halitus magis abundant, venti plures, & vehementiores regnare solent. E  
illi halitus videntur esse venti materia.*

Hactenus de Materiae inquisitione  
dictum est.



CAP.





abun-  
t. E.

7

5

1

1

1

1

1

# II A

II. A propriis Affectionibus formæ non prærequisitis ad informandum: ut

\* 1 *A non positione formæ in materiâ, & composito.*

\* 2 *A sublatione vel interitu formæ, & compositi.*

III. Loci ab Officiis formæ respectu compositi: sive, ab iis quæ formæ tribuit composito.

\* 1 *Atributione essentiæ perfectæ composito.*

\* 2 *Atributione differentie essentialis composito.*

3 *Atributione distinctionis, à priori.*

\* 4 *Atributione operationum.*

IV. Loci compositi è pluribus formæ affectionibus: ut, \* 1 *Ab eo sum quo compositum non constituitur in specie, seu essentiâ perfectâ; & per ipsum constituitur.*

\* 2 *A constitutione in essentiâ perfectâ & distinctione.*

\* 3 *A positione & sublatione.*

\* 4

\* 4 Attributione essentiae perfectae, & distinctionis, & operationum.

## Locus I.

A fine introducendo propter quem agens disponit materiam. *Quinam ille finis hac in re est?*

## Can. Investigat.

Finis propter quem agens disponit materiam, ut eam introducat, est compositi forma.

## Ex. Investig.

Quid est cuius gratia Architectus disponit materiam domus, ut lapides, ligna, aliaque, ut ipsum in ea introducat? Figura idonea domui. E. ea est forma Domus.

## II.

A positione vel inexistentiâ formæ in congruâ materiâ. *Quid est quo posito in hac materiâ, hoc compositum necessario fit?*

## Can. Invent.

Id est compositi forma, quo posito in materia, compositum necessario fit, seu constituitur.

## Ex. Invent.

Quid est quo introducto in massam argenteam idonea molis, necessario fit poculum? Figura poculi. E. ea est forma illius poculi.

## III.

A formæ coalescentiâ cum materiâ in unum compositum. *Quid est quod cum hac materiâ coalescit in hoc compositum?*

## Can. Scrutation.

*Id est forma compositi, quod cum materiâ in unum coalescit compositum per se.*

## Ex. Scrutation.

*Quodnam cum corpore humano in unum per se compositum, i. e. hominem, coalescit? Anima rationalis: Ea igitur est forma hominis.*

Artic. II. Loci à proprietatibus formæ non prærequisitis ad informandum.

## I.

A non positione formæ in materiâ & non constitutione compositi. *Quid est quo non posito in hac materia, non fit hoc compositum?*

## Can. Investigat.

*Sine quo posito in materia, non constituitur aliquod compositum, in specie, id est huius forma.*

Hic Canon probabilis est, non necessarius.

Ex.

## Ex. Investigat.

*Quid est sine quo posito in Materiâ Mundi, Mundus esset? Pulcherrimus hic ordo, seu ordinata series corporum naturalium, putà Cæli, Elementorum, & corporum mixtorum. E. hic ordo seu dispositio est forma Mundi.*

## II.

*A sublatione seu interitu formæ, & destructione compositi. Quoniam sublata seu pereunte, hoc compositum immediatè dissolvitur?*

## Can. Investig.

*Id est rei forma quo pereunte, compositum immediatè dissolvitur.*

*Materia autem non perit: Vt, Si malis, Quo sublato ibidem permanente materia, compositum mox dissolvitur, id fuit ejus forma.*

## Ex. Investigat.

*Quid est in nave, quo abolito, destruitur navis? Figura idonea navi. E. ea est formâ navis.*

*In quavis arte si aboleatur Methodus, ars destruitur. E. ea est forma artis.*

**Artic. III. Loci ab Officiis formæ respectu compositi: five, ab eis quæ forma tribuit composito.**

## I.

*A tributione essentiæ perfectæ composito: Quid eam huic tribuit?*

Can

## Can. Investig.

*Id est rei forma, quod eidem tribuit  
sentiam perfectam.*

*Vel, Id est rei forma, per quam res est id quod est: Sive,  
Id vera cujusq; rei forma est, quod rem in certâ specie con-  
stituit. Atque nulla certior est veræ formæ nota,  
indiciū, quàm tributio essentiae completæ com-  
posito.*

Ex. Investigat.

*Quid Hominem in suâ specie constituit? Sive, Per  
quodnam Homo est Homo? per animam rationalem. Ita  
que ea est forma Hominis.*

## II.

*A tributione differentiae essentialis  
composito. Quid eam huic dat? vel,  
unde sumitur?*

Can. Investigat.

*Id est rei forma, à quo ejus differentia  
essentialis, seu constitutiva sumitur.*

Ex. Investig.

*Differentia constitutiva Hominis est rationale. Sed  
de id sumitur? Ab anima rationali. Quare ea anima  
forma Hominis. Tali argumento utitur Thomas  
P. q. 76. art. 1.*

## III.

*A tributione distinctionis compo-  
sito, à priori. Quid hac ita distinguit?*

Can.



## Can. Investigat.

*Id est rei forma, quod eam ab omnibus aliis distinguit, à priori.*

*Vel, Id per quod una res specie ab aliâ differt, est forma ipsius.*

## Ex. Investig.

*Anima rationalis est id quod Hominem à cæteris omnibus specie distinguit. E. est forma ipsius.*

## IV.

*Atributione operationum. Quid huic tribuit operationes tanquam earum primum principium?*

## Can. Investig.

*Id est rei forma, quod est primum principium operationum in eodem composito.*

Nam præter Formam, nihil est quod originalis operationum Causa esse possit: quoniam nihil agit, nisi per actum, & formam. Instrumentum autem non est primum operationum principium, sed secundarium. Canon noster concordat cum illo axiomate à Thoma tradito 1. p. q. 76. art. 1. corp. sc. *Illud quo primo aliquid operatur, est forma ejus, cui operatio tribuitur.* Atque hoc infallibile signum formæ à quibusdam vocatur.

## Ex. Investig.

*Quænam est primum principium omnium humanarum operationum, ut intellectus, volitionis? (Sc. Anima rationalis. Ea igitur est forma hominis. Eandem formam Thomas loco modò citato probat hoc argumento: Propria operatio Hominis, in quantum est Homo*

*Homo, est intelligere: sed ejus operationis principium, est anima rationalis. Ea igitur est forma hominis. Eademque ratione utuntur complures alii, Theologi, & Philosophi: & desumptum ferè est ex Aristot. 2. de Animâ c. 2. Nec ullum ad hanc rem confirmandam è Philosophiæ fontibus, efficacius argumentum afferri posse credunt Thomas loco citato, & Durand. in 2. d. 17. 4. 1.*

**Artic. IV. Loci Inventionis Formæ compositi à pluribus ejus affectionibus. I.**

*Ab eo sine quo compositum non constituitur in specie, seu essentiâ perfectâ; & per ipsum constituitur. Quodnam illud est in hoc composito?*

**Can. Investigat.**

*Id est compositi forma, sine quo posito in materiâ ejus, id non constituitur in essentiâ perfectâ; & posito, constituitur.*

**Ex. Investig.**

*Quid est sine quo virtus non constituitur in specie; & posito, constituitur? Mediocritas. Ea ergo est Causa formalis virtutis.*

**II.**

*A constitutione in essentiâ perfectâ, & distinctione. Quid posito hanc rem in specie constituit, & ab aliis omnibus jungit?*

**Can.**

## Can. Investig.

*Id est forma compositi, quo posito, illud incertâ specie constituitur, & ab aliis omnibus sejungitur.*

## Ex. Investig.

*Id est vera Hominis forma, per quod est Homo, & ab aliis sejungitur. Sed ita se habet anima intellectiva, respectu hominis. Est igitur vera ejus forma. Quod argumentum Zabarella lib. de ment: human. fuisse probat esse ipsius Aristotelis.*

## III.

*A positione, & sublatione formæ, & compositi. Quonam posito in hac materia, hoc compositum constituitur, & sublato, destruitur?*

## Can. Investig.

*Id quo posito in materia, aliquod compositum constituitur, & sublato, dissolvitur, est ejus forma.*

## Ex. Investig.

*Inductâ figura domûs, in materiam domûs, sicut lapides, ligna &c. constituitur domus; eâdemque figurâ abolitâ, destruitur. E. ea est forma domûs.*

## IV.

*A tributione essentiæ perfectæ, & distinctionis, & operationum. Quid ea tria tribuit huic composito?*

Can.

## Can. Investig.

*Id est rei cujusque forma, quod ei tribuitur  
essentiam propriam, distinctionem à pri-  
ori, & operationem.*

Sola namque forma ea præstat.

Ex. Investig.

*Unde homo habet essentiam Hominis, & distinctionem  
essentialem, & operationes? Ab animâ rationali. Quia  
propter ea est forma Hominis: Sic autores nonnunquam  
in uno argumento tria Formæ officia conjungunt  
ad formam validius confirmandam.*

Haftenus Investigatio formæ, ex propriis ejus  
Affectionibus, declarata est.

## S E C T. II.

DE LOCIS A FORMIS  
cognatorum compositorum.

Artic. I. De Locis à formis infe-  
riorum compositorum.

*IN Caussâ formali investigandâ exigens  
est usus Locorum à Cognatis formis; tra-  
demus tamen aliquot, nè talis Sectio,  
qualis in cæteris Causis tradita est, in  
deesse videatur.*

Locus

Locus I.

A Speciebus formæ ad generalem.  
*Quanam sunt formæ speciales hujus generalis formæ?*

Can. Investig.

*Quæ sunt formæ speciales unius generis, earum quoque genus erit formæ earum generis.*

Ex. Investig.

*Anima rationalis est forma Hominis; leonina, Leonis; equina, equi; & in reliquis animalibus sua cuiusque anima, ejus forma est: Vnde colligatur formam animalis in genere, i. e. animam sensitivam, esse animalis formam.*

II.

A Singularibus formis ad specialem. *Quæ sunt formæ singularium hujus specialis compositi?*

Can. Investig.

*Quæ sunt formæ singulares singularium compositorum unius speciei ultimæ, illarum species erit forma speciei.*

Ex. Investig.

*Forma Socratis est Socratis anima; & Platonis, suarumque se habet in cæteris hominibus. Sed anima rationalis est earum animarum species. Itaque ea est Hominis forma.*

# Artic. II. A formâ contrarii compositi.

## I.

*Quanam est forma contrarii huius compositi?*

Can. Investig.

*Si unum contrarium est forma unius compositi, alterum quoque erit forma alterius contrarii.*

Hic Locus locum habet in formis accidentalibus duntaxat.

Ex. Investig.

*Formale virtutis moralis, est mediocritas inter extrema. E. contra, vitii formale est extremitas, seu excessus, aut defectus.*

# Artic. III. A Comparatis Formæ

## I.

*A pari formâ. Quanam est forma paris compositi?*

Can. Investig.

*Si unum parium est forma unius compositi, alterum quoque erit forma alterius paris compositi.*

Ex. Investig.

*Forma Socratis est sua anima. E. & Platonis, Platonis anima.*

## II.

*A formâ rei similis. Quanam formæ*

*Investigatio Effetuum. Formæ 12;*

*est alterius similis.*

**Can. Investig.**

*Similium similes sunt formæ.*

**Ex. Investigat.**

*Forma domûs est figura ejus, per quam est domus, vel  
opra domus usui. E. similiter forma navis erit sua navis  
figura.*

*Ceteros Locos à cognatis Formæ, cùm ad For-  
mam scrutandam, parùm, aut nihil utilitatis habe-  
re videantur, prætermitto.*


*Hactenus de Ordine, & Viis investigandi rerum  
Causas dictum est.*

---

**G 2**

**CAP.**

---



## CAP. VIII. DE INVESTIGA- tione Effectuum.

### Artic. I. De Ordine investigandi Effectus.

**R**ESTAT tandem ut de rerum Effectibus inquirendis dicamus.

Quemadmodum in Causis scrutandis ita in rei cujusque Effectibus indagandis recto ordine, ac Modo progrediendum est.

Ordo Inquirendi Effectus cujusque generis Causarum, est Syntheticus, seu Compositivus: juxta naturalem ordinem generationis seu productionis Effectuum.

Quo primò investigatur proximus Effectus: eoque invento, ejus quoque immediatus inquiritur; itémque huius immediatus: & sic deinceps in reliquis remotioribus, & posterioribus effectibus, quousque progredi velimus.



Atqui hic ordo contrarius est ordini investigandi Causas : qui analyticus est, sicut initio dictum est, & procedit à posteriori Causâ ad priorem perquirendam. Atamen utrobique, similiter semper gradatim proceditur, à propinquiori ad remotius.

Quapropter Effectuum Investigatio consimilis est inquisitioni Posterorum cujuspiam hominis in tabula Genealogicâ : ubi primò inquiritur ejus filius, vel filii ; deinde , nepos , seu nepotes : & sic deinceps descendendo , juxta ordinem generationis.

Itaque , ut summatim dicam , rerum Causa perscrutanda sunt ordine resolutivo, regrediendo ordine contrario ordini naturæ seu generationis : incipiendo à Causâ ultimâ , & proximâ effectui proposito ; & à posteriori ad priorem gradatim pergendo. Effectus autem perquirendi sunt ordine compositivo , progrediendo juxta naturæ & generationis ordinem : incipiendo à primo & proximo rei effectui ; & sic deinceps à priore ad posteriorem procedendo.

Ex.gr. Investigaturus Solis Effectus , primò quæro primum & proximum ; qui est illuminatio : deinde hujus proximum qui est Calefactio : postea hujus calefactionis effectum ; qui est Generatio , ac Conservatio

rerum generatarum : ut , Metallorum, Plantarum, Animalium &c.

Idem ordo in Mediis cujusvis Finis perquirendi instituendus est. Ut , in scrutandis Mediis felicitatis activa, seu actionis virtutis : proximum Medium, est virtus ; virtutis generanda medium, sunt crebra actiones moderatae. Atque postremum medium in inventionem, primum in executione.

Objiciet hic fortassis quispiam contra id quod supra diximus: Effectus inveniri ordine compositivo, juxta ordinem naturæ & generationis eorum. Media sunt effectus Finis & inveniuntur ordine resolutivo: nam finis resolvitur in medium proximum & hoc in remotum. Respondeo eum esse naturalem ordinem intentionis, & causationis mediorum, quatenus media sunt. Finis enim primò Causat proximum medium ; deinde , remotum ; postea , remotius. At quatenus media producant Finem , eorum non sunt effectus Finis , sed Causæ efficientis productionis finis : qui finis productus , proprie loquendo, non est finis , & Causa ; sed effectus.

*Effectus Materia, & Forma, i. e. eorum Composita eodem ordine inquiruntur.*

Ut, Ex aëre in montium cavernis condensato, proxime gignuntur vapores ; ex vaporibus magis condensatis, guttuli ; ex guttulis unitis, fontes ; ex fontibus concurrentibus, sunt flumina.

Haftenus de ordine investigandi effectus.

**Artic. II. De modo scrutandi Effectus generatim.**

*Reliquum est, ut de Modo investigandi Effectus dicamus : sed breviter & summarim : quandoquidem horum modorum inquisitionem*

*inquisitionis non difficile colligantur è modis investigandi suas Causas.*

*Rerum Effectus in quolibet genere, i.e. Effectus Efficientis, Medium, Materia-  
tum, & Formatum, investigantur per  
Locos, ac Canones indagandi Effectus.  
Qui colliguntur è Locis, ac Canonibus su-  
arum Causarum: aut à propriis Affectio-  
nibus earum; aut à Causis cognatarum  
Effectuum.*

*Causarum enim & Effectuum Loci, ac Canones  
inter se mutuò correspondent. Itaque paucos (qua-  
si Exemplorum vice) afferre, satis fit.*

### **Exempla modi scrutandi Effectum Efficientis.**

*Ex Loco Efficientis, à contactu, & remotione,  
& ex adiuncto Canone, Id quo tangente aliquid, actio  
quæpiam in ipsam fit; & remoto seu cessante, actio ea  
cessat fieri, est ejus efficiens; colligatur hic Locus, ac  
Canon inquirendi effectum: A contactu, & remo-  
tione: Quo tangente aliquid, hoc patitur; & remoto,  
effectus vel actio cessat fieri, ea est effectus ejus quod tan-  
gi patiens.*

*Unde ad inveniendum Venti effectus, hoc argu-  
mentum ducatur: Ventis spirantibus, & quiescentibus  
quænam effectus proveniunt? Spirantibus, aer à putredi-  
ne vindicatur, & nubes efferuntur ad terram irrigandam,  
ac fecundandam: eis autem aliquamdiu cessantibus, aer  
putrescit, & solum arefcit. E. ventus illos effectus, &  
utilitates præstat.*

Item, à Loco Efficientis, à Contrariis Efficientibus, & Canone; *Contrariorum effectuum contrarii sunt Causæ*, consequitur hic Locus, ac Canon indagandi effectum: A contrariis effectibus: *Contrariorum contrarii sunt Effectus*. Unde ad reperiendum Virtutis effectum argumentari licet. *Vitium quidigit? Reddit homines miseros. E. virtus eos efficit beatos. Item, Crebræ immoderate actiones morales gignunt vitium. E. moderatæ, virtutem.*

Exemplum rationis indagandi Medii ad Finem.

De Fine indagando traditus est Locus, ac Canon, ab expetitione finis per se: *Quod ab aliquo per se expetitur est ejus finis*. Itaque ab appetitione proprie aliud: *Quod ab aliquo appetitur propter aliud quoddam est ejus Medium*.

Ut, *Quid appetitur propter felicitatem? Virtus, E. ea est medium felicitatis. Quid appetitur sanitatis restituendæ gratiâ? Medicamentum. Id igitur est hujus medium*.

Item, à Finis Loco, & Canone: A prioritate intentionis, & posterioritate executionis: *Quod est aliquo prius intentione, & posterius executione est ejus finis*. Si modò eorum unum ordinetur ad alterum. Ex quo sequitur, A posterioritate intentionis, & prioritate executionis: *Quod est aliquo posterius intentione, & prius executione, est ejus medium*.

Ut, *Bellum est victoriâ posterius, ordine intentionis, & prius executione. E. est ejus medium. Estque Mediorum scrutatio, atque examen in rebus consultandis, & agendis, maximi usus, atque utilitatis etenim in Consultationibus, potissimum inquiruntur Media ad finem propositum conducentia*.

Exempla investigandi materiæ effectum materiati: sive, quid ex eâ componatur, tanquam ex materiâ.

Effectus

Effecta rerum materiata, & formata (ut antè dictum) raro quaeruntur.

Sed modus, seu Loci, ac Canones ea investigandi consimiliter ex Locis, ac Canonibus suarum Caussarum pendendus est.

Sic in Materiâ, ex Loco, A dissolutione compositi, & Canone, Id in quod aliquid dissolvitur, & manet post eam dissolutionem, est ejus materia; Excepta solâ formâ humanâ i. e. animâ rationali. peti potest hic materiari Locus, ac Canon à dissolutione: Quod dissolvitur in quippiam n. anens post eam resolutionem, est huius materiatum.

Ut, Electrum in quid dissolvitur? In aurum, & argentum. E. ex eis compositum est, tanquam ex materiâ. Corpora mixta in elementa resolvuntur. E. illa sunt horum materiata.

### Exempla scrutandi Formatum.

In formâ: A tributione essentiae perfectae. Quod alicui tribuit essentiam perfectam, est ejus forma: Colligi potest acceptione essentiae perfectae. Id quod à quopiam accipit suam essentiam perfectam, est ejus formatum.

Ut, Quid est quod ab animâ rationali suam accipit essentiam specificam? Vel, Quodnam per eam in suâ specie constituitur? Homo. Is igitur est animae rationalis formatum.

A formâ similis compositi: Similium compositorum, similes videntur esse formae. Itaque, Quod est formatum unius rei similis, ejus simile quoque videtur esse formatum alterius rei similis.

Ut, Ex figurâ Domus constat Domus, tanquam ex suâ formâ. E. & similiter ex figurâ navis, constat navis, ut suum formatum ex suâ formâ.

Atque ad eundem modum ex reliquis omnibus Locis, ac Canonibus inveniendi Caussas, Loci quoque ac Canones per investigandi suum cujusque effectum, seu Caussatum fa-

cile colligi possunt; quapropter haud opus  
est in illis diutius immorari.

Caterum, hunc tractatum de Investigatione,  
& Causarum, & Effectuum,  
concludam hoc monito.

Ad rerum Causas, & Effectus inven-  
iendos compendiosior via est, illa investi-  
gare primò ex precipuis, atque utilissi-  
mis Locis ac Canonibus Investigationis.  
Quos Locos Causarum idcirco asteriscis  
præfixis insignivimus. Vbi autem vera  
Causa aut effectus quem quarimus  
ex horum aliquo inventus fuerit, &  
deinde ex Locis Examinis illius generis  
comprobat, nihil opus erit ceteros in-  
ventionis Locos perscrutari.

Haecenus de Investigatione  
Causarum

Dictum est.

---

Methodi

---



# METHODI COG- noscendi Cauſſas.

## LIBER SECUNDUS, DE EXAMINE CAUſſARUM.

### C A P. I.

#### De generali Cauſſarum Examine

Articulus I. De Locis ab Affectioni-  
bus Cauſſæ in genere, prære-  
quiſitis, ſeu Conditionibus, ut  
poſſit Cauſſare.



*U*EMADMODUM rerum  
Cauſſa investiganda ſint,  
explicatum eſt libro ſuperio-  
re: ſequitur ut altero libro  
exponamus, qua ratione &  
modo Cauſſa examinanda ſint; ut veras  
falſasque dijudicemus, ac dignoſcamus.

*Qualibet*

*Qualibet rei Causſa propoſita quam di-  
judicare velimus, utrum ea vera ſit, nec-  
ne, examinanda eſt per argumenta. Quae  
inveniendae ſunt ex Locis, ac Canonibus  
examinandi Cauſſas. Locus continet &  
indicat Medium, & Canon Majorem pro-  
poſitionem Syllogiſmi.*

*Canones examinationis ſunt duplices:  
alii, Refutationis; alii, Confirmationis.  
Ex illis, ducuntur argumenta refellendi,  
ac judicandi quae non ſint vera Cauſſa:  
ex iſtis, argumenta confirmandi, ac judi-  
candi veras Cauſſas.*

*Loci igitur ac Canones Cauſſarum ſunt  
Notae ac Normae, ad quas rerum Cauſſa,  
quas bene judicare ac ſcire velimus, exa-  
minandae ſunt: non enim ſcimus quic-  
quam, niſi id quod probavimus, ac recte  
judicavimus. Ex illis <sup>primis</sup> Locis, ac Canoni-  
bus omnia vera argumenta Cauſſas refel-  
lendi, aut confirmandi ſumuntur, eiſque  
nituntur, tanquam ſuis principiis ac fun-  
damentis; atque in eadem reſolvuntur.*

*Modus examinandi Cauſſas, eſt duplex;  
generalis, ac ſpecialis.*

*Generalis*



Generalis est ex Locis, ac Canonibus Causæ in genere: qui communes sunt omnium Causæ specierum: i. e. Efficientis, Finis, Materia, Forma.

Specialis modus est, proprius singulorum specierum Causæ, per speciales Locos, ac Canones cujusque.

AD examinandam igitur quamvis propositam Causam; utpote Efficientem; Finem; Materiam; Formam; primo considerandi sunt loci, ac Canones Causæ in genere. Sin autem eorum aliquis non convenit Causæ, quam examinamus, ea non erit vera rei propositæ Causa, ac proinde nec Efficiens, aut Finis, aut Materia, vel Forma ejusdem.

Deinde, eadem Causa examinanda est ex specialibus Locis, ac Canonibus illius generis Causarum, sub quo Causa quam examinamus, continetur.

Generales Loci ac Canones primò tradendi sunt: ut in genere, & semel dicantur, nec repetantur in specialibus Causis tradendis.

Loci:

## Loci generales-examinandi Cauſſas ſunt.

I. A generalibus prærequiſitis Affectionibus, ſeu Conditionibus Cauſſæ in genere, ad Cauſſandum: ut,

1 *Locus ab exiſtentiâ Cauſſæ.* 2 *Ab ubi.* 3 *A tempore.* 4 *Ab ordine naturali.* 5 *A conditione, ut Cauſſa ſit poſitivum quid, ac reale, quæ debet eſſe Cauſſa poſitivi, ac realis effecti.*

II. Ab affectionibus Cauſſæ in genere, non prærequiſitis ad Cauſſandum: ut, 1. *Ab unitate Cauſſæ in uno eodẽq; genere, & ordine ſeu gradu.* 2 *Ab enumeratione, ubi dantur ſeorſum plures Cauſſæ univerſales ejusmodi effecti, ac conſutatione cæterarum præter unam reliquam.* 3 *A Cauſſâ Cauſſæ Cauſſati.* 4 *A Cauſſâ effecti effecti.*

### I. Locus.

Primus Locus conſiderandus in omni Cauſſâ examinandâ, eſt ab exiſtentiâ Cauſſæ. Et examinare oportet Cauſſam propoſitam, an ea non exiſtat.

Canon.

## Canon Refutationis.

*Omnis Cauſſa eſt aliquid actu.*

Qui Canon etiam negativè efferri poteſt : ut  
*Quod non eſt , nullius rei Cauſſa eſt.*

Scholastici idem axioma ſic formant, *Nihil poteſt eſſe Cauſſa , niſi in quantum eſt ens.* Nam ad omnem Cauſſam neceſſariò ac primò omnium requiritur , ut ipſa exiſtat , ſive ut ſit ens : eſſe autem ſeu exiſtere , & eſſe ens , idem eſt. Atqui hoc requiſitum non eſt affectio aut conditio propriè loquendo: cùm exiſtentia ſit rei exiſtenti inſeſum , nec ab eà diſtinctum : attamen opinor , licet ipſum hic cum requiſitis Cauſſæ connumerare. Cæterùm , Canon nonnunquam traditur ſpecialim , de Cauſſa effici- ente : ut à Plutarcho lib. de primo frigid. ubi ait , *ὅς τῶ εἶναι, ἐνεργεῖν ἀκολουθεῖ, ἔτω καὶ τῶ μὴ εἶναι, τὸ μὴ ἐνεργεῖν* i. e. ut eſſentiam ( ſive exiſtentiam ) conſequitur operatio ; ità ad non eſſe , non operari. Idem innuit Ariſtoteles 4. Meteor. c. 4. text. 16. inquiens, *Quæ non ſunt , quomodo deambulant , aut loquuntur ?* Itẽmque alii Canonem ſpecialiter efferunt de Effi- ciente : ut, *Nihil agit , quod non eſt.* Item , *Id quod non eſt , non habet vim agendi.* Ut apud Colleg. Co- nimb. ad 11. de Generat. & Corr. c. 4. 9. 18. art. 5. Attamen poteſt Canon ſemel tradi de Cauſſa in ge- nere. Nec verò intelligimus omnem Cauſſam de- bere eſſe ens reale : ſed in Fine ſufficit , eſſe ens in- tentionale , ſeu ens rationis.

Exempla Refutationis in Cauſſis ſpecialibus.

Primò , in Efficiente.

*Non datur vacuum. Non igitur ob vacuum res tendunt ſurſum.* Ut quidam opinati ſunt.

*Terrà non conſeſcit , & fatigatur ætate. Non ergo ea Cauſſa eſt ſterilitatis ſoli in nonnullis locis , ubi olim fer- tile fuit.* Eſt argum. Columellæ : quod fuſe & ele-  
 ganter

ganter ab eo explicatur in Præfat. & rursus lib. 2. c. 1.

Sic Aristoteles probat, Orbem terrarum non ob latitudinem suam quiescere. Quia non est lata figura. Contra Anaximenem, Anaxagoram, & Democritum. 2. de Cælo. c. 13. t. 27. et similibus argumentis alibi utitur.

Nusquam reperiuntur sub Septentrione ingentes montes ferri ac magnetis feracissimi. Non ergo illi Causa sunt dirigendi acum nauticam ad septentrionem. Ut existimavit doctissimus Philosophus Fracastorius cap. 2. de Sympath. & Antip.

Exempla Refut. in Causâ Instrumentali.

Deus non consultat. E. non regit Mundum consilio, propriè loquendo.

Non rarefit aqua æstu marino. E. Luna non attollit mare, & æstum concitat per rarefactionem. Contra opinionem Laurentianorum Colonienfium, Albertistarum, Rogerii Baconis, Valesii, Contareni, aliorumque plurimorum. Antecedens probatur, quia si rarefieret aqua, naves tunc altius deprimerentur, ac propterea nonnunquam submergerentur. Quod accidit in magno illo Lusitanico terræ motu Anno 1531.

Hujus autem Loci ac Canonis argumenta rarissime apud autores occurrunt in Causâ finali, aut materiali, aut formali: quia vix unquam accidit, ut quis opinetur id quod omnino non est, esse aliquam illarum Causarum. Quapropter earum exempla prætereo.

## II.

A tempore. An non sit simul tempus cum hoc effectu.

## Can. Refut.

*Causa est simul tempore cum suo effectu.*

Ἄρα τὸ αἴτιον καὶ τὸ ἀποτέλεσμα αἰτ Arist. 2. Rhet. c. 23. & 2. Poster. 11. Quī enim fieri potest, ut quicquam pendeat ab eo quod tunc non est? Nec verò causa debet esse semper simul tempore cum suo effectu, nisi dum actu caussat: ut pater non semper permanet cum suo filio. Idem Canon solet etiam tradi negativè. ut, *Nulla Causa est posterior suo effectu.* Ex, *Nullum posterius est Causa prioris.* Quibuscum concordat illud axioma effecti: *Nullus effectus est prior suâ Causâ.*

## Exempla Refutandi Efficiens.

*Montes & insulae exstiterunt ante Diluvium universale.* Cum ad Mundi utilitatem, & ornatum pertineant. Non igitur Diluvium eorum Causa fuit: saltem non omnium. Uti nonnulli arbitrantur.

Autorem doctrinæ Numæ Pompilii (quia non exstat alius) falsò Samium Pythagoram edunt: quem Servio Tullio regnante Romæ, centum amplius post annos, juvenum emulantium studia cætus habuisse constat. Livius lib. 1.

Etesia in Ægypto adversus Nili ostium spirant, nonnisi post Solstitium æstivum: quo tempore Nilus ibidem inundare incipit. Quare illi non sunt Causa Niliacæ inundationis. Quo argumento Herodotus lib. 2. c. 2. Diodor. Siculus lib. 8 & Seneca 4. nat. quest. c. 2. illam opinionem confutant: cujus autor Thales Milesius perhibetur.

Terra non quiescit propter Cæli conversionem. Etenim Terra olim quiescebat, antequam Cælum (ut Empedocles prædicabat) converteretur. Sic Philosophus contra ipsum disserit 2. de Cælo c. 13. text. 87.

Ex

Ex. in Causâ iusirumentali.

*Antiquissimi Philosophi non ope artis Logicæ differebant  
Nam ea tunc temporis inventa non fuit.*

Ex. refellendi finem.

*Folia non sunt facta ad tuendos flores. Folia enim  
iis quæ flores ferunt, non omnibus sunt, quum flores  
ferunt. Pruni enim, Amygdali, aliæque, flores fundunt,  
quàm frondes, prius. Scaliger Exercitat. 177. l. 3.*

Ex. refutandi Materiam.

*Sorices generantur in navibus; in quibus eodem tempore  
nulli alii affuerunt E. illi non generati sunt ex semine  
aliorum.*

*Pyramides Ægyptiæ antiquissimæ conditæ fuerunt ante  
adventum Israëlitarum in Ægyptum.*

*Non ergò ille constructæ sunt ex lateribus quos in Ægypto  
coxerunt. Ut quidam opinati sunt. Grandines scilicet  
fiunt quando nullæ nives adsunt. E. non fiunt ex nivibus.  
Uti credidit Ovid. qui 6. Metamorph. canit,  
nivibus quoque mole rotatis  
Astringi, & spissâ glomerari grandine nives.*

### III.

*Ab ubi. An Causa proposita  
adsit ibidem ubi fit effectus.*

Can. Refut.

*Omnis Causa adest ubi Causat.*

Hunc locum Causæ vocare malui, ab ubi, quàm  
à Loco: quia Locus est proprius corporis: at ubi  
generalius est: est enim circumstantia necessaria  
& communis omnium entium, præter primum  
ens, i. e. Deum. Intellige Canonem, Causam ad  
esse, vel essentiâ, & præsentia, vel saltem virtute,  
ac

ac dum res fit, vel est in fieri: ut loquuntur. Quo sensu dicitur, *Agens, & patiens esse simul*. Et Damascenus ait, *Angelus ubi est, ibi operatur*. Idem Canon negativè effertur: ut, *Nihil agit, ubi non est*:

## Ex. Refut. in Efficiente.

*Sextus Roscius Amerinus non occidit patrem: Quia Roma non fuit, ubi occisus est*. Est argumentum Ciceronis in orat. pro eodem.

*In Æthiopiâ nulla sunt nives*. Non igitur illæ cum solæ sunt efficiunt *Niliacam exundationem*. Quod credidit *Anaxagoras*. Quem hac ratione redarguit *Herodotus* in *Euterpe*: & *Diodor. Siculus* lib. 2.

*Venti non sunt simul cum Cometis*. E. non aguntur à ventis. Ut existimavit *Epigenes* apud *Senecam* lib. 9. nat. quæst. c. 8.

Sic *Philosophus* disputat contra placitum *Anaximenes*, *Causam terræ-motûs non esse quòd terra tam cum madet quàm cum resiccatur, rumpatur; & à fragmentis ingentibus incidentibus quariatur*. Quam enim ob *Causam*, hæc affectio quibusdam in locis sæpenumero fieri solet, quæ ab aliis nullo tali excessu dissident? Atqui dissidere oportuit. *Meteor. lib. 2. c. 14. text. 10.*

## Ex. refellendi Causæ instrum.

*Canes non sunt calidi, sed frigidi*. E. non irascuntur per calorem.

*Tonitru non fit extinctione ignis nubibus intercepti: Quia non in illis exinguitur*. *Aristot. 2. Meteor. c. 8. adversus Empedoclis, & Anaxagoræ sententi- am.*

## Ex. refutandi Finem.

*Flores datos ob fructum, vel semen, tam falsa, quàm vulgata sententia*. Nam & fructus sine flore; *Olea, Ficui, Quercui*: & flos sine fructu; *Iridi, Jesemino, Narcissi* speciei. *Scaliger Exerc. 176. l. 2.*

Ex

Ex. Ref. Materiæ.

*Crystallus gignitur in nonnullis calidissimis regionibus; ubi glacies nulla est. E. non generatur ex glacie.*

*Galaxias est in Cælo, quò nulli halitus evehuntur, juxta Aristotelis doctrinam. E. non constat ex halitibus incensis.*

Ut placet eidem Philosopho 1. Meteor. c. 8.

## IV.

*Ab ordine naturali, seu dependentiæ. Estne hæc res natura seu dependentiæ posterior effectu proposito?*

Can. Refut.

*Omnis Causa est natura prior eorum Causa est.*

*Τὸ αἰτιον πρότερον ἢ ἀποτέλεμα :* ait Arist. 2. Posterior context. 92. Idemque aliis multis in locis inculcat. Prius autem naturâ dicitur id, à quo aliud pendet. Intelligitur Canon de re quæ est Causa, quatenus absolute spectatur; non relative, quatenus Causa est: sic enim naturâ simul est cum effectu: quia relata sunt simul naturâ. Neque verò pugnat hic Canon cum illo suprâ tradito, *Causa est simul cum effectu.* Qui de tempore intelligitur, uti dictum est. Quorum axiomatum ampliorem expositionem, ac conciliationem tradunt Metaphysici: ac inprimis Suarez Met. disput. 26. sect. 2.

Ex. refutandi Efficiens.

*Bona opera sunt naturâ posteriora justificatione. E. ea non sunt Causa justificationis. Antecedens probatur, quoniam oportet hominem justificari, antequam possit bona opera præstare.*

*Actus perfecti naturâ posteriores sunt habitu. Illi igitur non sunt Causa habitus.*

Ceterum



Cæterum, vix unquam accidit, ut quis statuat, aut existimet, id esse instrumentum, aut materiam rei, quod eâdem naturâ seu dependentiâ posterius est. Quapropter earum Causarum idonea exempla ad hunc locum afferre, minimè necessarium est.

Ex. refellendi formam.

*Summus calor in igne, est naturâ posterior igne. E. non est ignis forma.*

*Ratio est naturâ posterior homine. E. ea non est hominis forma.*

V.

A conditione Causæ, ut ea sit reale quid ac positivum, quæ debet esse Causa realis ac positivi effecti. Et, *An Causa proposita effecti realis ac positivi, sit privatio, aut negatio.*

Can. refut.

*Causa realis ac positivi effecti, est quid reale ac positivum.*

*Vel, Nulla negatio, aut privatio, est Causa realis, aut positivi effecti: per se.*

Ex. refellendi Efficiens.

*Quies non est quid reale ac positivum: Sed privatio motus at frigus est reale ac positivum quid. E. non est Causa frigoris, per se. Quanquam per accidens dicatur Causa, quatenus est privatio motus, qui calorem suscitatur.*

Ex. refutandi Instrumentum.

*Per inopiam caloris, sicut ea est privatio quedam, nihil fieri potest. E. femina non est facta per inopiam caloris.*

Ex

## Ex. refutandi finem.

*Nullus finis propriè loquendo, est privatio cuiusque rei. Privatio enim magis amatur tanquam medium ad obtinendum bonum quid, vel ad evitandum malum, quàm ut finis propriè.*

*Indolentia est privatio aut negatio doloris. Non igitur est finis, aut summum bonum hominis. Contra Hieronymum apud Ciceron. 2. de finibus: & Epicurum apud Laërtium lib. 10 ubi finem hominis statuit μήτε ἀλγεῖν καὶ δὲ σῶμα, μήτε ταραττεῖσθαι καὶ ψυχὴν i: e. non dolere corpore, nec animo perturbari.*

*Quies est privatio quadam. sc. motus. E. non est propriè finis, propter quem graviora ac leviora ad suum locum naturalem tendunt. Ut asserunt Philosophi Conimbricenses ad 2. Phys. c. 7. q. 12. art. 1. Sed verus finis est, ut illa conserventur in suo loco naturali.*

## Ex. refutandi Materiam:

*Ex non quanto fieri quantum, Platoniorum formis. Non enim quicquam confieri potest ex privatione, aut negatione, tanquam ex materiâ. Scaliger Exercit. 65. f. 1.*

*In Formâ, non memini quemquam statuere privationem, aut negationem alicujus compositi formam esse.*

**Artic. II. Loci ab affectionibus Causæ in genere, non prærequiritis.**

## I.

*Ab unitate Causæ. Et, considerandum, an aliud quid Causa sit, effecti propositi, in eodem genere Causæ nec in remotiori, aut propinquiori gradu.*

Can

## Can. Refut.

*Causa in uno genere Causarum, & gradu, est unica integra. Itaque si una talis confirmatur, alia refutatur.*

Canon potest etiam negativè efferri: ut, *Unius effecti non possunt esse plures Causse totales ejusdem generis, & ordinis.* Colleg. Conimbric. ad 2. Phisic. c. 3. text. 30. hoc axioma tradit, *Plures Causas totales, & ejusdem ordinis, nullus effectus habere potest.* Ubide Efficiente duntaxat loquuntur. Possunt autem unius & ejusdem effecti partiales, aut totales in diversis Causse generibus, aut in eodem genere, tanquam Causse subordinatæ: aut si sumatur Causa per accidens cum Causa per se.

## Ex. Refutandi Efficiens.

*Virtutes morales non à naturâ in nobis generantur. Quoniam eas assuetudine, hoc est frequentatis actibus acquirimus.* Tale est argumentum Aristotelis 2. Ethic. Nicom. c. 1. Et simili argumento idem Philosophus alibi probat, *habitus intellectuales non esse à naturâ.*

Idem Philosophus probat, *Ideas non esse Causam generationis rerum.* Quoniam in nonnullis aliud quid esse Causam spectamus: *medicus enim in corpore sanitatem efficit; & scientiam, sciens &c.* 2. de Generat. & Corr. cap. 10. text. 52. contra Socratem in Phædone Platonis. Et ejusmodi rationibus saepe utitur Aristoteles.

## Ex. refutandi Instrum.

*Non fatigatione, nec senio (quod plurimi credunt) sed nostrâ sc. inertia, minùs benignè nobis arva respondent: Licet enim majorem fructum percipere si frequenti, & tempestivâ, & modicâ stercoratione terra refoveatur.* Columel. lib. cap. 2.

*Aër motu non exedit. Exeſſionis enim instrumentum nequitiam motus est, sed humida qualitas, quâ solvantur corpora. Quare sine aëris etiam motu, partes à partibus absistunt, primum subeunte humido peregrino, mox etiam abscedunt suâ gravitate, atque dilabuntur. Scaliger Exercitat. 31. adversus suprà-dictam Cardani sententiam.*

**Ex. refutandi finem.**

*Hominis finis non est voluptas sensualis. Ut quidam putârunt. Ejus enim finis est virtutis operatio: ea namque est propria hominis operatio.*

*Ethica finis non est cognoscere & contemplari virtutem. Est enim finis, agere ex virtute: seu bene beatèque vivere.*

**Ex. refutandi Materiam.**

*Pullus in Ovo non fit ex luteo. Nam fit ex albumine. Quod manifestò deprehenditur, in anatum Indicarum ovis: quæ si ad Solem despicias, deprehendes in summo fastigio eandem nigredinem quæ est in earum rostris.*

**Ex. refellendi Formam.**

*Figura humani corporis non est hominis Causa formalis. Nam anima rationalis est ejus forma essentialis: hæc enim homini tribuit essentiam hominis.*

**II.**

**Ab enumeratione Causarum generalium, aut specialium, ubi dantur plures ejusmodi effecti; & à confutatione cæterarum in Causâ propositâ, præter unam reliquam:**

Can.

## Can. Confirm.

*Ubi plures dantur vera causa alicujus effecti, eis enumeratis; & probato nullam caterarum præter unam reliquam, esse causam propositi effecti, reliqua concludenda erit esse ejus causa, in eadem specie causa.*

In hujusmodi tamen argumentatione, illa enumeratio plenè concipi debet: alioqui non potest concludere necessariò: attamen non semper plenè exprimitur; sed plerumque animo reticetur, & subintelligitur in Majore propositione syllogismi.

## Ex. confirmandi Efficientem.

*Virtutes morales, aut à naturâ generantur, aut à frequentibus moderatis actionibus moralibus. Atqui non à naturâ: quia nihil naturale potest aliter assuescere. E. à moralibus actionibus generantur.*

Thomas lib. 2. contra gentes probat, Quòd animæ rationales producantur per creationem. Quia omnis substantia quæ producitur, aut generatur per se, aut per accidens: sed animæ rationales non generantur per se, neque per accidens. Quòd utrumque ibidem confirmat. Reliquum igitur, ut creatione producantur.

Hujusmodi est hoc argumentum, quo nonnulli philosophi utuntur: In insulis à Continente disjunctissimis, videntur co-plura animalia perfecta. Quæ tamen neque ab iis quæ in primævâ rerum generatione genita sunt, propagari potuerunt: cum omnia, paucis exceptis, Diluvio interierint: neque natando eò pervenisse putanda sunt, ob latissimam maris intercapedinem; nec navibus eò fuisse invecta; cum eorum multa offerata sint; ut, Leones, Lupi, Pantheræ. Reliquum est igitur, ut cælesti vi producta fuerint.

erint. Apud Colleg. Conimbric. in 2. lib. de Cælo c. 3. q. 6. art. 1. arg. 1.

Ex. confirmandi causam instrumentalem.

Nulla alia re videmus populum Romanum sibi Orbem subegisse terrarum, nisi armorum exercitia, & disciplina castrorum, usque militia. Quid enim adversus Gallorum multitudinem pauciores Romani valuissent? Quid adversus Germanorum praeventatam, brevis potuisset audere? Hispanos quidem non tantum numero, sed etiam viribus corporis, nostris praestitisse, manifestum est. Aporum dolis, atque divitiis, semper impares fuimus. Graecorum artibus, prudentiaque nos vincti, nemo unquam dubitavit. Sed adversus omnia profuit, tyronem solentem eligere; jus (ut ita dixerim) armorum docere; disciplinam quotidiano exercitio roborare; quaecumque evenire in acie, atque praeliis possent, omnia in campestri meditatione praenosceri; severe in desides vindicare. Vegetius lib. 1. de re militari cap. 1.

Multa à Cælo in hisce inferioribus perficiuntur: quae non possunt fieri luce, aut motu: ut aurum, ceteraque metallum in terrae gremio: quae neque motu, neque luce pertingit. Igitur ea efficit alia occulta vi, quae influentia vocatur. Hoc argumento utitur Colleg. Conimbric. in 2. de Cælo c. 3. q. 3. art. 2. Iterum eodem cap. q. 1. art. 2.

Simili ratione utuntur aliqui, & inter eos Albarras in 2. lib. majoris introduction. ad Astron. ad probandum. Lignam efficere aestum maximum, per occultam qualitatem, quam influentiam vocant.

Ex. confirmandi Finem.

Leguntur historiae, aut delectationis, aut utilitatis gratia. Sed plerique eas legunt, non propter utilitatem. Sed propter voluptatem duntaxat.

Aegyptiae Pyramides constructae sunt, aut propter utilitatem, aut propter gloriam. Sed ad nullam utilitatem, cum inutiles sint. Et gloria seu ornamenti causa.

Simili

*Simili ratione utitur Scaliger Exercitat. 216. f. 2. Nrsos formicis vesci, ad medicinam : quia non ad cibum.*

**Ex. Confirmandi materiam.**

*Hic nuncius flavus est : proinde constat ex auro, aut ex. Non autem ex auro : ut ex lapide Lydio dignoscitur. E. ex ere.*

*Materia ex quâ sorices in navibus generantur, aut est mater aliorum soricum, aut putris materia. Atqui sorices in navibus non generantur ex semine aliorum : quandoquidem alii non assuerunt. E. ex putri materiâ.*

### III.

*A causâ causæ effecti : An proposita causa sit causa causæ effecti propositi.*

**Can. Confirm.**

*Causa causæ in unoquoque genere causarum, est etiam causa causati in eodem genere.*

*Si modò finis causæ per se, non per accidens, & contingenter subordinatæ. Itaque Deus non est causa peccati, etiam si sit causa voluntatis humanæ : voluntas enim peccati causa est, non per se, & suâ naturâ, sed quatenus ei accessit defectus & pravitas : sicuti natura equi non est causa claudicationis equi, etiam si sit causa motus ipsius. Canon huiusmodi traditus est à multis tanquam specialis Canon causæ efficientis : at verò latius patet, nec solum in efficientibus, sed etiam in aliis causis subordinatis, reperitur : ut manifestum est in Fine, & Materiâ : nam finis finis est etiam finis Medii : & materia materiæ, est quoque materia materiati. Quare placuit hunc Canonem inter generales connumerare.*

**Ex. Confirm. Efficientem.**

*Moderatæ actiones morales sunt causæ virtutis : virtus*

est causa felicitatis. E. moderatae actiones morales sunt causa felicitatis.

Salubris diæta in cibo, & potu, & exercitiis, causa sunt boni temperamenti corporis: & hoc ad virtutem animi confert. E. etiam salubris diæta ad virtutem animi conducit. Hoc argumentum existat apud Galen. lib. quod mor. animi seq. temper. corp.

Hujusmodi est illa faceta argumentatio Themistoclis: Athenienses imperant Græcis; Themistocles imperat Atheniensibus: Themistocli, uxor; & matri, filius. E. filius Themistoclis imperat Græcis. Apud Plutarch. in Themistocle.

#### Ex. Confirm. Instrument.

Nervi sunt instrumentum movendi musculos; & muscoli, motionis animalis. E. nervi sunt instrumentum motionis animalis.

#### Ex. confirmandi Finem.

Mundus conditus est propter hominem; & homo propter Dei gloriam. E. & mundus.

Sexus masculini, & fœminini finis est, generatio animalium ejusdem speciei; & generationis finis est conservatio speciei. E. uterque sexus conditus est ad speciem conservandam.

Historia conscripta est ut rerum memorabilium memoria conservetur; conservatur, ut prudentia hauriatur ab exemplis rerum prudenter, aut imprudenter gestarum. Quare historia condita est ad prudentiam comparandam.

#### Ex. Confirm. Materiam.

Corpus humanum est materia hominis; & elementa sunt materia corporis humani. E. elementa sunt etiam materia hominis.

Cæterum, in causâ formali, non datur forma formæ.

### IV.

A causâ effecti effecti. Et, An hac

non



*non sit causa effecti huius effecti.*

**Can. Refut.**

*Causa effecti est etiam causa effecti effecti.*

*In quovis genere causæ.*

*Vel, negativè : Quod non est causa effecti alicujus rei, non est causa illius rei.*

**Ex. refellendi Efficient.**

*Causa virtutis est etiam causa felicitatis ; quia hæc est effectus virtutis. At natura non est causa felicitatis. E. neque virtutis.*

*Causa æstus marini tribuitur à Lydiato cap. 8. disquis. physiolog. ignibus submarinis maris fundum vehementer excalfacientibus. At enimvero si mare calefacerent, etiam rarefacerent ; si mare rarefieret, naves tempore affluxus, altius subsiderent ; quod non est verum. Igitur æstus marinus non provenit ab ignibus submarinis.*

**Ex. refellendi Instrument.**

*Non est instrumentum calefactionis. E. neque rarefactionis.*

**Ex. refutandi Finem.**

*Voluptas non est finis contemplationis. E. non est finis scientiæ.*

**Ex. refutandi Materiam.**

*Galaxia non constat ex elementis. E. neque ex halitibus. In Formâ non valet Canon.*

**Hactenus de Examine Causarum, ex Locis generalibus, seu Causæ in genere, dictum est.**



## CAP. II.

# DE RATIONE ac modo examinandi Causam Efficientem.

## SECTIO I.

## DE LOCIS SPECIALIBUS *ab Affectionibus Efficientis.*

Artic. I. De ejus Locis Affectionum,  
seu Conditionum specialium  
prærequisitarum ad efficiendum.

**E**xpositâ jam antè generali Causarum  
Examinatione, nunc ad speciale ea-  
rum Examen descendendum est : ac pri-  
mò Efficientis.

Quoniam autem hæc causa (καὶ ἐξουσία)  
ob excellentiam, plerumque absolutè vo-  
catur Causa ; ideo in ejus Examine,  
præsertim in Exemplis, eam appellatio-  
nem persæpe absolutè usurpabimus pro  
Efficiente.

Locos

Loci autem speciales in singularum causarum Examine, initio in Synopsi ac tabulâ, ubi verba summationis proponuntur, memoria iuvanda, ac promptioris usus gratiâ.

LOCI A SPECIALIBUS Affectionibus Efficientis, sunt

I. A specialibus ejus Conditionibus prærequisitis ad efficiendum: ut,

1. Ab eâdem qualitate, vel similitudine cum suo effectû. 2. Ab eâdem qualitate intensiore. 3. A virtute sufficiente. 4. A nobilitate præ effectû æquivoco. 5. A contactu cum patiente. 6. A principio, unde oritur actio.

II. A specialibus affectionibus Efficientis, non necessario prærequisitis ad agendum: ut, 1. Ab agentis non contactu cum patiente, & non actione. 2. Ab agentis contactu, & actione. 3. A remotione efficientis à contactu, & cessatione actionis. 4. A non positione agentis, & non actione. 5. A positione agentis cum patiente, & actionis. 6. A sublatione agentis, & cessatione actionis. 7. Ab ef-

fectione ejusdem, & non contraria actionis. 8 A proportionem distantia agentis, & patientis, & actionis intensioris, aut remissioris. 9 Ab unitate <sup>fine</sup> & dispersione agentis. 10 A repassione agentis.

III. Denique, sunt Loci compositi ab affectionibus compositis è duabus Efficientis: ut,

§. 1. A contactu, & aliâ.

1 A non contactu, & contactu cum patiente. 2 A contactu cum patiente, & similitudine cum effectu. 3 A contactu cum patiente, & remotione ab eodem.

§. 2. A positione.

1 A non positione, & positione cum patiente. 2 A positione seu presentia cum patiente, & sublatione.

LOCI A COGNATIS

Efficientis: vel, à cognatis efficientibus.

I. A superioribus efficientis: ut, 1 A Genere. 2 A specie ad singulare.

II. Ab Inferioribus: ut, 1 A Specie ad Genus. 2 A singulari ad speciem.

III. Ab oppositis efficientis.

IV. A

IV. A Comparatis.

S. I. In Quantitate : ut,

1 *A Majori.* 2 *A Minori.* 3 *A Pari.*

S. 2. In Qualitate.

1 *A Simili.*

S. 3. In probabilitate.

1 *A magis probabili, vel verisimili.*

2 *A minus probabili.* 3 *Ab aequè verisimili.*

V. A cognatis compositis : ut, 1 *Ab utroque Contrario posito.* 2 *A Majori, & Minori.*

Locus I.

Si igitur examinare volumus quamlibet Causam Efficientem propositam, ut dijudicemus, utrùm ea vera sit propositi effectus Causa efficiens, necne; post generale Examen, ex Locis ac Canonibus generalibus, i. e. Causæ in genere, suprâ traditis, (qui in omni Causâ (ut antè dictum) primò adhibendi sunt) accedendum est ad speciale Examen Efficientis. Inter cuius Locos, primò considerandus est Locus à Qualitate, vel à similitudine.

H 5

Effici-

Efficientis, & Effectus. *Et, Examinandum est propositum efficiens, an non sit tale, qualis effectus propositus.*

Can. Refut.

*Qualis causa, talis effectus.*

Quod axioma variè effertur apud Aristotelem : ut 7. Meteor. context. 2. *Omne quod generatur à sibi simili generatur.* Et 1. de Generat. & Corr. c. 7. *In universum, agens assimilat sibi patiens.* Et 1. de Ortu, & Inter. c. 7. t. 51. *Omne agens ideo agit, ut in effectù sui similitudinem exprimat.* Idémque alii aliter proferunt : ut, *Causa & effectus sunt similes.* Et, *Omne agens agit sibi simile.* Apud Thomam 1. part. q. 110. art. 2. corp. *Et, Omne procreans, procreat sibi simile.* Apud eundem 1. part. q. 115. art. 2. cor. Item, *Assimilatur causæ effectio, opus artificis :* ait Scaliger Exercitat. 307. *Et, Nihil dat quod non habet.* Et, *Quicquid est in effectù, præexistit in causâ.* Quæ omnia axiomata intelligenda sunt cum nonnullis limitationibus, ut semper vera sint, & necessariò valeant argumenta inde sumpta. Valent autem in causis per se, non per accidens : & secundùm qualitatem illam per quam efficiens producit effectum. Nihil autem interest, sitne agens in se, sive formaliter tale ; an virtualiter seu eminenter duntaxat : quemadmodum Sol calefacit, qui tamen non est (secundùm Peripateticos) in se calidus ; sed eminenter ac virtualiter tantùm. Nonnulli addunt valere axiomata in causis naturalibus, iisque potissimùm particularibus, ac determinatis. Aliæ etiam limitationes tradi solent ; sed inutiles, ad examinandas causas. Quas proinde tanquam à nostro præsentì instituto alienas, præmittimus.

Ex. Refut.

Deus est optimus. E. Deus non est causa mali. Contra Stoicorum dogma.

Mundus perfectissimus est, & partes ipsius omnes admirabili ordine disposita. Non igitur Mundus à casu, qui temerarius est & inordinatus, conditus fuit. Uti Democritus existimavit.

Mores mutantur consuetudine. At natura consuetudine non mutatur. E. natura non est causa morum. Idem argumentum legitur apud Aristot. 1. magn. moral. c. 7.

Absurdissimum dictum est, ab aere aquam cogi. Cum ipsum aerem nusquam videamus concrefcere. Plutarch. lib. de primo frigid.

Num quis nostrum non crederet, aut Lunam, aut quidquam siderum rapi ventis, aut turbine rotari? Non, ut puto. Quare? quia non est illis perturbatus, aut impotens cursus. Ad Cometas idem transferamus. Non confusè, nec tumultuosè eunt; ut aliquis credat illos causas turbulæntis, & inconstantibus pelli. Est argumentum, & verba Senecæ contra Epigenem lib. 7. nat. quæst. cap. 8.

Spiritus si e flatus in mari, non est causa scaturiginis fontium in summis montibus: ut affirmat Plinius lib. 2. cap. 65. Flatus enim non certo naturæ ordine in mari exoritur; sed more tempestatum, aliàs, crebrius; aliàs, rarius. At fontes maxime statò naturæ ordine prodeunt.

Nimis multa hîc exempla accumulavimus: verum in reliquis Canonibus, ferè paucioribus contenti erimus.

Can. Confirm.

Nonnunquam à similitudine causa, & effectus probatur causa: sed plerumque probabiliter tantum.

Ut, Felicitas est optima rerum humanarum. E. proficiscitur ab optimâ causâ, quæ nihil est aliud, quàm Deus.

Hoc.

Hoc argumentum certum est, quia datur nonnisi unum simile huic effectui.

Nonnulli philosophi, ac Medici probant matres etiam esse causam efficien-tem suorum natorum. Quoniam aliqui referunt matrem, & nonnunquam magis quàm patrem. Consulat qui vult Galen. lib. 1. de semine. & Fernel. lib. 6. Physiolog. cap. 7. aliósque.

Sic nonnunquam conjicimus nati patrem, aut matrem, ex similitudine cum parente. Unde facere ratiocinatur quidam apud Comicum in Heauton. Act. Scen. 3. Quod est consimilis moribus, facile convinces ex te natum: Nam illi nihil vitii relictum est quin id itidem in- sit tibi.

## II.

Ab intensiore qualitate causæ, quàm effectus. Num hac res non sit magis talis quàm effectus.

Can. Refut.

*Quod efficit tale, est magis tale.*

Sive, Propter quod aliquod tale est, id est magis tale. Quod docet Arist. 1. Poster. c. 2. text. 16. ubi ait, Αἰ. δὲ ὁ ὑπερέχῃ ἕκαστον, ἐκείνο μᾶλλον ὑπερέχῃ. Quod axioma verum est, si adsint duæ conditiones: sc. ut affectio illa utrique insit; atque ut recipiat intensionem, ac remissionem, seu magis ac minus. Propter defectum prioris conditionis, non sequitur, Homo inebriatur propter vinum. E. vinum est magis ebrium. Quoniam hæc qualitas, ebrietas, non inest utrique, i.e. homini, & vino. Ob defectum posterioris, non valet, Filius est homo propter patrem. E. pater est magis homo. Quia homo non recipit magis, ac minus. Atque illas duas condiciones, præter alios, tradit Zabarella, & Pacius ad 2. Poster. cap. 2. text. 16.

Cet. cum.



Ceterum axioma suprà traditum, Propter quod, &c. etiam ad Finem applicari solet: veluti agrotus expetit. medicamenta propter sanitatem. E. sanitatem magis expetit. De quo quoque vera sunt axiomatis verba, sed alio sensu, quàm de Efficiente. Sic igitur non est Canon præsentis Loci, nec Causæ.

Ex. Refut.

Hoc est parum calidum. E. non est causa hujus effectus, qui eo calidior est.

Si Salpetræ in ignem conjectus, propter terram strepit, terra magis strepet. At non strepit. Non igitur propter terram strepit. Scaliger Exercitat. 24. sic contra Cardani opinionem disputat. Si Magnes attrahit ferrum, propter ferrum quod inest in Magnete, (ut Avicenna, alique volunt) utique ferrum magis attrahet ferrum. Atqui ferrum non aquè attrahit ferrum ac Magnes. Quare Magnes non trahit ferrum per ferrum.

### III.

A virtute sufficiente. Num hæc res non habeat vim sufficientem ad hunc effectum præstandum.

Can. Refut.

*Nihil agit ultra suas vires.*

Cui concordat Canon effecti, Nullus effectus excedit virtutem suæ causæ. Non enim satis est virtutem inesse causæ, quâ talem effectum producat; sed etiam tantam, quæ sufficiat ad tantum.

Ex. Refut.

Unde petito argumento disserit Nilus 9. *Æneid.* *Ætialum non fuisse autorem factæ cædis: quia.*

— nihil iste nec ausus,

*Nec petuit.*

*Angeli sunt finitæ virtutis: at creare aliquid est virtutis infinite. Non ergo anima humana creatur ab Angelis.*

*Angelis.* Quod credidit Avicenna, alique.

## IV.

*A dignitate præ effectu æquivoco. Estne hæc res indignior hoc effectu æquivoco?*

## Can. Refut.

*Nulla causa efficiens est ignobilior suo effectu æquivoco.*

Vel, Nullum ignobilius est causa nobilioris. Nisi sit causa instrumentalis. Omnis enim causa efficiens, principalis, vel majorem habet perfectionem, quam sum effectus; vel saltem æqualem. Majorem quidem, si sit agens æquivocum, æqualem habet, quoad attributa essentialia. Nec solum efficiens principale, i.e. quod utitur instrumento, sed etiam solitarium, h.e. quod agit sine instrumento, nobilior est effectu: ut Deus, & anima, quum agunt aliquid sine instrumento. Intelligitur Canon de Agente totali, non partiali. Ratio Canonis est, quia causa non potest effectui dare majorem perfectionem, quam in se habet, aut formaliter, aut saltem eminentiori modo.

## Ex. Refut.

*Felicitas est res optima, & præstantissima. Non igitur illa provenit à fortunâ. Saltem tanquam à causâ principali.*

*Anima rationalis antecellit universo generi corporea nature. Cum sit substantia spiritualis. Quare à nullo agente aut virtute corporeâ, aut vi seminis producitur, aut propagatur.*

*Cum metalla sint mixta, proindeque excellentioris nature, quam elementa, è quibus efformantur, nequeunt metalla ab elementis, ut à principe causâ effici. Colleg. Conimbric. in Meteor. tract. 3. c. 2.*

V.

A contactu cum patiente. Num hoc attingit hoc patiens, dum fit actio.

Can. Refut.

Inter agens & patiens debet esse contactus.

Hic Canon, ut permagni usus est, ita variè effertur solet.

Ut, *Quicquid agit, agit per contactum.* Et, *Agens debet esse simul cum patiente, in quod agit per actionem transeuntem*: i.e. quando agit in aliud, non in seipsum, quum enim res aliqua agit per actionem immanentem, i.e. in seipsam: aut secundum eandem partem, aut per unam partem in aliam; palam est, tunc eam non agere per contactum. Axioma supra dictum effertur etiam negativè: ut, *Nihil agit in distans.* i.e. distans ultra contactum, vel virtutem agentis. De agente per actionem transeuntem loquimur axiomata supra dicta: & Philosophus 1. de Generat. & Corrup. cap. 6. text. 43. ubi ait. *Neque agere, & pati, et possunt proprie, quae se mutuo tangere nequeant.* Cæterum, contactus requisitus ad agendum, non semper est corporeus, seu quantitativus; sed sæpe solum virtualis: quando sc. agens virtutem suam spargit per medium; & per eandem virtutem, tanquam per instrumentum, attingit rem distantem, in quam agit: quo pacto Sol, & reliqua astra agunt in hæc inferiora; & magnes in ferrum, aliæque in alia. Nec solum corporea agentia, sed etiam spiritualia, & corporis expertia debent proportionali modo propinqua esse, secundum præsentiam, & attingere patientis tactu virtutis suæ. Quapropter Thomas generaliter ait, substantiam Angeli debere conjungi rebus quas movet:

movet : nec dixit, *corporibus*, sed *rebus*, ut indicaret  
 doctrinam esse generalem. Canon confirmatur, quia  
 inter conditiones ad agendum necessarias, una est, ut  
 agens, & patiens sint intra sphaeram activitatis agen-  
 tis. Siquidem omnia agentia finita ac creata, virtu-  
 tem certis limitibus sortiuntur ; ultra quam agere  
 nequeant : alioquin omne agens in rem quantum-  
 cunque distantem ageret : quod experientiae adver-  
 satur. Atque hæc præcipua ratio videtur, cur natura  
 tantopere horreat vacuum ; ut nimirum agentia at-  
 tingat patientia ; & suas virtutes, & actiones in ea  
 exerceant ; quæ, interjecto vacuo, fieri nequeant.  
 Quam ob causam sublunaris Mundus cœlesti ne-  
 cessariò contiguus est ; ut inde vis ejus recipiatur :  
 docente philosopho 1. Meteor. cap. 3. text. 3. Quare  
 id quod primò, & immediatè agit in aliud, imme-  
 diatè ipsum tangit. De quo agente loquitur idem  
 philosophus 7. Physic. c. 2. t. 9. ubi inquit, *Id unde*  
*principium motus* (h. e. agens) *simul est cum eo quod mo-*  
*vetur : simul autem dico, quòd nihil est his interjectum :*  
*hoc enim commune est omni rei, quæ movetur, & quæ*  
*movet.* Quod ibidem longâ inductione probat. Itaq-  
 nihil agit in distans nisi per intermedium ; per quod  
 illud quod distans est, tangit, & afficit ; sicut ignis  
 aërem ; aër, corpus distans calefacit. Attamen  
 dissentiunt nonnulli, negantes omne quod movet,  
 aut agit, primò atque immediatè agere in proximum,  
 afferentes nonnulla primò, & immediatè virtutem  
 suam transmittere, & agere in rem distantem : veluti  
 Magnetem, Echneidem, Basiliscum, Torpedinem,  
 aliæque. Quâ de re orta est controversia, tractata ab  
 Aristotele de motibus physicis, in 7. Physic. c. 2. &  
 inter alios recentiores, à Colleg. Conimbriciæ ad idem  
 cap. quæst. 1. & à Francisco Suarez Metaph. Disput.  
 17. sect. 8. Qui cum Aristotele tuentur, Agens sem-  
 per primò & immediatè agere in id quod ei proxi-  
 mum.

num est. Utrobique tamen, agens semper agit per contactum, & quum agit in rem proximam, & quum in distantem : id quod sine controversiâ est ; & ad Canonis suprà dicti veritatem, satis. Itaque illius controversiæ disceptatio nihil confert ad præsentem usum examinandi Agens seu efficientem causam. Quapropter eam dimittimus.

Ex. Refut.

Luna dum in altero hæmisphærio versatur, suo lumine, ut influentiâ non attingit mare in nostro hæmisphærio, ob Terræ corpus interjectum : tamen tunc etiam mare apud nos nihilominus æstuat. Non ergo Luna causa est æstus marini.

Si Sol & reliqua astra suâ virtute non penetrant terram, & pertingunt eousque ubi generantur metalla, ut multi asserunt, utique illa non sunt causâ eorum generati-  
onis. Ut quidam affirmant.

Stella polaris arctica non potest suâ virtute attingere aciem nauticam ultra Æquinoctialem : quæ tamen eadem cuspidem semper respicit Septentrionem, in utroque hæmisphærio, citra & citra Æquatorcm. Non igitur ea stella causa est dirigendi aciem nauticam ad Septentrionem. Ut Cardano placet lib. 7. de subtil.

Neque montes Septentrionales magnetum feraces, possunt esse causâ ejusdem rei, ob eandem rationem. Quod asserit Fracastorius lib. de sympath. & antipath. c. 7.

Conversio Cæli non est causâ quòd omnia gravia ad terram ferantur. Non enim conversio nobis propinqua est. Aristot. contra Empedoclem 2. de Cælo cap. 3. context. 33.

At, Magnetem trahere per animam. Hoc delirio præluxit tibi Thales. At anima trahere nequit, quod non tangit. Adversus Cardanum sic disputat Scaliger Exercitat. 102. s. 1.

## VI.

*A principio unde oritur actio. Estne  
hac res principium, unde hac actio ori-  
tur, annon?*

## Can. Refut.

*Agens est principium unde actio  
oritur.*

Nimirum secundum executionem: finis autem  
est principium actionis, secundum intentionem:  
adeoque absolutè primum.

## Ex. Refut.

*Nili fluminis incrementum non incipit ab Oceano. U-  
quidam veterum opinati sunt. Non igitur Oceanus ejus  
caussa est.*

*Etesiae non sunt causa quòd Nilus inundet Aegyptum.  
Nam Etesiae litus Aegypti verberant; & contra illas  
Nilus descendit, inde venturus, unde illi, si origo ab illis  
esset. Seneca lib. 4. nat. quæst. cap. 2.*

*Philosophus 2. Meteor. c. 2. opinatur mare fluere,  
ac refluere propter angustias maris in quibusdam  
locis. At verò fluxus non incipit à ripis, vel littoribus,  
sed in medio mari; unde fluit utrinque ad littora.*

## Can. Confirm.

*2 Id à quo actio oritur, est ejus effi-  
ciens.*

*Sic Aristoteles 2. Physic. c. 3. text. 9. definit Effici-  
ens, id unde generationis, aut quietis principium est princi-  
pium.*

## Ex. Confirm.

*Timor Domini est initium sapientiae. Illius causa est.  
Omnis cognitio intellectiva oritur à sensitiva. Haec  
igitur illius causa est.*

Pestis nonnunquam oritur à putridis cadaveribus.  
Tunc igitur ista pestis causa sunt.

**Artic. II.** Loci à specialibus efficientis affectionibus, non prærequiritis ad efficiendum.

**I.**

Ab efficientis non contactu cum patibili, & non actione in ipsum. Quando non tangit hoc, num sit, vel non sit hæc actio, seu affectus in ipsum.

Can. Ref. ac Confirm.

1 Quando efficiens non tangit patibile, non agit in ipsum. 2 Quo non tangente quidpiam, non fit actio in ipsum, id est, aut videtur esse efficiens talis actionis.

Ex. Refut. & Confirm.

Uc, Dum Luna versatur in altero hemisphærio, non attingit suâ virtute mare in nostro hemisphærio, tamen ipsum mare æstuat. Non ergo videtur esse efficiens æstus marini.

Si lumen non attingit & illustrat objectum visibile, hoc nunquam cerui potest. Quare lumen est aliquod efficiens visionis.

**II.**

Ab efficientis contactu cum patiente, & actione. Utrum hoc tangente, fiat actio, annon.

Can.

## Can. Refut.

*1 Activum dum tangit patibile necessario in ipsum agit.*

Hic Canon concordat cum Aristotelis pronunciato cap. 3. de longit. & brev. vitæ. *Quando activum, & patibile simul sunt, semper alterum agit, alterum patitur.* Quod ego axioma intelligo potissimum de agente naturali, & totali; & quod ponitur actu, unâ cum reliquis conditionibus necessario requisitis ad agendum. Præcipue autem requiruntur etiam sufficiens facultas seu virtus, & in nonnullis applicatio debita, & mora: sic enim positum agens naturale, & non impeditum, non potest non agere; sed agit quod potest, & quantum potest. Quin etiam agens voluntarium, si cum cæteris conditionibus adit præterea voluntas agendi, tunc semper agit.

Ex. Refut.

*Magnes allio perunctus, non amittit suas vires. E. allium illitum non impedit eas.* Ut Ptolomæus, Plutarchus, alique prodidêre.

*Stellæ interdum non lucent. Idque non, ut dicunt, quia Solis radiis extinguuntur. Extinguerentur enim etiam noctu. Quandoquidem semper in ejus radiis sunt.* Scaliger Exercitat. 62. l. 1.

## Can. Confirm.

*2 Quo tangente rem aliquam, ea necessario afficitur, seu patitur, id est actionis efficiens.*

Dixi, necessario, quia sæpenumero plura simul contingunt patiens, dum sit effectus; quæ tamen non sunt ejus causa; atqui id solum judicandum est esse ejus causa, quo tangente, effectus necessario, & semper fieri solet.

Ex. Confirm.



Ex. Confirm.

sic probamus ac judicamus Solem esse causam calefactionis. Quoniam ipso tangente nos suis radiis, necessario incallescimus: itémq; dum tangit res alias. Contactu calidiorum, ut aëris, aqua, balnei, &c. homines in calidos incidunt morbos: & frigidiorum, in frigidos. Unde ea judicantur causa ejusmodi morborum. Atque innumerabilia occurrunt quotidiana hujusmodi argumenta: ut nihil opus sit plura afferre.

III.

A remotione efficientis à contactu, & cessatione actionis. Num hoc remoto à passo, hac actio cessat in ipsum fieri, an non?

Can. Refut.

1 Efficiente remoto à passo, actio cessat in ipsum fieri.

Vel, Cessante causâ, cessat effectus. sc. in fieri. Dictum est in Canone, actio, quia cum duplex sit effectus: alius, actio, sive operatio (Græcis ἐργασία:) alius, opus (ἔργον:) remoto efficiente, cessat effectus, qui est actio: at non opus, quod effectum fuit: ut, remoto architecto, cessat ædificatio; non autem tollitur ædificium ab eo constructum: quia compositum permanere potest, quamdiu sua materia, ac forma simul constant. Similiter, quando agens aliquod in patiens impressit aliquam affectionem, seu passionem; illa manere potest, efficiente ejus remoto: veluti, quando sol fervidus genuit calorem, aut febrem in corpore accendit, idem calor, aut febris aliquamdiu manet, Sole jam remoto.

Ex. Ref.

Ex. Refut.

Hoc humore expurgato, non tollitur hic morbus. E. non est ejus causa.

Mare nostrum non cessat assuare, etiam quam Luna remota est, & in altero hemisphærio versatur. Non ergo Luna causa est astus marini.

Afferunt quidam, & inter eos Scaliger Exercit. 79. l. 1. Nubes à Sole in aëre suspendi. Quod non est admittendum. Etenim noctu, quando Sol remotus est, non suspenderentur; sed universa deciderent in terram: at non decidunt. E. Sol non est causa earum suspensionis.

Can. Confirm.

2 Quo remoto à passo, actio cessat fieri, id fuit ejus efficiens.

Ex. Confirma.

Hoc humore evacuato, tollitur hic morbus. E. hic humor ejus causa fuit.

Ventus aërem à putredine ruetur. Si enim aliquamdiu à ventis quiescat, putrescit, & insalubris evadit.

## IV.

A non positione agentis cum patiente, & non actione. Num hoc non posito cum patiente, fiat hac actio, an non.

Can. Refut.

I Efficiens non positam cum patibili, non agit.

Vel siue quo aliquid fit, id non est hujus efficiens. Quia necessario requiritur, ut activum ponatur simul cum patibili. Quæ conditio tradita est supra, Artic. 1. Loco 6.

Ex. Ref.

Ex. Refut.

Generatio non provenit ab animâ sensitivâ, neque à rationali.

Nam planta generat sine sensitivâ ; & equus irrationali.

Non sola mens motus causa est. Alioqui soli homines loco moverentur : cum tamen alia etiam animantes ratione destituta, loco moveantur. Aristot. 3. de Anima cap. 10. text. 48.

Quod ait Vives : letitiam esse motum animi ex iudicio instantis jam boni : non est admittendum. Quia sine iudicio, sinéque ratiocinatione, haud verè letamur. Scaliger Exercitat. 317. f. 1.

Sine ludicris artibus, atque sine causidicis, satis felices fuerunt, atque futurae sunt urbes. Columel. praefat. ubi conclusionem innuit.

Ex eodem Can. refelluntur Causae Instrumentales sequentes.

Sic caro tactus organum esset, sequeretur eas partes, quae carno destituuntur, (ut sunt dentes, ventriculus, membranae) non sentire. Atqui haec partes sentiunt. E. caro non est instrumentum tactus. Sic Medici argumentantur contra Philosophum.

Dicitur à quibusdam tum Sol, tum alia sidera non calefacere. Mihi contra videtur : Solem si non moveatur, magis calefacturum. Quod manifestius est ex radiorum fixatione in rem stabilem, quam si moveatur. Etenim cavum speculum si moveatur, non concipit ignem. Nihil autem differt resne calefaciens, an calefacienda moveatur, ad hoc probandum. Scaliger Exercitat. 79. sect. 2.

Can. Confirm.

2 Sine quo posito cum aliquo, actio non potest fieri in ipsum, probabile est, id esse actionis efficiens.

Canon probabilis est, non necessarius: non enim omne rei causa est, sine quo posito, res fieri nequeat. Ut testatur Cicero lib. de Fato, ubi ait, *Non id sine quo quippiam non fit, causa est. i. e. necessario, & semper. Sed id quod cum accessit, id, cujus causa est, efficit necessario.* Idemque scribit Seneca Epist. 65. inquit, *Si quocunque remoto (i. e. non posito) quid effici non potest, id causam judicant faciendi; ponant inter causas, tempus; nihil sine tempore potest fieri: ponant locum; si non fuerit, ubi fiat aliquid, ne fiet quidem: ponant motum; nihil sine hoc, nec fit, nec perit: nulla sine motu, ars, nulla mutatio est.* Attamen utilis est Canon nonnullis exceptis: & ex eo auctores haud raro confirmant causas: atque etiam ipse Cicero, & Seneca: us ex eorum argumentis subjiciendis constabit. Quapropter hunc Canonem non prætermittendum censeo. Excipienda verò mihi videntur præter ea quæ Seneca suprâ objicit, etiam aliæ causæ, ut finis, & in compositis, materia, & forma: quæ causæ non sunt efficientes: nec non causæ impulsivæ, ut prægumena, & procatartica; quæ non sunt efficientes propriè dictæ; sed impellentes ad efficiendum.

#### Ex. Confirm.

*Non est peccatum in voluntate, nisi sit error in intellectu. E. Voluntatis peccata oriuntur ab erroribus intellectus.*

*Sine virtute nemo potest esse beatus. Igitur virtus causa est felicitatis.*

*Principium amandi, est ea quæ in aspectu posita est voluptas. Non antè enim delectatus forma, nemo amat. Aristot. 9. Ethic. Nicom. cap. 5.*

*Sic Agrippa argumentatur Deum conservare Imperium Romanum: Divinum auxilium, inquit, est apud Romanos. Sine Deo quippe impossibile esset, imperium tale consistere. Apud Josephum, lib. 2. cap. 16.*

*Agricola*

Agricolæ & agricultura causa sunt alendi mortales. Etenim sine agricultoribus, nec consistere mortales, nec ali posse, manifestum est. Ex Columel. in præfat.

Iridis causam in humore esse, non dubitaveris. Non fit enim unquã arcus, nisi nubilo. Seneca i. nar. quest. cap. 3. Idemque rursus eod. cap. similiter ratiocinatur. Apparet duas causas esse arcus cœlestis, Solem, nubemque. Quia nec sereno unquam fit, neque ita nubilo, ut Sol lateat.

Simili ratione Aristoteles, probat appetitum esse id quod movet animal. 3. de Anima. c. 11. text. 50.

Fundamentum perpetuæ commendationis, & famæ, est justitia: sine quâ, nihil potest esse laudabile. Cic. 2. de Offic.

Virtus amicitiam gignit, ac continet: nec enim sine virtute amicitia esse ullo pacto potest. Cic. in Lælio.

Qui non probat, non novit. E. probatio est causa sciendi. Unde prudens Italorum proverbium: Chi non fa, non sa.

Plura exempla hic accumulavi, ne hîc Canon cum tot exceptionibus inutilis, & supervacuis videatur.

#### IV.

A positione agentis cum patiente, & actionis. An hoc posito cum hoc patiente, hac actio necessariò fiat, an aliquando non?

#### Can. Refut.

1 Efficiens cum patiente positum, agit in ipsum.

aliqua

1 Vel, negativè: Quo posito cum aliquo, non fit actio

*in ipsum, id non est talis actionis efficiens. Canon intelligendus est cum ejusmodi conditionibus, quibus prior, à contactu.*

**Ex. Refut.**

*Multi divites non sunt felices : ut Cræsus, aliique. E. divitiæ non sunt causa felicitatis.*

*Multa sunt animalia, quæ sensum quidem habent, sed stabilia sunt, & immobilia perpetuo. Quare sensus non est causa progressionis animalium. Philosophus 3. de Anima c. 10. text. 6. vel aliàs 145.*

*Sic idem philosophus probat, Concursum, vel conjunctionem planetarum, vel inter se, vel cum stellis fixis, non est causam Cometæ. 2. Meteor. cap. 6. text. 13. contra Anaxagoram, & Democritum. Itémq; disputat, Ideas non esse causam generationis rerum. 2. de Generat. & Corrupt. cap. 9. adversus Socratem in Phædone Platonis.*

*Succinum non calore allicit festucam. Utpote calefactum ab igne, & admotum festucis, non attrahit ; sive edeat, aut ferveat, sive ad flammam usque urgeatur. Gilbertus lib. 1. de Magnet. cap. 1.*

**Can. Confirm.**

*2 Quo posito cum aliquo, hoc necessario patitur, illud est actionis illius efficiens.*

*Præsertim si nihil aliud quod simul ponitur, possit esse actionis efficiens. Eundem Canonem tradit Cicero lib de Fato, fol. mihi 147. p. b. ubi ait, Id causa est, quod cum accessit, id, cujus causa est, efficit necessario.*

**Ex. Confirm.**

*Vitiosi semper miserè vivunt. E. vitium causa est miserae vitæ.*

*Betta sunt regna, aiebat Plato, quando aut philosophi regnant,*

regnant, aut reges philosophantur. Tunc igitur philosophia causa est effioendi regna beata.

Quoties Luna interjecta est inter Solem & Terram, necessario accidit eclipsis solaris. E. Luna sic interposita ejus causa est.

Pulchrè à veteribus dicitur, illis, qui causam cur diutius vivatur, fellis vacuitatem esse dicunt: argumento ex stipedum, cervorumque genere ducto: hac enim & felle vacant, & diu vivunt. Quinetiam ea quæ illi non videntur felle carere, ut d. lphinus, ut camelus, longæva sunt. Aristot. 4. de part. animal. cap. 2.

## VI.

A sublatione agentis, & cessatione actionis. Hoc sublato, cessâtne hæc actio fieri, annon?

Can. Refut.

1 Efficiente sublato, actio ejus cessat fieri.

Per sublationem hîc non intelligimus remotionem à contactu cum passio, ut in priore Loco à contactu; sed rei interitum, seu abolitionem.

Ex. Refut.

Aliqui amissis opibus, tamen feliciter vixerunt, & vivunt. E. divitiæ non sunt causa felicitatis.

Fulgur non accenditur à radiis solaribus. Quia noctu, quando illi auferuntur, fiunt, & apparent fulgura. Sic Aristot. disserit adversus Empedoclem 2. Meteor. c. 8.

Ex eod. Can. Efficientis refellitur In-

strumentum: ut,

Detracta cute, tamen non tollitur sensus tactus. Itaque cutis non est organum tactus. Ut quibusdam videtur.

In interlunio, quum Luna in parte obversa terris, lumine destituitur, vehementes tamen æstus marini attollun-

tur. Non igitur Lunæ lumine, ceu instrumento æstus concitantur. Ut aliquibus videtur.

In nonnullis sacrificiis animantia cernebantur, corde jam aris imposito, non respirare tantum, aut clamare fortiter; sed etiam fugere, quousque profusione sanguinis commoriantur. Galen. l. 2. de Hippoc. & Platon. placitis.

### Can. Confirm.

2 Quo sublato à passo, actio simul necessario cessat fieri, id fuit ejus efficiens, *ut ait archid. aqua non est ignis si est calidior, tradit hanc Can. nem.*

Calore innato extincto in animali, vita simul ac necessario in eodem extinguitur. E. vita consistit in calore innato.

Disciplina majorum, remp. tenet. Quæ si dilabatur, & nomen Romanum, ac Imperium amittimus. Dissert. Imperator Alexander Severus apud Lampridium.

Benevolentia est amicitiae fons, à natura constitutus: quâ sublatâ, etiam amicitia nomen tollitur. Cicero in Læliq.

Otio sublato, cessat libido. Id ergo causa libidinis fuit. Unde Ovid. i. de Remed. canit,

Hæc ut ames, faciunt; hæc quæ fecere tuentur:

Hæc sunt jucundi causa cibusque mali.

Otia si tollas, pericre Cupidinis arcus;

Contemptæque jacent, & sine luce faces.

### VII.

Ab effectione ejusdem, i.e. non contrariæ actionis. Num hoc agat contrarium hujus actionis.

### Can. Refut.

Idem agens, quâ idem, eidem, semper agit idem.

Vel, Idem, quâ idem, eidem, non est causa contrarii.

Axioma



Axioma utroque modo efformatur ab Aristotele : priore modo, 2. de Generat. & Corr. c. 10. text. 181. ubi ait, τὸ δ' αὐτὸ, καὶ ὁ αὐτὸς ἔχον, ἀπὸ τοῦ αὐτοῦ πέφυκε ποιεῖν. Altero, 4. Meteor. cap. 11. text. 4. Τὸ δ' αὐτὸ, πρὸ αὐτῶ, καὶ ταυτὸ, ἔκ ἐστὶν ἄλλιον τῷ ἐναντίῳ. Quæ axiomata intelliguntur de Agente per se, & præcipuè de agente naturali, quod semper agit eodem modo, & nunquam contrario : si eodem modo se habeat, tum internè, tum externè. Alioqui potest idem contraria efficere : vel quando agit in res dissimiles : ut idem Sol generat, & corrumpit ; ceram liquefacit, & lutum indurat. Vel, si agat unum per se, alterum per accidens : ut gelu, per se refrigerat, &urit herbas per accidens : & frigus per se frigesfacit, & tamen cum ambit corpus nostrum impensius calefacit, & nonnunquam accendit febrem. Atque ita potest idem esse causa contrariorum effectuum : docente philosopho 2. de Generat. text. 56. Attamen potest per se agere diversa, tametsi non contraria : veluti Sol, & ignis illuminant, & calefaciunt.

Ex. Refut.

*Studium & exercitatio mentis moderata sanitatem juvat. Ut alicubi docet Galenus. E. eam non ledit. Uti quidam existimant omne studium valetudini nocere.*

*Aqua res denigrat. Non igitur nix ob aquam candida fit. Ut docet Bod. in l. 2. Theatri nat.*

*Quæcumque sunt aquea, non concrevunt ab igne. Solvuntur enim ab igne. Idem autem eidem, secundum idem, non est causa contrarii. Arist. 4. Meteor. cap. 11. text. 4.*

*Multi inopiâ fiunt deteriores. Non igitur egestatem, ad beatitudinem, vel instrumentum, vel viam, quisquam facere audeat. Scaliger Exercitat. 250. l. 1.*

*Contracto calore, aiebat Cardanus, somnus prohibetur. Nimis laxa sententia (inquit Scaliger Exercit. 311.) Nam caloris contractio, & somni causa est, ut*

docuit philosophus : & causa concoctionis ; ut docuit Hippocrates : ventres enim hyeme calidiores.

## VIII.

I A proportionē distantiae agentis, & patientis, & intensiōis, aut remissionis actionis. *Utrum hoc quando propinquius existit patienti, fortius agit, & longius, debilius.*

Can. Refut.

*Agens quanto propinquius existit patienti, tantò fortius agit ; & longius, remissius.*

Vel brevius, *Agens fortius agit in propinquum.* Intellige cæteris paribus. Alioquin agens aliquando fortius agere potest in longius distitum : sicut Sol vehementius calfacit terram, quàm mediam aeris regionem ; & radicem montis, quàm cacumen : quanquam ista Soli propinquiora sunt, quàm illa : quia Solis radii in his reflectuntur, & congregantur ; atqui illic non item : itémque radii Solares per speculum comburens vehementius accendunt in puncto coincidentiae, quàm propius. Quinetiam aliqua patientia longius distita, capaciora sunt actionis agentis, quàm quædam propinquiora : quapropter res solida ab igne magis incalescit, quàm aer igni vicinior.

Ex. Refut.

*Acus navigatoria non convertitur & dirigitur ad Boream, à montibus ibidem magnetis feracibus. Nihilò enim validius movetur ac convertitur in locis vicinis, quàm in disjunctissimis.* Itaque errat doctissimus philosophus

Fracastorius,

Fracastorius, eam causam conversionis illius asserens. lib. de sympath. & antip. cap. 7.

Si æstus marinus oriatur à freto Magallanico, dum Oceanus Orientalis cò confluit, neque satis citò percurrere potest, propter freti angustias; sed intumescit, & æstuat, magis major æstus esset, prope illud fretum, & ab eo longinquus, minor. Verum non ita evenit. Quare rejicienda est ea opinio Sfondrati lib. de causâ æstus marini.

Can. Confirm.

2 Si actio fortius fit in patiens, quando quidpiam ei vicinius est, & debilius ubi idem magis distitum est, id est actionis efficiens.

Ex. Confirm.

In locis maritimis, aer hyeme magis tepescit, quàm in magis distitis, & mediterraneis. E. mare causa est, quæ vicina calefacit.

Aer intra Tropicos, perpetuò circumferitur ab Oriente in Occidentem, circa orbem terrarum. Qui motus ubi Sol appropinquat, celerior est; & alibi tardior. Idcirco Sol est illius motus causa.

IX.

Ab unitione & dispersione agentis.

Hoc unito, num hac actio fortius fit, quàm disperso?

Can. Refut. ac Confirm.

1 Agens magis unitum, fortius agit.

Vulgò dicitur, Vis unita fortior.

2 Et, Quo unito, fortior fit actio, id est eius efficiens.

## Ex. Refut.

*In glacie frigus magis unitur, quàm in aquâ : attamen glacies non magis extinguit ignem, quàm aqua. E. frigus non est causa extinctionis ignis.*

## Can. Confirm.

*Calore stomachi unito, ut in hyeme, concoctio cibi fortius fit. E. ille calor concoctionis causa est.*

*Alterutro oculo clauso, universi spiritus visui in altero concurrunt ; & tunc clariùs cernimus. E. illi spiritus sunt causa visionis : nimirum causa instrumentalis.*

*Solem calefacere per lumen, ratio manifesta est. Quoniam in ampullâ, & vitro cavo, multi radii congregantur ; & fiunt unus radius : ideo, qui dispersi debiliorem vim habebant, ii conjuncti & uniti magnam adipiscuntur, & accendunt propinquum aerem, & per illum etiam stupam. Zabarell. lib. de calore cœlesti cap. i. D.*

*Exempla hîc dedimus in causâ instrumentali tantum, quoniam hujus loci usus major in eâ est.*

*Hic locus ab unitione & dispersione, non est aliquis ex præcipuis & utilioribus : quapropter si quis eum ejicere mavult, non repugno.*

## X.

*A repassione efficientis agendo. An hoc agendo repatiatur, necne.*

## Can. Refut.

I *Agens agendo repatitur.*

*Hoc multis in locis asserit philosophus : ut 3. Phys. c. 2. text. 8. & 1. de Generat. & Corr. cap. 7. text. 10. & 54. & lib. 2. Phys. c. 4. & uberius 4. de Generat. animal. cap. 3. ubi ait, Omne agens patitur etiam à patiente, ut quod secatur, bebetatur : quod calefacit, refrigeratur à calefcente : denique, quodcunque movet, mutuo movetur aliquo motu. Cæterum non omnia agentia repatiuntur ; sed ea solum, quæ unam specie materiam cum patiente*

patiente obtinent : ut omnia corpora sublunaria, citra controversiam. Quæ autem ex materiâ specie diversâ constant, ea quoad rationem agendi, & patiendi, non reciprocari inter se, palam est : id quod Aristoteles docet 1. de Generat. & Corr. c. 3. text. 11. aiens, *Quæ eandem materiam non habent, agunt sine passione.* Debent præterea agens & patiens ita sumi, ut congruenter applicata sint, & utrumque alterum intra suæ virtutis ambitum cohibeat. Neque verò de quâlibet actione intelligi debet, sed de physicâ ; atque eâ præsertim, quæ in quatuor primis qualitatibus, calore, frigore, humore, & siccitate versatur. Ut nonnulli asserunt. Et Scaliger Exercitat. 61. addit hanc conditionem, ut ibi sint contrariæ qualitates. Non enim verum est, inquit, quod aiunt. Quæcunque communem inter se habent materiam, ea inter se agere, & pati mutuo ; id quod redactionem scitissimè appellârunt : sed id evenire ibi, ubi sunt contrariæ qualitates tantum.

Ex. Refut.

*Cor non repatitur, seu non fatigatur multum cogitando. E. non est efficiens, aut instrumentum intellectiōis.* Ut fuit communis sententia philosophorum ante ætatem Hippocratis, & Galeni : qui hoc argumento illam confutârunt.

*Cerebrum non refrigerat. cordis æstum. Si enim refrigeraret, etiam à corde caleficeret. At non ab eo incalcescit.* Philosophus autem existimavit, cerebrum conditum esse ad cordis æstum refrigerandum.

Can. Confirm.

*2 Quod agendo repatitur, id est prioris actionis efficiens.*

Ex. Confirm.

*Multum cogitando & ratiocinando cerebrum repatitur : ut, fatigatur, & dolet. E. cerebrum est efficiens intellectiōis.* Nimirum instrumentale, seu organum.

*Sedes oculorum, maximè omnium locorum capitis, seminabilis est. Quod patet, cum sola ipsa per coitum venereum manifestè immutetur; oculi aperte languescant, & subsidoant. Aristoteles 2. de Generat. animal. cap. 5.*

### Artic. III. Loci compositi ex duabus affectionibus efficientis.

*Præter Locos simplicium Affectionum Efficientis suprà traditos, considerandi sunt etiam Loci compositi è duabus ejus affectionibus simul conjunctis.*

Sæpenumero enim solent auctores aliique rerum Causis in quolibet causarum genere differentes, ad rei causam efficacius confirmandam, è duobus, pluribusve Locis, ac Canonibus conjunctis, unum compositum argumentum conficere: ubi sc. simplex argumentatio ex uno eorum non satis valida videretur. Quod idem nobis censeo imitandum. Itaque ejusmodi duplicatos Locos, ac Canones, unà cum exemplis compositarum argumentationum afferemus. Idque juxta eum ordinem quem in simplicibus Locis instituimus.

## §. I. A Contactu.

### I.

*A non contactu, & contactu cum patiente.*

### Can. Confirm.

*Quod antequam attingit quippiam, aliqua actio non fit in ipsum; & dum attingit, fit; id est actionis efficiens.*

Ex. Confirm.

*Antequam lux attingat objectum, ipsum non possumus cernere; at luce attingente, cernimus. E. lux est causa visionis.*

*Ventos in causa esse terræ motus, non dubium reor. Neque enim unquam intremiscunt terræ, nisi sopito mari, celoque adeo tranquillo, ut volatus avium non pendeant, substracto omni spiritu, qui vehit: nec unquam nisi post ventos conditos; sc. in venas, & cavernas, occulto afflatu. Plinius lib. 2. cap. 79.*

II.

A contactu cum patiente, & similitudine cum effectu.

Can. Confirm.

*Quali tangente quicquam, talis in ipsum necessario fit effectus, id est ejus efficiens.*

*Vel, Si non nisi unum tale, qualis effectus, tangit ipsum, dum talis sit effectus, id est illius efficiens.*

Ex. Confirm.

*Ventus nunc tangit hanc nubem, quæ simili motu movetur ab Occidente Orientem versus. E. idem ventus causa est nubem pellendi.*

*Aer intra Tropicos, præsertim in Oceano, atque etiam supra montium fastigia ab Oriente in Occidentem perpetuo circumfertur, imitatus Solis cursum. Sol igitur illius motus causa est existimandus.*

*Contactu calidiorum, ut fervidi aeris, aut thermæ, &c. homines in calidos incidunt morbos. E. illa parum causa sunt.*

III.

A contactu cum patiente, & sufficiente virtute.

Can.

## Can. Confirm.

*Quod præditum est virtute sufficiente ad quid agendum, & eo tangente, fit effectus, id est ejus efficiens.*

Vel, Si unum solum quod tangit patiens inter agendum, potest effectum præstare, id est ejus efficiens.

## Ex. Confirm.

Halitus permagnas vires ad movendum habent. Quapropter eos magnâ copiâ in terrâ conclusos, & erumpere connitentes, terræmotum efficere putandum est. Hujusmodi est argumentum Aristotelis 2. Meteor. cap. I.

In calidâ, seu mediâ Orbis Zonâ, (quam ex veterum errore, Torridam etiamnum vocitam) noctes semper diebus, aut æquales sunt, aut perparùm inæquales; ac proinde dies in æstate breviores sunt, quàm in cæteris Zonis; ac nocturnum frigus, diurnum calorem imminuit; imbres sunt assidui; montes alti, ac frequentes; Oceanus vicinus est, præsertim prope Æquinoctialem; denique (quod permagui momenti est) venti assidui, tam statis, quàm extraordinariis temporibus flantes. Quæ omnia satis magnam vim habent, ad refrigerandum aerem, & Solis æstum mitigandum. Hæ igitur causæ sunt quòd illa Zona, & Æquinoctialis plaga sit minùs calida; & habitationi, & victui hominum, ac cæterarum animantium satis accommoda.

## IV.

**A contactu, & remotione.**

## Can. Confirm.

*Quo tangente quidpiam, hoc necessario afficitur; & remoto, ea affectio cessat fieri; illud est hujus efficiens.*

Canon hic concordat cum regulâ quâdam ab Hippocrate,





*Sic Aristoteles, probat causam Iridis. Quia quoties Sol, & nubes ad eum modum habebunt, (quem ibidem describit) & nos Solem inter, & nubes erimus; tunc & non aliter habentibus illis, arcus in Cælo cernitur. 2. Meteor. cap. 4. text. 8.*

### Can. Refut.

*Ex hoc composito Loco nonnunquam petitur argumentum refutationis: juxta hunc Canonem. Sine quo posito cum passo, actio fit in ipsum; & posito, non fit; id non est actionis efficiens.*

#### Ex. Refut.

*Sine divitiis aliqui sunt felices; & multi divites non sunt felices. E. divitiæ non sunt causa felicitatis.*

*Sic Galenus, & Averroes ratiocinantur, Somnium non fieri obstructis meatibus cerebri, vapore cibi. Quia non quoties à cibo abstinemus, vigilamus: nec quoties cibum capimus, somnum largitur: sed sæpe accidit, ut inagito stomacho, dormiamus; pleno, vigilemus.*

### II.

*A positione & similitudine causæ & effectus.*

#### Can. Confirm.

*Quale positum talis necessario consequitur effectus, id est hujus causa.*

#### Ex. Confirm.

*Similes actus, similes consequuntur habitus. E. tales actus sunt causa talis habitus,*

### III.

III.

A positione rei cum patiente, & sublatione.

Can. Confirm.

*Quo posito cum aliquo, actio quæpiam in ipsum fit, & sublato, cessat fieri, id est actionis causa efficiens.*

Ex. Confirm.

*Lunâ interjectâ inter Solem, & Terram, accidit eclipsis solaris; illâque interpositione cessante, simul cessat ea eclipsis. E. Luna sic interjectâ ejus causa est.*

*Honos alit artes. Florent enim & crescunt, quamdiu honorantur, at languescunt cùm contem-  
nuntur.*

*Polybius lib. 3. probat Epaminondam, & Pelopidam causam extitisse, quod resp. Thebana illorum ætate tantopere floreret, & spectanderet, & non republicæ forma. Quia cum eorum vitâ, & aucta fuit, ac confirmata; & rursus dilapsa. Pariterque judicat de Atheniensium rep.*

*Potest etiam causa nonnunquam à tribus simul Locis comprobari: à non positione, à positione, à sublatione.*

*Ut, Antequam Luna intercedit inter Solem, & Terram, nunquam accidit eclipsis Lunaris; quamdiu autem interjicitur, permanet eclipsis; & cùm desinit interpositio, cessat eclipsis. Similiter probari potest Lycurgi leges, & instituta, fuisse causam fortitudinis Lacedæmoniorum.*

*Hactenus de Locis ab Affectionibus Efficientis dictum est.*

SECTIO

SECTIO II.  
DE LOCIS A COGNATIS  
Efficientis, vel à cognatis  
Efficientibus.

**P**Ræter Locos Affectionum Efficientis antè expositos, sunt etiam alii ejusdem Loci, partim consentanei cum efficiente rei propositæ, partim ei oppositi. Quibuscum efficiens conferendum est, & videndum est utrum illi sint efficientia effectuum consentaneorum, & hi oppositorum effectui proposito, annon: unde propositum efficiens pariter judicatur verum, aut falsum. Quæ omnia, ut uno communi nomine complectar, libuit ea Cognata appellare. Sicut Affectiones causarum sunt quædam innata & inhaerentia illis. Attamen aptiore voce, si quis eam afferet, libenter utar. Interim opinor hanc vocem cognatorum ad animi mei sensum enunciandum sufficere.

Artic. I. De Locis ab Efficientibus superiorum, vel magis universalium effectuum.

Locus.

Locus I.

Ab Efficiente Generis. Num res proposita sit efficiens generalis effecti, vel omnium ejus generis, an nullius.

Can. Refut. ac Confirm.

1 Quod nullius rei cujuscumque generis efficiens est, id neque est efficiens ullius speciei, neque singularis ejusdem generis. Et, 2 Quod est efficiens generis, aut omnium unius generis, est etiam cujusvis effecti specialis, & singularis ejusdem generis.

Sed tanquam generale efficiens, non speciale, aut singulare.

Ex. Refut.

Deus nullius mali causa est. E. neque injuria.

Angeli nullius rei creatores esse possunt. Cum creare, infinitæ sit virtutis, proindeque solius Dei propria. E. animæ non creantur ab intelligentiis, aut Angelis. Ut Avicenna, & nonnulli alii credidere.

Intellectus contemplativus non est causa progressionis animalium. Quia hic intellectus non pertinet ad actionem ullam; sed ad solam contemplationem. Arist. 3. de Anima, cap. 11. Quo modo possunt agere per lumen Sydera? si lumen sola est imago rei. Species enim non agunt in sensum. Scaliger Exercitat. 76. s. 1.

Ex. Confirm.

Deus causa est omnis boni. Ac proinde etiam summi

*summi boni, seu felicitatis.* Arist. 1. Ethic. Nicom. cap. 10. Iridémque differit Plato in Epinomid. *Deum bonorum omnium causam, cur non etiam maximi, nimirum prudentiae, causam arbitremur?* Ac consimiliter D. Augustinus lib. 3. de lib. arbit. argumentatur, *Quicquid tibi, verà ratione, melius occurrerit, scias fecisse Deum, tanquam bonorum omnium conditorem.* In quibus argumentis, ubi Deus dicitur causa omnis boni, vel summi boni, non id intelligitur de omni, simpliciter, tum creato, tum increato; sed secundum quid, i. e. de bono producto, seu creato: Cum Deus ipsemet sit etiam quoddam bonum, & summum bonum: nihilque sit sui ipsius causa.

Lucius Florus lib. 4. cap. 10. de bello civili inter Caesarem, & Pompeium loquens, ait, *Causa tantae calamitatis, eadem quae omnium, nimia felicitas.*

*Omnis corruptio à contrario fit.* Igitur ea viventium mors, quae naturalis dicitur, quandoquidem corruptio quaedam est, reverà à contrario fit. Colleg. Conimbric. lib. de vitâ, & morte.

*Quum omnes voluntarii motus, quales manus sunt, à musculis fiant.* Hi utique primum motionis organum manus erunt. Galen. 1. de usu part.

*Caliditas ab astris, lumenque ideo fit, quia aer eorum motione fricatur.* Motus enim & ligna, & lapides, & ferrum ignire solet. Arist. 2. de Caelo cap. 1. text. 42. Cui tamen ego hîc non assentior.

## II.

*Ab efficiente specialis effecti, ad efficientem sui singularis. Num hoc sit efficiens speciei huius singularis, an nullius ejusdem speciei?*

Can. Refut. ac Confirm.

1 Quod nullius cuiusquam speciei efficiens est, id neque est efficiens singularis propositi ejusdem speciei. Et, 2 Efficiens speciei, vel omnium ejusdem speciei, est etiam efficiens cujusvis sui singularis.

Tanquam sc. speciale efficiens.

Ex. Refut.

Deus nullius injustitiæ causa est. E. neque injustitiæ Pharaonis.

Natura non est causa habitus justitiæ. Neque igitur justitiæ Catonis.

Ignis elementaris non urit aërem contiguum: si minus non urit. Scaliger Exercitat. 9.

Ex. Confirm.

Omnis febris tertiana causa est, bilis exuberans. Est morbus hujus agri est febris tertiana. E. fit à bile exuberante.

Concordiâ respública florent, discordiâ dilabuntur. E. hæc resp. concordiâ florebit; discordiâ dilabatur.

Plutarchus narrans corpus Alexandri M. suaviter spirare solitum, In causâ, inquit, fuit forsassis fervidum & igneum corporis ejus temperamentum. Gignitur enim odoris suavitas, concoctis à calore humiditatibus. Uti putat Theophrastus: quapropter aridi ac fervidi tractus Orbis plurima optimaque aromata ferunt. In vitâ Alexandri.

Artic. II. Ab efficientibus Inferiorum Effectuum.

I. Ab

## I.

Ab efficiente speciei ad efficientem generis. *Utrum efficiens propositum generalis effecti, sit efficiens omnium specierum illius generis, annon alicujus.*

Can. Ref. ac Confirm.

1 Quod alicujus speciei non est efficiens, id neque efficiens est generis ejus, seu generalis effecti. Et, 2 Efficiens omnium specierum, est efficiens generis earum. Sive, Si omnes species unius generis, efficientes sunt specialium effectuum, earum genus efficiens erit generalis effecti.

Ex. Refut.

*Natura non est causa virtutis Temperantia. E. neque virtutis moralis in genere.*

*Parvitas non est causa corruptionis. Inter lapillos enim diutius Adamas, quam saxum durat. Scaliger Exerc. 204. sic refellit Cardan.*

Ex. Confirm.

*Prudentia, Justitia, Temperantia, Fortitudo, generantur ex consuetudine moderatarum ejusmodi actionum. E. virtus moralis gignitur ex crebris moderatis actionibus moralibus. Sic Galen. probat ab iuductione specierum, Corporis temperamentum esse causam morum, seu dispositionum naturalium, fuso argumento. Lib. Quod mor. an. seq. temperament. corp.*

Ex. Confirm. Instrum.

*Oculus est instrumentum visionis; stomachus, concoctionis;*



concoctionis; pulmo, respirationis; cerebrum, intellectus; itemque reliqua membra suarum operationum. E. omnia corporis membra sunt suarum operationum instrumenta.

II.

Ab efficiente singularis effecti ad efficientem speciei. *An omnia singularia huius speciei, efficientes sint singularium effectuum ejusdem speciei; an quoddam non alicujus.*

Can. Ref. ac Confirm.

1 Si aliquod singulare non est causa alius singularis effecti, neque ejus speciei causa erit specialis effecti, vel omnium ejusdem speciei. Et, 2 Efficiens omnium singularium unius speciei, est efficiens ejusdem speciei.

Ex. Refut.

Cræsi divitiæ non fecere ipsum felicem. E. Divitiæ non sunt causa felicitatis.

Sic Aristot. exemplis argumentatur, Coapparitionem stellarum errantium, vel inter se, vel cum fixis stellis, non esse causam Cometa. Contra Anaxagoram, & Democritum 1. Meteor. cap. 6. text. 13.

Ex. Confirm.

Quotidianis exemplis seu experimentis notum est, notum esse causam caloris.

Corpora cælestia in hunc inferiorem mundum egere, & multorum in eo effectuum causam esse, manifesta docet experientia. Siquidem videmus  
Solis

*Solis motum asferre quadripartitam anni distincti-  
onem. Unde calorū, ac frigorū vicissitudo; &  
rerum generatio, obitusque existit. Conspicimus  
item quadam astra, suo ortu, vel occasu, incerto  
aspectu, vel congressu, sterilitatem, aut ubertatem  
terræ; tranquillitatem, aut procellas mari inve-  
here; & ad inducendos, vel sanandos morbos plu-  
rimum habere momenti. Ut Luna etiam effectus  
omittam: quam Aristoteles minorem Solem vocat,  
lib. 4. de Generat. c. ult.*

*Crebra iusta actiones fuerunt causa habitus ju-  
stitiæ in Catone, Aristide, & aliis iustis viris. E.  
crebra iusta actiones sunt causa habitus iustitiæ.*

*Ex. Confirm. Instrum.*

*Affryii, Persæ, Græci, Romani summa imperia  
adepti sunt militari virtute. E. ea est instrumentum  
acquirendi magnum imperium.*

Hujusmodi argumentatio procedens à singularibus  
caussis ad earum specialem; aut à specialibus ad ge-  
neralem, ut in superiore loco, Inductio caussarum  
est. Inductiones autem aliæ necessariæ sunt, aliæ  
probabiles tantum: necessariæ sunt illæ in quibus  
omnes species, aut omnia singularia inducuntur, ubi  
sunt determinati numeri: aut omnia sunt prorsus  
similia, & diversitatem pati non possunt: ut præser-  
tim in Mathematicis: aut ratio sufficiens sit ad na-  
turam communem. Illæ verò Inductiones, in qui-  
bus nec singularia omnia induci possunt; nec prorsus  
similia sunt; nec ratio sit ad communem natu-  
ram, omnes probabiles tantum sunt. Aliæ quidem  
minus, aliæ magis: ac quædam tam propinquæ ne-  
cessariis, ut pro necessariis habeantur: quæ sunt il-  
larum rerum, quæ semper observatæ sunt esse similes,  
sine exemplo contrario: tamen omnia earum sin-  
gularia impossibile sit inducere. Cæterum, Inducti-  
onis naturam qui plenius cognoscere velit, legit Fra-  
castorium

libellum de eadem, lib. 2. de Intellectione, & libello de dieb. criticis, ubi eam optimè docet. A quo nos quæ suprâ diximus, didicisse fatemur. Quæ quidem doctrina de Inductione à Fracastorio tradita, etiam posthac in Logicam inseratur, ad eam locupletandam : Logici enim scriptores omnes de eâ nancè ac miserè docent.

*Quinetiam non solum à multis singularibus, aut exemplis confirmatur causa efficiens speciei; sed nonnunquam etiam à uno singulari, vel exemplo causa, saltem probabiliter.*

Quod genus argumentationis Aristoteles 2. poster. 1. vocat Exemplum; & 1. poster. c. 1. part. 3. & 1. rhet. c. 2. docet esse speciem quandam Inductionis.

*Exempla.*

*Vim Annibalis, hyberna solverunt, & Indomitum illius viribus, atque Alpibus virum, enervârunt fomenta Campaniæ. Effeminat animos amœnitas locorum nimia; ut dubiè aliquid ad corrumpendum vigorem potest regio. Seneca epist. 57.*

Aristoteles probat exemplo Marci civis Syracusani, quid calor causa sit poeticæ facultatis. Quia præstantior poëta fuit, quam mente alienaretur. Problem. s. 3. problem. 1.

**Artic. III. De loco ab efficientibus contrariorum, vel à contrario efficientis.**

**I.**

*Inter omnia verò Cognata maxime spectare oportet : & videre, an contrarium*

*rium efficientis propositi (si modò habeat contrarium) sit efficiens alterius contrarii effecti, ánon.*

Hic enim locus validissimus est ad efficiens arguendum, tum infirmandum, tum confirmandum.

### **Axioma efficientium contrariorum.**

*Contrariorum efficientia sunt contraria.*

Quod multis in locis tradit philosophus : ut 5. Polit. c. 8. ubi ait, Τῶν ἐναντίων, τὰ ἐναντία ποιεῖν. Et 2. Rhet. cap. 4. Διῶμις ἢ ἐναντίων, ἐναντία. Item 2. de Generat. & Corrup. cap. 10. text. 8. Τῶν ἐναντίων ἄλττα, τ' ἀναντία. Rursusq; eod. cap. Τῶν ἐναντίων, τὰ ἐναντία ἄλττα. Conferat etiam qui volet, 2. Topic. 3. 4. Et 2. de Generat. & Cor. c. 3. & 10. Quæ axiomata intelliguntur de causis efficientibus per se, non per accidens. Alioquin idem potest esse causa contrariorum : unius quidem per se; & alterius, per accidens : ut frigus, quum per se refrigerat corpus ; & per accidens calorem cogens in interiora, calorem auget : unde sæpenumero febres accendit. Itaque contraria possunt esse causa unius effecti quum unum eorum agit per se ; alterum, per accidens. Quod asserit philosophus, Sect. 3. problem. & probat exemplo : quia uritur & à calore, & à gelu, ubi calorem in herbis coëgit universum. Idem docet Thomas multis in locis. Præterea, ob materię dissimilitudinem persæpe evenit, ut eadem causa contrarios producat effectus : sicuti Sol lutum indurat & ceram emollit.

Axioma suprà traditum valet tum ad refutationem,

tem, tum ad confirmationem causæ. Quapropter  
nobis idem in duos Canones Refutationis, ac  
Confirmationis distribuire.

Can. Refut. ac Confirm.

1 Si contrarium unum non est effici-  
ens unius contrariorum effectuum, neque  
alterum erit efficiens alterius.

2 Et, Si unum contrariorum est effici-  
ens unius contrariorum effectuum, alte-  
rum quoque erit efficiens alterius.

Ex. Refut.

Natura improba non est causa habitus vitii. E.  
neque proba natura causa est habitus virtutis.

Generatio non fit congregatione. Quoniam etiam  
interruptio segregatione fieri debeat. Arist. 1. de Ge-  
nerat. cap. 2. text. 13. contra dogma Democriti.

Senes videas corpore bene compacto, alios valde  
leues; fuscis, candidos; lividos, rubicundos; ni-  
vum, rugosos; parvos, magnos; macros, pingues.  
Hinc ergo haec causa longevitatis. Scaliger Exerci-  
t. 270.

Simplum visile, quanquam geminam speciem ad  
oculos mittit, tamen non videtur geminum. Cujus  
rei causam, Cyrvellus lib. 1. Perspect. Vitellio lib. 3.  
aliique non pauci, referunt ad concursum nervorum  
quorum. At verò falluntur. Etsi enim nervi  
dissociantur (quod aliquando accidisse, experientia  
anatomicâ compertum est) tamen simplum objectum  
non videtur duplum.

Ex. Confirm.

Vitium causa est misera vita. E. virtus, beata.

Animus sibi malè conscius indicibilium dolorum, ac  
miseria causa est. E. e contrario, bona conscientia incredi-  
bilem.

lem adfert tranquillitatem, & beatitudinem.

*Concordiâ respúblicae florent. E. discordiâ dilabuntur.*

*Si res duobus concrescunt, frigore, & siccitate; calore, & humore solvantur, est necesse. Philosophus 4. Meteor. cap. 10 text. 16. Itémque cap. 11. text. 4.*

Theophrastus 2. de caus. plant. cap. 10. postquam mutationum plantarum in melius, causas exposuerat, inde concludit, *Mutationum in deterius causas, prædictis esse contrarias constat.*

#### Artic. IV. Loci à Comparatis Efficientis.

S. I. A Comparatis in Quantitate: quæ sunt Majus, Minus, & Paria.

##### L

A Majori ad absolutum. *Nam hujus majus efficiat majorem effectum, annon?*

Can. Refut. ac Confirm.

1 *Cujus majus non est efficiens majoris effecti, tale non est efficiens talis effecti. Nam, Majus efficiens majorem efficit effectum.*

Aut enim utrumque est efficiens utriusque, aut neutrum alterius.

2 *Cujus majus est efficiens majoris effecti, tale est efficiens talis effecti.*

Vel, *Si majori posito, necessario fit aliquis major effectus, tale est efficiens talis effecti.* Namq; idem est efficiens absoluti effecti, & majoris, aut minoris: ut, idem absolutum est causa vitæ, ac vitæ diuturnæ, aut brevis; sc. humidum, & calidum innatum.

Ex. Refut.

Ex. Refut.

Si Sol & Luna marinos aestus concitant, utique maximè sub Torridâ; ubi eorum vires potentissimæ sunt. Atqui in parvi admodum contingunt aestus: ut sub ipso Equatore, & totâ Guineæ orâ, omnique illo Tractu Australi & Occidente Africæ: itémque universâ orâ Americæ & regione illi oppositâ. E.

Quâ de causâ qui mari natant, ventre salubriter evacuantur? haud enim quia laborant. Nam qui curriculo eunt, vehementer elaborant, sed tamen non ita evacuantur. Arist. problem. sect. 23. 39.

Etiâ non sunt causa Niliaci incrementi. Quare enim hinc non crescit? & tunc potest ventis concitari mare, aliquanto majoribus: nam Eticiæ temperati sunt. Seneca Natur. quæst. cap. 2.

Falsum est, Serpentum stercus propter siccitatem bono odore esse. Quid siccius candido Gallinæ stercore? Quid Canino? Quid Muris? Quid Lacerti? Nihil olent. Scaliger Exercitat. 89. sect. 2.

Ex. in causâ Instrumentali.

Si magnæ attrahit ferrum propter similitudinem magnetis cum ferro (quod Avicenna aliique credidère) utique magis attraheret Magnes Magnetem; & ferrum, ferrum: quia similia sunt. At ea non magis trahunt. E.

Leo, qui longè quàm struthio calidior est, ferrum concoquere nequit. Non igitur struthio vi sui magni caloris ferrum concoquit. Ut asserunt quidam. Quos hoc argumento confutat Alexander Aphrodis. præf. problem.

Temerè scribis (Cardanum alloquitur) à Serpentibus etiam senectam propter siccitatem. Nam longè sicciores arbores corticem nullum mutant. Non Cantharides, quæ inter insecta siccissimæ. Scaliger Exercit. 189. Idémque alia similia argumenta affert, Exercitat. 180. l. 3. & Exerc. 274. & alibi.

Ex. Confirm.

Noctes plenilunii tepidiores sunt. E. Luna etiam calefacit.

*Halitus in terrâ conclusi, & erumpere conitentes causa sunt terramotus. Regiones enim omnes quæ subterraneas partes concavas, & fistulosas obtinent, cum maiorem spiritus copiam in se cohibeant, crebrius moventur. Arist. 2. Meteor. cap. 15. text. 8. Idemque probat à temporibus anni, quando maiores halitus in terrâ existunt. Eod. cap. text. 7. Sic idem probat calvitiæ causam, 5. de Generat. animal. c. 5.*

## II.

*A Minori ad absolutum. Num huius minus efficiat minorem effectum, ánnon.*  
*Can. Refut. ac Confirm.*

*1 Minus efficiens minus efficit. Vel, Si minori posito, non fit minor effectus, neque tale efficit talem effectum.*

*2 Et, Cujus minus, causa est minoris effecti, id tale est causa talis effecti. Vel, Si minori posito, minor fit effectus, id tale causa est talis effecti.*

## Ex. Refut.

*Si thermæ calefierent à Sole (ut quidam arbitrantur) unq; hyeme, quando Sol eas minus calefacere potest, minus feruescerent: at tunc nihilominus feruescunt. E. non à Sole.*

*Cardanus asseruit marinas aquas à Sole duci. Quem refellit Scaliger Exercitat. 52. Quia ad Boream (ubi Solaris vis remissior est) tamen vehementissima sunt: velut ad Terram Laboratoris.*

## Ex. Confirm.

*Quibus minus calidi, & humidi innati inest, is brevior est vita. E. vita consistit in calido & humido nativo.*

*Sic Aristoteles ratiocinatur, Ambiens calidam causa est putredinis. Nam tempore hyemis, res minus putrescunt, quam*



quàm æstate : quia hyeme circumdans corpus, ut aer, aut aqua, parum caloris retinent : ideoque exiguas vires habent ; æstate uerò plus. 4. Meteor. cap. 1. text. 16.

## III.

A Pari. Num alterum par sit efficiens alterius paris effecti, necne.

Can. Refut. ac Confirm.

1 Si unum parium non est efficiens unius parium effectuum, neque alterum sit efficiens alterius. Quia, Parium pares sunt causa.

2 Et, Si unum causa est unius, probabile est, alterum quoque esse alterius.

Ex. Refut.

Si Etesiae causa essent Niliaca inundationis in Ægypto, oporteret alia quoque flumina quaecunque Etesis obnoxia sunt, idem quod Nilus, pati. Sunt autem multa flumina, quae tamen nihil tale patiuntur. Non igitur illius inundationis causa sunt. Hoc argumento Herodotus lib. 2. cap. 2. Et Diodor. Siculus lib. 1. confutant illam Thaletis sententiam.

Si magnes attrahit ferrum propter substantiae similitudinem cum ferro, oporteret etiam lapides arcus aq. trahere et, & ceteros lapides metallares, similia metalla. At non trahunt. Neque igitur magnes ferrum trahit ob substantiae similitudinem. Ut multi philosophi credidère. Quae opinio Platoni, Aristoteli, Galeno, & Avicennae tribuitur : & ratione modò dictâ à quibusdam philosophis coarguitur.

At, ob calorem sub terram hyeme repercussum, nives ferre fecunditatem. Verùm non est ea causa. Eandem enim consequerentur arua utilitatem ab aere frigida ob-

*fidente, atq; intus æquè calorem cohibente. A dversus Cardanum & Caliger Exercitat. 54. f. 2.*

*Ex. Confirm.*

*Luna lumen accipit à Sole. E. & reliqua astra nihilo-secius lumen ab eo accipere videntur.*

*Auditus, & tactus fiunt per receptionem specierum suorum objectorum. E. & visio pariter fieri videtur per receptionem specierum rerum visibilium.*

*Sensus sentit per species sensibiles. E. intellectus æquè intelligere videtur per species rerum intelligibilium.*

*Homines temperanter agendo fiunt temperantes. E. non minùs justè agendo fiunt justì.*

## S. 2 A comparatis in Qualitate, i.e. à Similibus.

### I.

*A similibus, vel, ab efficientibus similium. Sitne hujus simile efficiens alterius similis effecti, annon.*

*Can. Refut. ac Confirm.*

*1 Si unum verisimilium non est efficiens unius similibus effectuum, neque al-  
rum erit efficiens alterius. 2 Et, Si unum  
est unius, alterum quoque erit alterius.  
Similium enim efficientia sunt similia.*

*Quod docet Aristoteles 1. Rhet. cap. 4. ubi ait,  
Ἀπὸ τοῦ ὁμοίου, τὰ ὁμοία γίνονται πείσσειν.  
A similibus similia fieri apta nata sunt.*

*Ex. Refut.*

*Non faciunt equum meliorem aurci fræni: nec homi-  
nem meliorem, fortunæ ornamens. Sen.*

*Simile argument. est 1. Meteor. c. 8. text. 2. Vian  
laſſeam*

laetam non fuisse combustam à Sole, quem per eum circum aliquando ferri dicunt. At illud perabsurdum est, non animadvertere, si ea foret causa, Signiferum quoq; haud aliter affectum esse oportere. Atque non pauca talia argumenta à simili occurrunt apud eundem philosophum.

Homo, ait Cardanus, est crudelis, & dolosus, quia est calidissimus, & humidissimus. Talis autem est Aries, Hædus, Verres: quæ tamen animalia, neque crudelia, neq; dolosa sunt. Scaliger Exerc. 274.

Si Succinum calore attrahit festucam, cur alia etiam plurima corpora, igne, Sole, aut attritu calefacta, non attraherent? Gilbertus lib. 2. de Magnet. cap. 2.

Ex. Consim.

Sicut ædificando, ædificatores; citharâ canendo, citharædi efficiuntur; ita quoque iusta agendo, iusti; temperantia, temperantes; fortia, fortes evadimus. Arist. 2. Ethic. Nicom. cap. 1.

Quod tam defectus, quàm excessus corrumpat virtutem, confestim in exercitiis hoc videt quispiam: quæ si excedunt, robur affligunt; sin deficiunt, eodem modo habent: idem in cibo, potuque evenit, &c. His consimile evenit in temperantiâ, & fortitudinè, reliquisque virtutibus, &c. Philosophus 1. mag. moral. c. 6. Eodémque arguitur 2. Ethic. Nicom. cap. 2.

Ut in præliis, transitus fossarum, etiam si admodum parvi sunt, interrumpunt ordines: ita & in civitate, dissimilitudo omnis videtur disjunctionem facere. Arist. 1. polit. c. 8.

Sic idem philosophus probat causam terræmotus esse statum in terrâ, à simili causâ tremoris in corpore humano. 2. Meteor. c. 15. ext. 10.

Itémque Seneca probat terræmotuum causas, à similibus, 1. nat. quæst. c. 11. Et Lucretius varias tonitru causas lib. 6. Et sic Vitruvius lib. 1. venti causam ab Eolopilis æreis.

Belgæ fortissimi sunt Gallorum, quod cum Germanis coniuenter bellum gerant. Quâ de causâ Helvetii quoq;

reliquos Gallos virtute procedunt; quod ferè quotidianè praliunt, cum Germanis contendunt; quum aut suis finibus eos prohibent, aut ipsi in eorum finibus bellum gerunt. Cæsar lib. I. de bello Gallico.

Atq; ex hoc Loco ac Canone innumerabiles causæ apud autores confirmantur. Sed probabiliter tantum, non necessariò.

### S. 3. Loci à Comparatis in probabilitate.

*Comparatis in quantitate, & in qualitate, non inutile fuerit subtexere Comparata in probabilitate. Quæ sunt quod magis, vel minùs, vel aequè videtur esse rei causæ.*

#### I.

Ab efficiente magis verisimili.

Can. Refut.

*Quod non potest efficere id quod verisimilius est, nedum efficit quod minus verisimile est.*

Estque hic Locus à minori ad majus: verisimilius enim est quidpiam causam esse minoris, quàm majoris. Et valet ad refellendum duntaxat.

Ex. Refut.

Nemo adeo stultus est, ut credat casu lapides, aut ligna in domibus formam coalescere posse; aut ex jactis forè literis elegantem orationem, aut poema extitisse. Multò minùs credibile est, Mundum conditum fuisse, atomis casu in unum concurrentibus. Uti credidit Democritus.

Animalia, & planta non sunt à casu. Nedum Cælum, ac Mundus casu fuit conlitis. Quo arg. Aristoteles re-

fellit

scilicet Democritum, 2. Phys. c. 3. text. 45. Idemque repetit 1. de part. animal. cap. 1.

Sol non potest è putri generare Leones, Elephantes, aut alia perfecta animalia. Multo minus hominem. Ut Avicenna lib. de Diluvio, alique quidam philosophi existimârunt. Tali argumento utitur Lucretius lib. 6. de causâ nocturni fervoris fontis Ammonii. Qui quæ, &c.

## II.

### A minus probabili.

Estque hic locus à majori ad minus : quia causa majoris minus verisimilis est, quàm minoris. Et valet ad confirmandum tantum.

#### Can. Confirm.

*Quod est causa rei minus verisimilis, magis videtur esse causa rei magis verisimilis.*

#### Ex. Confirm.

Dens causa est hominis. E. multo probabilius, musca, & vermiculi.

Sol generat rivas in nubibus. E. multo magis interrat.

## III. Ab æquè verisimili.

### Can. Refut. ac Confirm.

1. Quod non est causa unius æquè verisimilium, neque videtur esse causa alterius. 2. Et, Quod est efficiens unius earum, æquè videtur esse efficiens alterius.

#### Ex. Refut.

Plinius lib. 2. ait, Solem ardoris vehementiâ mari in-  
cognere saporem salis. Quod non est verum. Idem enim  
non minus fieret in aliis aquis, Solis æstus æquè expositor  
us,

ut in lacubus, aut in pelve. Atqui id ibi neutiquam accidit.

Ex. Confirm.

Seneca probat causam parelii. Num quis nostrum miratur, inquit, si Solis effigiem in aliquo fonte, aut placido lacu videt? Non, ut puto. Atqui tam in sublimi facies ejus potest, quàm inter nos reddi. 1. nat. quæst. cap. 11.

Causa Niliacæ inundationis, æquè probabiliter probari potest à causâ inundationis fluminis Nigri in Africa, & fluvii Amazonum, in Americâ: quod utrumque flumen exundat prope ostia, in æstate: quia circa fontes eorum maximæ ac diuturnæ pluvie cadunt, ubi eodem tempore hyems est.

## Artic. V. Loci compositi è binis Cognatis Efficientis.

I.

Ab utroque contrario posito.

Can. Confirm.

*Quo posito fit aliquis effectus; ejusque contrario posito, fit alter contrarius, illud est causa illius effecti.*

Vel, Si utrumque contrarium positum necessario consequuntur contrarii effectus; illud est causa illius, & hoc hujus.

Ex. Confirm.

Ut procul cernatur, motusque à longinquis visibilibus deveniat, causa est situs oculorum. Quæ enim (animalia) oculis prominentibus sunt, procul cernere nequeunt: quæ contra, intus in cavo oculos habent positos, longè aspicere possunt: quoniam motus in vastum non dissipatur, sed recto tramite meat. Arist. 5. de Generat. animal. c. 1.

Homines (ait Cic. 2. de Offic.) eos viros suspiciunt, maximisque efferunt laudibus, in quibus existimant se excellentes quasdam, & singulares virtutes perspicere: despiciunt

despiciunt autem eos, in quibus nihil virtutis, nihil animi, nihil nervorum putant. E. causa maxima laudis, & admirationis, sunt excellentes virtutes.

Improbi misere vivunt; & contra virtuosus, beate. E. virtus est causa beatæ vitæ.

Oves quædam in lætis pascuis bis parere solent quotannis: eadēque in minis lætis, aut sterilibus, semel duntaxat in anno pariunt. Unde constat hoc provenire magis ab ubertate pascuorum, quàm ab ovium natura. Olivarius Serranus lib. 4. cap. 13. Theatri Agricultur. Gallico sermone conscripti.

## II.

A Majori & Minori posito.

Can. Confirm.

Si majus est causa efficiens majoris effecti alicujus, & minus minoris; id tale est efficiens talis effecti.

Vel, Quo majori posito, major sit effectus, & minori posito, minor; id absolutum est efficiens talis effectus.

Ex. Confirm.

Quibus animantibus plus calidi, & humidi innati sunt, ea longæviora sunt; & quibus minus, ea brevioris vite sunt. E. vita consistit in calido, & humido nativo.

Res magis putrescunt in locis, ac temporibus calidioribus, & contra, minus in frigidis. E. ambiens calidum causa est putredinis.

Ex hoc ipso Loco causa nonnunquam etiam refellitur, juxta hunc Canonem.

Can. Refut.

Efficiens majus majorem efficit effectum, & minus minorem.

Ex. Ref.

## EX. Refut.

*Etesia non sunt causa Niliaca inundationis in Egypto. Nam quare non fit major, quod illi fluerint vehementius? nec remittitur incitaturque, prout illis impetus fuit? quod fieret, si illorum viribus crederet. Seneca nat. quaest. cap. 2.*

*Si aqua thermarum à Sole incalescerent, utique augeretur earum calor aestate, & remitteretur hyeme: quod non ita se habet. E. Sol non est illius fervoris causa. Contra placitum quorundam, Et inter eos Rhentivoli 2. cap. libelli de causis proprietat. element. vulgo Aristoteli perperam ascripti.*

*Atque hi sunt Loci compositi Efficientis à cognatis, quibus auctores potissimam utuntur. Possunt similiter nonnulli alii, uti opus fuerit, conjungi: ut, à duobus paribus, à binis similibus. Quos cum facile factum sint, relinquo prudentiae utentis.*

**Hactenus de Examine Efficientis dictum est.**

**CAP.**



## CAP. III.

DE RATIONE  
examinandi Finem.

## SECTIO I.

DE LOCIS A SPECIALI-  
bus Affectionibus Finis.

## Articulus I.

Loci à Conditionibus Finis prærequi-  
sitis ad finalem causationem.

*Expositum est examen causæ efficientis:  
restat inter causas externas Finis.*

Quicquid fit, finis gratiâ fit : omne enim agens  
est propter aliquem finem : dum enim operantur  
agentia expetunt bonum : ad quod, vel seipsa diri-  
gunt, ut cuncta, & sola intellectualia agentia ; vel  
à alio intelligente agente diriguntur ; at cætera  
tendunt in finem ab alio directâ : sive ferantur  
in ipsum, aliquâ notitiâ præeunte, ut brutæ ani-  
males ; sive nullâ, ut arbores, & elementa. Ten-  
entur autem hæc directâ & impulsâ à motore primo,  
scilicet à Deo ; eo modo quo sagitta dirigitur in scopum  
à sagittario, aut globulus à sclopetario : utque sa-  
gitta,  
A

Sitta, aut globulus ad scopum attingendum, impetum recipit ab eo, à quo emittitur; ita agentia naturalia consequuntur propensionem ad suos fines à Deo, à quo formas, & virtutes ad proprios motus obeundos sortiuntur. Unde opus naturæ dicitur opus intelligentiæ. Estque Finis prima caussarum, & causa caussarum dicitur. Sic Galenus lib. 6. de usu part. ait, primam agendorum causam, scopum actionis existere: quia nullum agens agit nisi prius motum & excitatum à fine; & propter finem materiæ formam inducit; & finis causalitas causalitates omnium aliarum causarum origine antecedit. Diciturque etiam potissima caussarum: quoniam reliquæ causæ sunt propter ipsam. Ut advertit Averroes. Non immerito igitur Avicenna lib. 6. Metaphys. disputationem de finibus omnium præstantissimam judicavit. Nec sanè minus utilis ac necessaria est finis consideratio ac cognitio in rebus agendis, quàm excellens & jucunda in contemplandis. Nimirum quemadmodum sagittarii & sclopetarii scopum intuentes, ad eum rectius collimant; consimiliter actiones nostras ad verum eorum finem melius dirigere possumus, ubi eum prænoverimus. Quapropter Aristot. i. Ethic. Nicom. cap. 2. ad vitam nostram rectè instituendam, cognitionem finis ejusdem maximi momenti esse asserit: & poeta prudenter monet,  
*Quicquid agas, prudenter agas, & respice finem.*  
 Et Arabico proverbio jactatur,  
*Prudentissimus hominum, qui fines respicit.*

## LOCI A SPECIALIBUS Finis Affectionibus.

I. A conditionibus ad finalem causationem prærequisitis: ut, i. *A bonitate*

ate finis. 2 *A primâ cogitatione.* 3 *A cognitione.* 4 *Ab agentis appetitu finis per se.* 5 *A prioritate finis ante medium in intentione.*

II. Loci ab affectionibus finis, quâ  
am finis est, vel quâ intentus est.

§.1. Respectu Agentis.

*A finis motione agentis ad agendum, ipsum consequatur.*

§.2. Respectu Medii, qua-  
lis sit.

1 *A finis indigentia medi.* 2 *Ab aptitudine vel utilitate medi ad finem.*

3 *A proportionem dignitatis finis ad me-*  
*di.* 4 *A non intentione finis, & me-*

5 *Ab intentione finis, ac medi.*

6 *A cessatione intentionis finis ac medi.*

7 *Ab identitate medi, seu non contra-*  
*rietate mediorum ejusdem finis.*

§.3. Quæ finis quâ intentus tri-  
buat medio.

1 *Atributione amabilitatis, seu ap-*  
*petibilitatis medio.* 2 *Atributione modi*  
*et mensura.*

III. Sunt Loci finis producti, quid  
A 2 fit,

fit, & qualis, & quæ tribuat agenti.

§. 1. Quid fit finis productus.

1 *A propria rei operatione.*

§. 2. Qualis fit finis productus.

1 *A non existentia medii, ac finis.*  
 2 *Ab existentia seu productione medii, ac finis.* 3 *Ab ordine seu executione medii ac finis producti.* 4 *A sublatione medii, ac finis producti.*

§. 3. Quæ finis productus tribuat agenti, & medio.

1 *A finis producti tributione perfectionis agenti, & medio.* 2 *Ab expletione appetitus agentis.* 3 *A cessatione operationis agentis.*

IV Tandem sunt Loci finis compositi è duabus ipsius affectionibus.

§. 1. Respectu finis intenti.

1 *A finis non intentione, & intentione.* 2 *Ab intentione, & cessatione intentionis.* 3 *A finis motione, & non motione agentis ad agendum.*

§. 2.

§. 2. Respectu finis producti.

1 *A non existentia, & existentia medi-  
dii, ac finis.* 2 *Ab existentia, & sub-  
latione medi producti, & finis.*

§. 3. Respectu ordinis finis in-  
tenti, ac producti.

1 *Ab ordine intentionis, & produ-  
ctionis finis, & medi.*

LOCI A COGNATIS FINIS.

I. Sunt à finibus superiorum: ut, 1 *A fine generis, vel generalis destinati.*

2 *A fine speciei superioris.*

II. A finibus inferiorum: ut, 1 *Spe-  
derum.* 2 *Singularium.*

III. A fine Totius, & Partis. 1 *A  
fine Totius.* 2 *A fine Partis.*

IV. A finibus contrariorum. 1 *A  
fine contrarii.*

V. A finibus comparatorum, in  
Qualitate, & in Probabilitate: ut,

1 *A fine similis destinati.*

2 *A fine magis probabili.*

3 *A fine minus probabili.*

4 *A fine aequè verisimili.*

VI. Denique, est Locus compositus à cognatis finibus : ut, *Ab utroque contrario.*

Locus I.

Locus primus finis examinandi, est à bonitate finis : *Itaque finis propositus examinandus est, annon sit bonum quid.*

Can. Refut.

*Omnis finis est bonum.*

Plato ait, *Omnem rem habere pro suo fine bonum.* Et G. Ienus consentit, cum inquit, τέλει ἐστὶ καὶ τὸ ἐστὶν ἐκείνου ἀγαθόν. Scholastici sic efferunt axioma, *Quicquid est finis, est hoc in quantum bonum.* Idem Canon negativè efformatur : ut, *Nullum malum cuiusquam rei finis est.* Quod est apud Scaligerum Exercitat. 254. Confirmatur Canon per experientiam, quæ ostendit neminem expetere quicquam, nisi sub ratione boni ; & malum, quâ malum est, appeti non posse ; atque iccirco nec esse finem. Idemque ratione comprobatur, quia bonitas omnium doctorum consensu, est proxima ratio quâ finis movet, atque eadem est quæ constituit finalem causam, dans illi, ut ita dicam, virtutem ad causandum : causalitas enim finis consistit in motione metaphorica voluntatis, quâ illam ad se allicit, quatenus bonum est.

Attamen finis non semper revera bonum est, sed quandoque apparenter tantum : ut constat experientia : quia sæpe movetur homo ad appetendum aliquid tanquam finem, quod revera non est bonum : ut improbas actiones, & pravæ voluptates. Quapropter

Propter Philosophus 2. Physic. cap. 3. text. 31. ait, Nihil refert, bonum ipsum dicatur, an quod appareat bonum. Ac consimiliter lib. 3. Ethic. cap. 6. Malum autem quâ malum, non posse appeti, docet etiam Seneca lib. 4. de Benefic. c. 17. ubi ait, Nemo est à natura lege adeo alienus, ut malum nisi sub aliquâ specie homini, possit appetere. Et Dionysius cap. 4. de divin. nomin. Nemo ad malum spectans, operatur. Sufficit autem ad appetitum agentis movendum & alliciendum, ut rem appetat tanquam quæ bonum quid illi videatur: quia voluntas appetit id quod intellectus judicat esse bonum: & idem judicium de apparente & existimato bono fertur, & æquè verum censetur; ac denique eodem modo repræsentatur seu propouitur voluntati. Porro, finis non solum est bonum, sed etiam per se bonum. Ut docet Philosophus 1. mag. moral. c. 2.

Ex. R. fut.

*Corruptio est malum: sicuti generatio ei opposita est bonum quid. E. corruptio non est finis naturæ per se.* Colleg. Conimb. in lib. de Generat. & Corr. quæst. 16. artic. 5.

Mors non est bonum quid per se. Proinde nullius rei causa finalis est. Idcirco Philosophus 2. Phys. c. 2. text. 13. reprehendens Euripidem, Poeta, inquit, ridiculè adductus est, ut diceret de mortuo quodam, finem habet cujus gratiâ erat genitus: non enim omne quod ultimum est, finis est, sed id quod optimum.

Scaliger refellit Cardanum existimantem hominem natum esse, ut esset animal fallax. Non enim, ait, malum ullum cuiusquam rei potest esse finis. Non igitur ejus finis erit fallacia, sed virtus. Exercitat. 254.

Carere malo duntaxat non est bonum. E. non dolere, non est finis hominis, aut beatæ vitæ. Ut asserit Hiero-

nymus apud Cic. lib. de finibus. In quâ sententiâ fuit Epicurus, qui finem bene beatèq; vivendi statuit esse, μήτ' ἀλγῆν καὶ σῶμα, μήτε ταραττέσθαι καὶ ψυχῇ. Non dolere corpore, nec animo perturbari, ut suum ipse dogma declarat apud Laert. lib. 10.

## II.

A principio cogitandi. *An agens de hoc primò cogitârit, necne.*

Can. Refut.

1 *Finis est principium cogitandi.*

Vel, *Agens primò cogitat de fine.* Arist. 2. Phys. c. 9. text. 69. *Finis*, inquit, est unde principium ducitur, non agendi, sed cogitandi. Idemque item, *Finis est principium actionum*, 1. Metaphys. cap. 2. & 1. Rhet. c. 7. & 6. Ethic. Nicom. c. 5. & 2. Ethic. ad Eudemum c. 6. Tale est illud axioma, *Omnis intellectus operativus incipit à fine.*

Ex. Refut.

*Non cogitavit de occideudo illo homine, quem globula tormentario transverberavit. E. non propter id globulum emisit.*

*Milesii piscatores, ut fertur, in mari piscantes offenderunt aureum tripodem, de quo ne cogitârunt quidem: Non ergo piscabantur ut illum reperirent.*

Can. Confirm.

2 *Id de quo primò cogitat agens in re quâvis agenda, est finis illius, & actioni.*

Ex. Confirm.

*Intemperantes primò cogitant de voluptate carum rerum quas intemperanter agunt. E. propter eas voluptatem agunt.*  
Medicus



Medicus curaturus agrum, primò cogitat de sanitate restituendâ. Quare ea est finis ejus, & curationis.

III.

Ab agentis intelligentis cognitione finis. *An hic sit ignotus agenti.*

Can. Refut.

*Finis est cognitus agenti.*

Vel, *Ignotum non est Finis.* Ut enim finis cauffer, necessarium omnino est, ut præcognitus sit. Estque hæc sententia omnium Philosophorum, ait Suarez 13. Disput. Metaphys. scilicet. 6. n. 2. Atque probatur ex modo caussandi hujus causæ: qui est metaphoricè movendo & alliciendo appetitum: in quo consistit causiilitas finis. Ad quod necessarium est, ut præcedat actus intellectus ad movendam voluntatem. Et, *Ignoti nulla cupido*, ut pervulgatum est: quia voluntas non potest ferri nisi in bonum cognitum. Quamobrem Philosophus 2. de Animâ cap. 10. ait, *appetibile non mouere, nisi mente, aut imaginatione perceptum.* Cui consentiunt ibidem omnes interpretes. In eadem sententiâ est D. Augustin. lib. 10. de Trin. c. 1, & 2. & alibi. Idemque asserunt multi alii auctores, quos omitto.

Cæterum, cognitio illa seu judicium requisitum, ut aliquid moveat agens tanquam finis, non semper verum est, sed sufficit ad movendum, si sit apprehensio alicujus bonitatis illius rei, vel veræ, vel apparentis. Ac satis est, si cognitio illa sit in agente dirigente, tametsi non sit semper in agente immediato, aut propinquo. Quæ verò non habent cognitionem non tendunt in finem, nisi directa ab aliquo cognoscente; sicut sagitta à sagittario, & globulus à sclopetario. Itaque quum agentia naturalia agunt propter finem, illius actionis finis est illis quidem

incognitus, sed cognitus auctori naturæ. Simile est in horologiis, aliisque operibus artis; quorum finis cognitus est eorum artificibus, non item instrumentis, & mediis.

Ex. Refut.

*Fossor dum terram fodit, casu reperit thesaurum sibi antea ignotum. Non igitur fodiebat ut illum reperiret.*

*Multæ insulæ in Oceano prius incognitæ, casu à navigantibus relectæ sunt: ut, Afores, Insula S. Helena, alique. Non ergo navigârunt, ut eas retegerent.*

#### IV.

*Ab agentis appetitu finis per se. Num hoc ab hoc agente appetatur, per se, necne.*

Can. Refut. ac Confirm.

- 1 *Finis ab agente expetitur per se.*
- 2 *Et, Quod ab aliquo per se expetitur, est ejus finis.*

Neque verò finem ea solùm appetunt, quæ agunt consultò, & per electionem (*ἐν προαίρεσι*) ut homines: sed etiam quæ agunt ex necessitate naturæ: ut res inanimatæ. Quarum appetitus, naturalis dicitur: nihilque aliud est, quàm innata propensio ad finem, sibi ab universi auctore, h. e. à Deo præfixum: Cæterùm, finis expetitur per se, quatenus finis est: alioqui quando medium est ulterioris finis, tunc non appetitur per se, sed propter aliud: ut sanitas expetitur & per se, ob bonitatem suam, tanquam finis; atque etiam ad actiones melius obcundas, tanquam medium.

Ex. Refut.

*Cato non expetebat gloriam, eam enim contempsit:*  
Non.

Non igitur gloria causâ justa egit.

Homines sapientes divitias expetunt, non per aut propter se, sed propter aliud: nimirum ad usus vitæ necessarios. Ergo illæ non sunt eorum finis.

Mors aut corruptio non expetitur à naturâ per se. Non ergo est naturæ finis.

Ex. Confirm.

Contemplatio veri, & actio virtutis ab homine expetitur per se. E. illæ sunt hominis fines.

Jucundum amicitia propter voluptatem esse videtur. Secundum enim affectum vivunt, & maxime expetunt & sequuntur jucundum ipsis & præsens, Arist. 8. Ethic. Nicom. cap. 3. context. 5.

Ipsius veritatis cognitio, adeo est amabilis, adeo desiderabilis, ut ipsum hoc vivere, & esse, propter cognitionem data videantur. Plutarch. commentar. ne suaviter quidem vivi posse sec. Epicuri decreta.

V.

A prioritate finis ante medium in intentione. Estne hic hoc ita prior, annon?

Can. Refut.

I Finis prior est suo medio.

Vel, Finis prior est eo cujus finis est. Nimirum quatenus finis est, i.e. quâ intentus, vel in intentione; non autem quâ productus: sic enim effectus est agentis, & medii, eoque posterior. Canon negativus est, Nullum posterius in intentione, est finis prioris.

Ex. Refut.

Vitæ conservatio prius à naturâ expetitur, quàm alimenta. E. non est vivendum ut edamus.

Boni non expetunt voluptatem bonarum actionum, antequam

requam has expetunt. E. non expetunt bonas actiones voluptatis causâ.

### Can. Confirm.

2 Quod prius est in intentione, est finis posterioris.

In eis nimirum quorum unum intenditur seu ordinatur ad alterum.

#### Ex. Confirm.

Ratione rectè uti, desideratur & appetitur prius quam Logica. E. id est finis artis Logica.

Primò expetimus felicitatem activam: quæ est actio virtutis: deinde, virtutem moralem. Igitur illa felicitas est virtutis finis.

Contemplatio rerum naturalium expetitur ante earum scientiam. E. illa est hujus gratiâ.

Victoria prius intenditur, quàm bellum. Illa igitur est finis belli.

Artic. II. Loci ab affectionibus finis, quâ intenti, vel quâ jam finis est.

#### §. I. Respectu Agentis.

##### I.

A finis motione agentis ad agendum, ut ipsum consequatur.

### Can. Refut.

#### I. Finis movet agens ad agendum.

Nimirum, ut finem producat, aut acquirat. Quæ motio dicitur metaphorica, itémque motus amoris ac desiderii: ex Aristotele 1. de Generat. ac Corrup. Quamobrem, ut scribit Scaliger Exercitat. 207. l. 25. Finis dicitur à Philosopho non verè movere, sed per metaphoram, id est, similitudinem verorum motuum. Et in

ista

istâ metaphoricâ motione, quâ appetitus agentis movetur, consistit causalitas, seu ratio cauſſandi cauſſæ finalis, uti suprà dictum est; non tamen respectu cuiuslibet agentis, sed creati tantum: ut probatur à Colleg. Conimb. in 2. Phys. c. 7. quæst. 21. art. 2. Canon aliter effertur: ut, *A sine ciatur agens ad agendum.* Apud Scaligerum Exercitat. 187. l. 5. Item, *Finis non est causa, nisi secundum quod movet efficientem:* ut apud Scholasticos.

Ex. Refut.

*Hic studiosus non movetur lucro ad studendum. Quare lucrum non est finis studiorum ipsius.*

*Boni non alliciuntur voluptate ad probas actiones agendas; sed honestate. Non ergo propter voluptatem eas agunt.*

Can. Confirm.

*2 Id à quo agens movetur ad agendum, ut ipsum consequatur, est finis actionis.*

*Sive, A quo agens allicitur ad agendum, id est actionis finis. Dixi ad ipsum consequendum; quoniam hoc proprium est finis, & in eo differt ejus motio, ab eâ motione, quâ cauſſæ impulsivæ, tum proëgumena, tum procatartica, movent agens ad agendum: quæ non movent ad se, sed ad aliud quidpiam, h. e. finem consequendum.*

Ex. Confirm.

*Studiosi moventur ad studendum, ut eruditionem sibi comparent. E. eruditio est finis studiorum.*

*Victoria movet homines ad bellum gerendum, ut eâ potiuntur. Itaque victoria est finis belli gerendi.*

*Lucrum allicit mercatores ad mercaturam exercendam. E. lucrum est mercaturæ finis.*

## §. 2. Respectu Medii, qualis sit finis.

I.

A finis indigentia medi. Num hic  
hoc indiget, necne?

Can. Refut.

I *Finis indiget medio.*

Nimirum ut acquiratur. Vel, *Medium necessarium est ad suum finem.* Vel, negativè, *Medium non est supervacuum ad suum finem.* Vel, *Quod altero non eget, ut acquiratur, non est ejus finis.* Quæ verò finis gratia sunt, alia sunt opera; alia verò instrumenta, docente Philosopho 2. Phys. c. 1. context. 29.

Ex. Refut.

*Cor non eget cerebro ad suum æstum refrigerandum, & temperandum:* quoniam assiduâ aëris inspiratione commodissimè refrigeratur. Non igitur cerebrum conditum est, cordis refrigerandi gratia. Est arg. Galeni lib. 8. de usu part. adversus Aristot.

*Quid tanto opus est instrumentis in optimis artibus comparandis? quid tanto concursu honestissimorum studiorum? tanto virtutum comitatu? si ea nullam ad rem, nisi ad voluptatem conquiruntur?* Cic. 2. de finibus.

*Nego propter stipitis tegumentum, stirpibus data folia; nempe munitus ille suo coriice satis est.* Scaliger Exerc. 177. f. 3. Idemque consimili argumento utitur Exerc. 254.

Can. Confirm.

2 *Quod alio quopiam indiget, ut acquiratur, hujus finis est.*

Scalig. Exerc. 250. f. 5. ait, *Si quid altero quopiam eget, & utrumque à natura factum est, hoc propter illud factum esse, necesse est.* Ubi voluit dicere, illud propter  
hoc.

hoc. Idem eadem Exerc. l. 3. Sine quo quicquam existere non potest in naturâ, id est illi necessarium, atque propter illud factum.

Ex. Confirm.

Homo animalium maximè omnium piloso capite est, ut frequentia pili caput operiens, defendat à nimio frigore, & calore. Cum enim cerebrum hominis proportionem maximum, & humidissimum sit, maximam etiam tutelam desiderat. Quod ibidem probat Arist. 2. de part. Animal. c. 14.

Cordis calor effervesceus eget inspiratione acris ad ipsum refrigerandum, & moderandum. E. hic finis est inspirationis animalium. Est Galeni ratio lib. 6. de usu part.

Motus cœlestium corporum, ut Solis, Lunæ, &c. necessarius est ad eorum influxus aptè dissipandos, atque temperandos. Quod inde patet, quia circumvectione, & vicissitudine lucis, aliis, atque aliis terrarum oris mirificè commodatur; & impeditur excessus frigorum, & calorum. E. propter hos fines motus Cœlo, & Solidatus est.

Uvæ teneræ egent foliis ad eas tuendas. Si enim demantur, uvæ aut à fervido Sole exurentur; aut à pluviaminiâ putrescent; aut à pruina enecabuntur. E. folia data sunt vitibus ad præsidium uvarum tenerarum. Quanquam secus videtur Scaligero, qui Exerc. 178. l. 3. ait, Folia ad decorem & spectaculum sunt, non ad præsidium.

Proprii habitus potentiarum animæ sunt propter operationem. Nam ad hoc relinquuntur in potentia, ex vi præcedentium actuum, ut illam facilem reddant ad similes actus. Alias enim supervacaneis essent habitus. Suárez 14. Metaphys. disput. sect. 5. n. 1.

Sic Aristoteles probat, Venas esse sanguinis gratiâ, tanquam ejus vas & conceptaculum. 2. de part. animal. c. 5.

## I I.

Ab aptitudine, vel utilitate mediū ad finem. *Nam hoc fini proposito aptum, & utile sit, annon?*

## Can. Refut.

1 *Medium est aptum & utile fini.*

Vel, *Quod tendit in aliquem finem, habet aptitudinem seu proportionem ad finem. Nihil enim tendit in finem non proportionatum. Uti docent Scholastici.*

## Ex. Refut.

*Pyramides Ægyptiæ non sunt idoneæ, & proportionatæ ad condendas fruges, tanquam horrea; quia nimis angustæ sunt intus. Quare non fuerunt conditæ ad fruges conservandas. Ut opinati sunt quidam illas ad eum finem à Josepho conditas fuisse.*

*Bovum ipsa terga declarant, non esse ad onus accipendum figurata. Cic. de nat. Deor.*

## Can. Confirm.

2 *Quod suâ naturâ utile est ad aliquid efficiendum, propter illud esse videtur.*

## Ex. Confirm.

*Inscribunt Philosophi sua nomina libris quos de contemneudâ gloriâ conscribunt. E. id faciunt, ut inde gloriam sibi comparent.*

*Si consideret aliquis universam Mundi administrationem, intelliget profecto, quàm vera sit sententia Stoicorum; qui aiunt, nostrâ causâ Mundum esse constructum. Omnia enim quibus constat, quæque generat ex se Mundus, ad utilitatem hominis accommodata sunt. Lactantius lib. de ira Dei 15.*

*Homo linguam absolutam, molliissimam, & latam, præcipue*



maximè habet, ut commoda ad utrumque officium sit : hoc est, ad sapores percipiendos, & ad literas exprimendas, & sermonem. Nam ad ea lingua mollis, lata, & absoluta accommodatior est. Aristot. 2. de part. animal. cap. 17.

Bovum cervices declarant natas esse ad jugum : tum vires humerorum, & latitudines ad aratra extrahenda. Cic. 2. de nat. Deor.

Non possumus per nos omnia agere. Alius in aliâ re est magis utilis ; Idcirco amicitia comparatur, ut commode commodum mutuis officiis gubernetur. Cic. orat. pro Roscio Amerin.

Quoniam hunc sexum (muliebrem) custodiae, ac diligentiae assignaverit natura, idcirco timidiorē reddidit, quàm virilem. Nam metus plurimùm confert ad diligentiam custodiendi, Columel. lib. 12.

Homo à naturâ præditus est erectâ corporis figurâ, ita ut ad intuentia sidera. Igitur natus videtur ad contemplationem corporum cælestium. Quam conclusionem inquit Cic. 1. de legibus, ubi ait, Natura figuram corporis, habilem & aptam ingenio humano dedit : nam quum terras animantes abjecisset ad pectus ; solum hominem erexit, ad cælique quasi cognationis, domiciliique pristini inspectum excitavit. Idemque cecinit Ovid. 1. Metam. illis præclaris carminibus,  
Pronaque cùm spectent animalia cætera terram,  
Os homini sublime dedit, cælumque tueri  
jussit, & erectos ad sidera tollere vultus.

Itemque Manilius 4. Astron.

—— stetit unus in arce  
brevis capitis, victorque ad sidera mittit  
opereos oculos, propriisque aspectat Olympum.

## III.

A proportione dignitatis finis ad id  
cujus est finis. *An hic non satis di-  
gnus sit.*

Can. Refut.

*Finis debet medio dignitate respon-  
dere.*

Finis & medium bifariam spectari possunt : uno  
modo simpliciter secundum suam absolutam enti-  
tatem, & naturam : altero, præcisè & relativè, pro-  
ut finis causât, & medium ab eâ causatur. Si illa  
priore modo accipiantur, causâ finalis interdum est  
suo medio nobilior, interdum non. Hæc assertio  
quoad priorem partem liquet, tum aliis in rebus,  
tum in intuitivâ divinæ naturæ contemplatione :  
quæ est nostrarum actionum finis, iisque longè præ-  
stantior ac diviniore. Quoad posteriorem partem pa-  
tet quotidianis exemplis : ut verbi gratiâ, quum quis  
gratiâ pecuniæ philosophatur, aut gloriæ causâ vir-  
tuosas operationes exercet, tamen philosophia pos-  
sessioni pecuniæ, & virtutis actiones gloriæ præ-  
stant. Sin utem de fine, & medio, posteriori modo  
loquamur, finis est nobilior suo medio. Omnis enim  
causâ est nobilior suo effectu ; quia præstantius est  
tribuere esse, quàm accipere, & non pendere ab alio,  
quàm pendere : at causare non est aliud, quàm in-  
fluere esse, & omne quod alicui esse confert, quâ  
ejusmodi, eo nobilior est. Itaque finis, quâ finis, est  
præstantior mediis. Quapropter ait Philosophus,  
1. mag. Moral. cap. 2. *In universum, semper id melius est,  
cujus gratiâ sunt alia.* Et similia dicit 3. Top. c. 1. &  
alibi. Quæ præstantia intelligitur quatenus finis est,  
& quâ media. Attamen debet finis etiam secundum  
suam

nam absolutam naturam, medio suo dignitate quadam enus respondere. Nobiliorum enim rerum, ut Hominis, Solis, &c. nobiliores sunt fines, & ignobiliorum, ignobiliores. Unde apud autores refutatur finis propositus, si non satis dignus sit proposito medio: præsertim in rebus naturalibus.

Ex. Refut.

*Nec figura corporis, nec ratio excellens ingenii humani significat ad hanc rem natum hominem, ut frueretur voluptatibus. Cic. 2. de finibus.*

*Quid mentem traxisse polo, quid profuit altum  
Erexisse caput? pecudum si more percerrent  
Avia. Claudianus.*

*Ad altiora quædam (quàm voluptatem) & magnificentiora, mihi crede, nati sumus: nec id ex animi solùm patribus constat, &c. ut fusè persequitur Cic. lib. 2. de finibus.*

#### IV.

**A non intentione finis & medii: An sine intentione finis propositi intendetur medium propositum, necne.**

Can. Refut. ac Confirm.

**1 Sine fine intento, non intenditur medium. Vel, Si finis non expetitur, non appetitur medium. 2 Et, Sine quo expetito, quicquam non appetitur, illud istius finem esse probabile est.**

Ex. Refut.

*Boni virtutem expetunt sine appetitu voluptatis. Non expetunt virtutem propter voluptatem.*

*Aristoteles alicubi ratiocinatur, Voluptatem non esse finem*

finem scientiæ, aut contemplationis. Quoniam homines expeterent scientiam, ac contemplationem, etiamsi nullam illis afferreret voluptatem.

Ex. Confirm.

Nemo bellum expeteret, nisi victoriam prius expeteret. E. ca est finis belli gerendi.

Mali nisi expeterent malorum rerum voluptatem, non appeterent, nec agerent mala. Quare mala expetunt, & agunt voluptatis gratiâ. Rectè ergo ait Aristoteles 2. Ethic. Nicom. cap. 3. Διὰ τὴν ἡδονὴν τὰ φαῦλα περὶ τλομεν. Et Plato similiter voluptatem (sc. malam) malorum escam vocavit.

V.

Ab appetitione finis, & mediû. Num hoc expetito, expeditur hoc medium propositum, necne?

Can. Ref. ac Confirm.

1. Expetito fine, expeditur medium ipsius. 2. Et, Quo expetito, aliud quid deinde expeditur, illud hujus finis est.

Si modò eorum unum expetatur propter alterum.

Ex. Refut.

Non expetit studium Medicinæ. E. non est ejus propositum fieri Medicum.

Ex. Confirm.

Quum expeditur eruditio, expetantur libri docti. E. eruditio est eorum finis.

VI.

A cessatione appetitionis, finis, & mediû.

medii. Num quum agens cessat expetere finem hunc propositum, cessat etiam expetere medium propositum?

Can. Refut. ac Confirm.

1. Quum finis cessat expeti, desinit etiam expeditio medii. Quatenus illius medium est. 2. Et, Quo cessante expeti, aliud propterea desinit expeti, illud huius finis est.

Ex. Refut.

Desinit expetere gloriam, & tamen iusta agit. E. non gloria causâ.

Ex. Confirm.

Quum cessant Senes expetere voluptatem rerum venenarum, desinunt etiam has appetere. E. propter voluptatem expetuntur.

## VII.

Ab identitate medii, seu non contrarietate mediorum ejusdem finis. An finis propositus unius contrarii medii sit finis alterius contrarii medii.

Can. Refut.

Idem non potest esse finis contrariorum simul.

Id enim repugnat, nisi fiant in diversis subjectis: quâ

quâ ratione contraria non sunt. At successivè potest una eadèmq̃ue res esse finis contrariorum.

Ex. Refut.

*Natura non intendit producere menstrum; Quia nititur effectum producere similem, sine errore, & vitio.*

*Homo à naturâ factus est ad virtutem. E. non est natus ut esset animal fallax, quod repugnat virtuti. Itaque hallucinatur Cardanus, qui talem hominis finem commentus est, ut suprà dictum est.*

—— *Eufrates cunctis nostris volebat Vestimenta dabat pretiosa. Uti ait Horat. Non igitur dedit ut illi prodesset.*

**§. 3.** Quæ finis, quâ expetitus, & quâ finis, tribuit medio.

I.

A tributione amabilitatis seu appetibilitatis medio. *An hoc ametur seu appetatur propter finem propositum, necne.*

Can Refut.

**I** *Finis conciliat amorem.*

*Sive, Media amantur & appetuntur propter finem. Et finis facit ut etiam ea amentur & expetantur, quæ per se, & suâ naturâ, ingrata & odiosa sunt. Ut amarissima portio ab ægroto libenter ebibitur, sanitatis gratiâ: & eruditionis consequendæ causâ, asperi studiorum labores libenter suscipiuntur & dulcescunt.*

Ex. Refut.

*Boni non expetunt bonas actiones propter voluptatem, sed propter honestatem. Non ergo illas agunt voluptatis gratiâ.*

Multa

Multa condimenta ciborum non expetuntur propter sanitatem, sed propter voluptatem gustus. E. sanitas non est eorum finis.

Can. Confirm.

2 Quod alicui rei appetibilitatem tribuit, est ejus finis.

Sive, Propter quod aliquid expetitur, illud illius finis est.

Ex. Confirm.

Studia amantur propter eruditionem. F. hæc est illorum finis.

Divitiæ expetuntur propter usus vitæ necessarios. Hi ergo illarum finis sunt.

II.

Atributione modi ac mensuræ mediis. An propositus proposito, illa tribuat, annon.

Can. Refut.

1 Finis dat medio modum ac mensuram.

Finaliter quidem, non efficienter, aut ut efficiens. Arist. 1. Polit. cap. 6. ait, In fine non est modus, aut mensura: media mensuram, ac modum accipiunt ex fine. Quod pertinet illud Galeni: Quid in quâque arte proprium sit, quid alienum, finis ostendit.

Ex. Refut.

Gloria non præscribit modum, aut mensuram sapientis actionibus. E. non earum finis.

Syllogismus non tribuit modum ac mensuram universæ arti Logicæ. Quare non est ejus finis, ut quidam asserunt.

Can.

## Can. Confirm.

2 *Quod rei tribuit modum ac mensuram, ejus finis est.*

Aristot. 2. de Cælo context. 74. idem docet, in-  
quiens, *Quod determinatur, medium est, quod determi-  
nat, finis est.*

## Ex. Confirm.

*Ratione rectè uti, tribuit modum ac mensuram ani-  
Logicæ. E. est ejus finis.*

*Bene numerare, determinat præcepta Arithmetica;  
itémque bene mensurare, Geometriæ. E. illud illius, &  
hoc hujus finis est.*

*Victoria præscribit modum ac mensuram exercitui, &  
sanitas restituenda, medicamentis. E.*

## Artic. III.

*Loci ab affectionibus finis producti.*

## S. I.

*Quid, & qualis sit finis productus.*

## I.

Maximè inter omnes finis Locos re-  
spicere oportet ad propriam rei desti-  
natæ operationem seu actionem. Et,  
*videre, num rei finis quem examinamus,  
sit ejus propria operatio, necne.*

## Can. Refut.

*I Finis rei est sua operatio.*

Nisi eum sequatur opus aliquod: tunc enim id  
opus finis est. Vel, *Quorum actio est, & non opus, ea  
sunt propter actionem: & quorum opus, propter opus.*  
Arist.



Arist. 1. mag. Moral. cap. 4. inquit, ὧν ἔξῃς, καὶ  
 χρησῖς, ἢ χρησῖς, καὶ ἢ ἐνέργεια, τέλει : Quo-  
 rum habitus usque est, usus & actio finis. Et 2. de  
 Cælo cap. 3. context. 17. Ἐκαστον ὧν ἔργον, ἐστὶν  
 ἔργον τῷ ἔργῳ : Unumquodque eorum quorum est opus,  
 est propter illud opus. Prius axioma Scholastici hisce  
 verbis formant : Unumquodque est propter suam opera-  
 tionem, tanquam finem. Recentiores aliquot idem sic  
 efferunt : Unumquodque est gratiâ suæ operationis. Per  
 operationem autem in Canone intelligitur non sem-  
 per operatio propriè dicta, sed quivis usus, vel actus  
 ad quem res aliqua ordinatur : sicuti finis materiæ  
 est sustentatio formæ ; & finis domus, est inhabi-  
 tatio, vel conservatio hominum, & rerum domesti-  
 carum : & contemplatio est operatio mentis. Quæ  
 tamen dicuntur operationes non propriâ, sed latiori  
 significatione. Quinetiam unius operationis, sæpe  
 datur alia, quæ sit finis illius : veluti citharizatio  
 est propter delectationem ; & locutio, ut alius nostri  
 animi sensum percipiat. Thomas 1. part. q. 65. art. 2.  
 & q. 105. art. 5. & alibi, cum aliis Scholasticis  
 utrumque Canonem suprâ traditum passim, sic con-  
 jungit : *Finis cujuslibet rei, est operatio ejus propria,*  
*vel ad quod per eam venit.* Ex eis quæ suprâ dicta  
 sunt, constat, finem aliquando esse operationem : ut  
 scientiæ finis est contemplatio ; & moralis philoso-  
 phiæ, actio virtutis : quandoque esse opus, quod ope-  
 rationem sequitur, & per illam producitur : ut ædi-  
 ficationis, domus. At tamen operis usus, seu operatio  
 sequens, est finis operis : ut domus, inhabitatio. Cæ-  
 terum, Canon traditus est de fine *Cujus*, non de  
 fine *Cui* : qui est objectum, aut subiectum, cui finis  
*Cujus* acquiritur, vel quæritur : ut Homo est sub-  
 jectum sanitatis, & felicitatis. At finis *Cui*,

neque est actio seu operatio, neque fit per illam : sed supponitur potius ad actionem. Porro, quoniam finis est rei operatio, vel opus, ideo finis dicitur causa, & effectus, alio, atque alio respectu. Quatenus enim consideratur, ut ab agente præconceptus, & expetitus, habet vim causæ. Quatenus autem spectatur, ut productus, & realiter existens, eatenus est effectus. Ut felicitas, quæ definitur ab Aristot. 1. Ethic. cap. 6, *actio rationalis animæ* : quæ tamen eadem ab eodem hominis finis dicitur : cap. 1. ejusdem lib. Itemque 10. Ethic. cap. 7. Sic propria operatio cujusque partis, tum in homine, tum in quolibet animali, est finis ad quem eam partem, tanquam instrumentum, natura constituit, & instituit : idemque cum productum est, est effectus.

*Idemq.*  
Ex. Refut.

*Voluptas sensualis non est propria operatio hominis. E. non est finis hominis. Ut multi opinantur.*

*Pueri non solatii gratiâ discunt musicam. Non enim solatur discantes. Nam cum labore est disciplina. Arist. 8. Polit. cap. 5.*

*Cerebrum non refrigerat cordis calorem. Non igitur conditum est ad calorem cordis effervescentem refrigerandum. Ut Aristoteles existimavit. Argumentum est Galeni fusiùs explicatum lib. 8. de usu part.*

*Folia non sunt propter floris tuitionem. Flores enim prominent, atque exstant extra foliorum perpendicularium. Ubi Scaliger innuere videtur, quòd proinde folia non tueantur flores. Exercitat. 177. sect. 3.*

Can. Confirm.

2 *Quod est propria rei operatio, est ejus finis.*

. Nisi operatio producat opus : quod ejus finis est.

Ex. Confirm.

*Quorum habitus, ususque est, usus & actio finis est.*  
Atqui

*Alqui animæ virtus est habitus, & actio & usus ipsius. L. finis ipsius, actio usûsque fuerit. Arist. 1. mag. moral. cap. 4.*

Non essendi causâ solùm, verùm etiam bene essendi, nec & fœmina ope mutuâ conjunguntur; filiosque procreant, non solùm ut id naturæ tributum ferant; verùm etiam ut commoda exinde suscipiant. Valentes enim ipsi, imbecilles suo labore tuentur, & alunt; mox imbecilles à senium facti, à valentibus eadem reportant. Aristot. 1. Oeconom. cap. 3.

Medicina sanitatem servat, præservat, restituit. Hi igitur Medicinæ fines sunt. Unde à quibusdam definitur ars sanitatis, servandæ, præservandæ, restituendæ. Quam definitionem mirificè commendat Averroes.

Nos ab initio spectasse otium, nec quicquam aliud à libertate communi quæsisse, exitus declarat. Brutus & Cassius epist. M. Antonio lib. 10. epist. familiar. Cic.

Folia in fructiferis arboribus teneros fructus protegent & tuentur à Solis ardore, ab imbribus, & à pruina. L. ad eorum præsidium à naturâ comparata sunt. Contra opinionem Scaligeri, qui Exercitat. 178. sect. 3. scribit, Folia ad decorem & spectaculum sunt, non ad præsidium.

Sic à propriis actionibus probari ac judicari possunt illi fines veri esse, quos solùm declarat Cic. 2. de nat. Deor. ubi ait, Equus vehendi causâ; arandi, bos; venandi, aque custodiendi, canis; homo autem ortus ad Mundum contemplandum.

Sol Mundum illuminat, ac res generat ac conservat; pluvia solum irrigat ac fœcundat; ventus motu aerem tueretur à putredine; itémque æstus marinus, mare; homo rerum naturam contemplatur, atque virtutis actiones exerceat. Hæ igitur operationes illarum rerum fines sunt.

Ad eundem modum Aristoteles probare solet fines partium animalium, ex propriis earum actionibus: lib. de

part. animal. Itidémque Galenus, *partium humani corporis*, lib. de usu part.

Atque hic Locus omnium Locorum Finis, præstantissimus atque utilissimus est. Quapropter plura ad eum illustrandum exempla congeßimus. Qui locus ab omnibus ferè Logicis in suis Canonibus turpiter præteritus est.

## §. 2.

## Qualis sit finis productus.

## I.

A non existentia mediæ, ac finis producti. *Num sine illo hoc existat, annon.*

## Can. Refut.

*Si medium non existit, non producitur finis.*

Vel, *Si ea quæ sunt propter finem, non existunt, nec finis existit.* Si enim finis existere potest; non existentibus illis, quæ sunt ad finem; frustra per hujusmodi media quæritur finis.

## Ex. Refut.

*Flores datos ob fructum, vel semen, tam falsa, quam vulgata sententia. Nam & fructus sine flore, Olea, Ficus, Quercui; & flos sine fructu, Iridi, Fesemino Narcissi speciei.* Scaliger Exercitat. 178. s. 2.

*Iræ causam finalem omnino falsam Vives statuit, tributam ait homini ad appetitum excellentium rerum; ut cum videat se, ac doleat, ob viles, abjectasque actiones rejici, ac contemni, det operam ut se ab illis vindicet, transferatque ad præclaras, quæ contemni jure non possint. At hoc sine ullâ irâ fieri potest, à pœnitentiâ, pudore, castigatione, aliis.* Scalig. Exercitat. 313.

Can. Confirm.

2 *Sine quo existente quicquam existere non potest, hoc illius finis est.*

Non arbitror hunc Canonem prætermittendum: quandoquidem probati auctores ex eo haud rarò argumenta petunt. Attamen multa hîc excipienda videntur, ut illud sine quo, non sit materia, aut forma, aut subjectum, aut objectum, aut locus, aut tempus. Aut aliqua limitatio excogitanda est. Scaliger tamen Exercitat. 250. f. 3. Canonem tradit universaliter sine limitatione, aut exceptione, dum ait, *Sine quo quicquam existere non potest in Naturâ, id est illi necessarium, atque propter illud factum.* Atque inde probat, muscam factam esse propter hirundinem; quia sine muscâ, non potest hirundo vivere.

Ex. Confirm.

*Sine sexu maris ac fœminæ, animantium genera nequaquam permanerent, sed brevi perirent. E. uterque sexus à naturâ factus & comparatus est ad speciem animalis conservandam.*

*Nisi affectus inessent animalibus, ea non satis excitarentur ad bona sua persequenda, & mala fugienda. Propter hoc igitur affectus utiliter à naturâ inditi sunt animalibus.*

Contra Stoicorum dogma.

*Nisi oculi essent rotundi, non possent rerum magnitudines demonstrare, nec aliquid percipere nisi æquale sibi: ut demonstrant Optici. E. facti sunt rotundi ut magnitudines melius percipiant.*

*Genus unguium, gratia ejus quod est melius, videtur factum: quum absque illis manus apprehendere possent; at non æquè feliciter. Galen. 1. de usu part. Attamen Aristoteli secus videtur, qui 4. de part. animal. c. 10. scribit, Ungues natura cæteris animalibus, ad usum alium dedit: homini autem operimenti tantum gratiâ excogi-*

tavit : digitos enim extremos integunt, & tumentur. Quod minùs probandum videtur.

*Sine historiâ , memoria rerum gestarum diu conservari nequeat, sed brevi extingueretur. E. historia ad eorum memoriam conservandam conscripta est.*

## II.

**Ab existentia mediï , ac finis producti. Num illo existente, hoc existat, necne.**

### Can. Refut.

#### I *Existente medio, existit finis.*

Sive, Posito medio in executione, producitur finis. Quia Frustra est, quod ordinatur ad finem, quem non attingit, Valet Canon in divinis ac naturalibus necessariò. quia Deus, & natura nihil faciunt frustra. Ut multis in locis inculcat Aristoteles. In humanis autem actionibus sæpe fallit, & probabilis est duntaxat.

#### Ex. Refut.

*Sensus inest quibusdam animalibus, quæ nunquam loco moventur, sed ibidem permanent. Quare sensus non est datus animali ad motum localem.*

*Nego stirpibus data folia propter floris tuitionem : quia folia sunt in plantis, quæ vel florem, vel fructum ferunt nullum. Non igitur essent folia, si frustrarentur suo fine. Propter finem enim forma est, sicut per formam finis. Naturæ enim nihil frustra : At frustra faceret folia in plantis, quæ non ferunt florem, si propter florem folia faceret. Scaliger Exercitat. 177. s. 3.*

### Can. Confirm.

**2. Quo existente, necessariò producitur aliquod**

*aliquod bonum, hoc est, aut videtur esse illius finis.*

Hic Canon in naturalibus magis valet, quàm in humanis.

Ex. Confirm.

*Conscripta rerum gestarum historiâ, earum memoria conservatur. Is ergo est historia finis. Proximus quidem.*

*Foliis in vite existentibus, proteguntur ac defenduntur tenera uvæ, ne excurantur ab ardore Solis, neu à pruina cecidentur, nève ab immodicis pluviis vitentur. Itaque folia viti data sunt ad teneras uvas tuendas.*

### III.

*Ab ordine executionis medii, ac finis producti. Sitne hic illo in productione posterior, annon.*

Can. Refut.

*1 Finis est posterior Medio, in executione.*

Ex. Refut.

*Cognitio virtutis prior est virtute, in executione. E. virtus non est propter cognitionem.*

*Folia non sunt ad tuendos flores. Pruni enim, atque Amygdali, aliæque arbores, flores fundunt quàm frondes prius. Scaliger Exercitat. 177. sect. 3.*

Can. Confirm.

*2 Posterius in executione, est finis prioris.*

In iis, quorum unum ordinatur ad alterum: sive quæ habent inter se dependentiam.

Ex. Confirm.

*Felicitas generatione posterior est virtute. E. est ejus finis.*

*Elementorum materiam esse simularium partium gratiā, necesse est: Sunt enim posteriores illis generatione. Aristot. 2. de part. animal. cap. 1.*

Nonnulli Theologi argumentantur, Hominem esse finem propter quem ceteræ in Mundo creaturæ conditæ sint, quoniam homo postremò à Deo conditus est. 1. Gen. vers. 26.

## IV.

**A sublatione medii, ac finis producti. Illo sublato, an finis propositus cessat produci, necne?**

**Can. Refut.**

**I Medio sublato cessat productio finis.**

Vel, *Finis tollitur*. Si modò ille finis sit actio, non opus. Opus enim factum permanere potest, dum sua materia, & forma simul constant. Ut domus permanet, etiam sublati ejus mediis, ut fabro, & instrumentis ædificandi.

**Ex. Refut.**

*Remotâ Lunâ, i.e. in alio hœmisphærio versante, mare tamen in nostro hœmisphærio nihilominus fluit, ac refluit. E. Luna non à naturâ ordinatur ad marinos æstus concitandos.*

*Detractâ cute, non tollitur sensus tactus. Nervi enim interiores nihilominus sentiunt tangendo. Quare cutis non est data tactus causâ absolutè, ut nonnullis videtur, quanquam inservire possit ad commodius tangendum.*

*Si Solis motus cessabit, tamen Sol non cessabit calefacere. Non ergo motus Soli datus est calefactionis gratiā. Sed ad lumen suum, & virtutem ad alios, atque alios locos circumferendam.*

**Can.**



Can. Confirm.

2 Quo remoto seu sublato, aliquid bonum necessario cessat produci, hoc illius finis est.

Canon certior est in rebus naturalibus, quàm in humanis.

Ex. Confirm.

Nulla potest esse vitæ jucunditas sublatâ amicitia. Idcirco ea comparata est ad jucundè vivendum.

Si Sol è Mundo tolleretur, cessaret illuminatio, ac calefactio, & rerum generatio, ac conservatio. Is igitur horum causâ conditus est.

Pinnulæ piscibus datæ sunt, & lati pedes avibus aquatilibus, ad nandum. Si enim vel piscium pinnula, vel avium pedibus interjecta cutis destruat, nare non poterant. Aristot. 4. de part. animal. cap. 12.

§. 3. Quæ finis productus tribuat agenti.

I.

A tributione perfectionis agenti. Num hic huic eam tribuat, annon.

Can. Refut.

Finis tribuit perfectionem ei cujus finis est.

Vel, Finis acquisitus perficit agens, & actionem. Scaliger Exercitat. 258. Finis, inquit, est ejus cujus finis est perfectio. Quæ perfectio si in actione consistit, in eo residet, cujus actio est. Si in passione, ab eo transit in illud, cujus est passio.

Ex. Refut.

Cognitio artis non perficit artificem. E. cognitio non est ejus finis.

*Virtus non perficit hominem, Sed actio virtutis. E. virtus non est ejus finis.*

**Can. Confirm.**

*2 Quod acquisitum perficit aliquid, est ejus finis.*

*Vel, Quod est rei perfectio, est ejusdem finis.*

**Ex. Confirm.**

*Veri contemplatio, & virtutis actio hominem perficiunt. E. sunt ejus fines.*

*Bonum publicum acquisitum temp. perficit. Illud ergo est reip. finis.*

## II.

*Ab expletione appetitus agentis. Num hoc obtentum eum expleat, necne.*

**Can. Refut. ac Confirm.**

*1 Finis acquisitus explet appetitum agentis. 2 Et, Quod acquisitum explet alicujus appetitum, id est ejusdem finis.*

**Ex. Refut.**

*Artis cognitio non explet appetitum artificis. E. non est ejus finis.*

*Gloria, vel lucri spes, non explet studiosi, aut eruditi desiderium. E. non est ejus finis. Itaque non satis rem perpendebat doctissimus Rodolphus Agricola, qui 1. de invent. Dialect. c. 5. inquit, Ejus qui studet, potest etiam quidem finis esse eruditio; sed fortassis est, vel gloria, vel lucri spes.*

**Ex. Confirm.**

*Actio virtutis explet desiderium hominis. Ea igitur est finis & felicitas ipsius.*

*Medicus*

Medicus quum agrum sanarit, expletur desiderium ipsius. E. sanatio agri fuit finis quem Medicus ex-  
petiuit.

III.

A cessatione operationis agentis.  
*Acquisito hoc fine proposito, utrum cesset  
operatio agentis, ánon.*

Can. Ref. ac Confirm.

1 *Fine obtento, agens cessat ab ope-  
ratione.*

Non quidem semper ab omni operatione, sed ab  
ea quam egit propter eam rem. Et finis quietat agens,  
non quâ intentus, & quâ finis est, sed quâ produ-  
ctus, & quâ effectus est.

2 *Et, Quo acqrisito, cessat operatio  
agentis, circa eam rem, id est agentis, &  
operationis finis.*

Intelligitur Canon de totâ re productâ, non de  
ultimâ parte: ea enim non est finis integer propter  
quem agens operatur: ut imposito tecto, cessat ædi-  
ficans ædificare; & tamen tectum non est finis cu-  
jus gratiâ, nisi partialis: sed totum ædificium est  
finis totalis.

Ex. Refut.

*Medicus non acquiescit in cognitione artis Medicinæ.  
E. illa cognitio non est Medicinæ, aut Medici finis.*

Orator non satis habet auditorem docere, aut de-  
lectare, sed persuadere. E. non est ejus finis docere, aut  
delectare.

Ex. Confirm.

*Metaphysicus acquisitâ contemplatione Entis, quâ Ent,  
acquiescit in eâ: & Physicus pariter in contemplatione  
corporis*

corporis naturalis; & Astronomus corporum cœlestium. E. illæ contemplationes, sunt earum scientiarum, ac contemplatorum fines.

Architectus ubi domum ædificavit, ab eâ ædificatione cessat; itémque Imperator ubi plenâ victoriâ potitus sit. Igitur ædificantis & ædificationis finis est domus; & belli, & belligerantis, victoriâ.

Facto homine, quievit Deus à condendo Mundo, Matth. 12. Luc. 6. Unde probant Theologi, hominem esse finem propter quem cætera creaturæ sunt conditæ. Idem argumentum extat etiam apud Scaligerum Exercitat. 250. f. 1. Dico, inquit, rerum omnium species propter hominem conditas esse: facto homine, quievit Deus.

## ARTIC. IV.

LOCI FINIS COMPOSITI  
è duabus ipsius affectionibus.

§. 1. Respectu finis quâ intenti.

### I.

A finis non intentione, & intentione.

Can. Confirm.

*Sine quo intento, quicquam aliud non intenditur; & intento intenditur; hoc est illius finis.*

Ex. Confirm.

*Antequam quis expetat, seu intendat eruditionem, non intendit studium literarum; sed eâ expetiz, intendit studere. E. eruditio est finis ejus studii.*

Sic

*Sic probari potest, inhabitationem esse finem domus.*

**II.**

**Ab intentione, & cessatione intentionis.**

**Can. Confirm.**

*Quo intento, aliud intenditur; & cessante intentione illius, hujus quoque intentio cessat, illud est hujus finis.*

**Ex. Confirm.**

*Eger dum expetit sanitatem restituendam, expetit etiam pharmaca: ac sanitate recuperata, desinit pharmaca appetere. E. hæc appetebat illius gratiâ.*

*Sic Imperator dum expetit victoriam, bellum gerit: ~~ibi eâ potius~~ **III. est, æquies.***

**A finis non motione, & motione agentis ad agendum.**

**Can. Confirm.**

*Quo movente seu afficiente, agens agit; & non movente, non agit; id est actionis finis.*

**Ex. Conf.**

*Actionis uteri in propulsando fœtu, finis est ipse usus: utpote quo excitante, agit; non excitante, quiescit Galen. 3. de natural. facultat.*

*Itémque argumentari licet, à finis motione, & cessatione motionis.*

**§. 2. Respectu finis producti.**

## I.

A non existentia, & existentia medii, ac finis.

## Can. Confirm.

*Quo non existente, quidpiam non existit; & existente necessario existit; hoc illius finis est.*

Valet Canon magis in naturalibus.

## Ex. Confirm.

*Quoties cibus non ingeritur, sanguis deficit; quoties ingeritur, augetur; & si alimenta bona assumuntur, sanguis integer est; si prava, vitiosus. Igitur sanguinem alimenti gratia, datum esse animalibus sanguine præditis, apertum ex iis, & ex iisq; ejusmodi rationibus est. Aristot. 2. de part. animal. cap. 3.*

*Ut manus omnes figuras, atque omnes eas magnitudines, quas movere homo potest, probe apprehendat, multiformiter dividi manum fuit melius. Nam si indivisa mansisset, contingere tantummodo sibi æqualem corporis cujusque ad moti magnitudinem posset. At in multas partes divisa, moles seipsa multo majores facile amplectitur; & minimas quasque res exactè etiam venatur, colligitque. Galen. 1. de usu part.*

## Can. Refut.

*Ex hoc ipso loco composito, etiam refellitur finis, juxta hunc Canonem.*

*Sine quo existente aliquod aliquando existit; & existente, non existit; hoc non est illius finis.*

## Ex. Refut.

*Causa cœlestis motus est, ut vires suas astra cum sub-*  
jeccis.

jectis partibus aliis, atque aliis, communicent, non ut ea-  
lesfaciant. Multa namque non mota, calida; ut sulphurea-  
vene, ut quaedam alia metallica; quæ operarum pedes  
urunt, soleas comminuunt. Multa mota, non calida: ut  
ferri. Scaliger Exercitat. 23. §. 1.

II.

Ab existentia, & sublacione mediū,  
ac finis producti.

Can. Confirm.

*Quo existente quidpiam necessario  
existit; & sublato, tollitur; hoc illius  
finis est.*

Ex. Confirm.

*Virtute acquisitā, homo bene beatēque vivit: at illā  
sublatā, tollitur vita beata. E. virtus homini data est ut  
bene beatēque vivat.*

S. 3. Respectu ordinis finis ad me-  
dium, in intentione, & pro-  
ductione.

I.

Ab ordine finis ad medium, in in-  
tentione, & productione.

Can. Confirm.

*Quod est re aliquā prius, in intentio-  
ne agentis, & posterius, in productione,  
eiusdem finis est.*

*Vel, Quorum unum ab agente prius expetitur: &  
posterius producit, id alterius finis est. Si modò eo-  
rum unum ordinetur ad alterum. Vulgatum axioma  
est.*

est, *Finis est prius medio in intentione; & posterius, in executione.*

**Ex. Confirm.**

*Felicitas activa, qua est virtutis actio, prius expetitur, & posterius producitur, quàm virtus. Quare ea est finis virtutis.*

*Contemplatio corporum naturalium, prior est scientia natura, in intentione Physiologi, & posterior in acquisitione. E. ea est finis philosophia naturalis.*

*Ex hoc eodem Loco composito, sicubi opus erit, licet finem falsum validius refellere. Finis enim est prior medio, in intentione; & posterior, in executione. ut antè dictum.*

*Haftenus de Examine Finis. ex ipsius Affectionibus.*

## SECTIO II.

### LOCI FINIS A COGNATIS Finibus. Vel, à Cognatis Finis.

#### Articulus I. Loci à finibus superiorum. I.

*A fine Generis, vel generalis destinati. An finis propositus sit finis omnium, an nullius ejusdem generis.*

**Can. Refut. ac Confirm.**

*Quod non est finis ullius alicujus generis*



generis, non est finis speciei, nec singularis ejusdem generis.

2 Et, Finis rei generalis est etiam generalis finis rei specialis, & singularis cujusque sub eâdem contenta.

Omnia namque quæ sunt unius generis, conveniunt in communi fine illius generis. Attamen diversarum specierum, diversi sunt fines speciales, & singularium singulares.

Ex. Refut.

Actio, nullius scientiæ finis est. At bene videre, est actio: & Optica est scientia. E. id non est finis Opticæ. Quare ea perperam definitur à multis Opticis, Scientia bene videndi.

Non est in agendis finis, singula contemplari, ac cognoscere: sed potius ipsa agere. Neque igitur de virtute satis est, ut eam sciamus; sed ut ipsam teneamus, eâque utamur, est enitendum. Aristot. 10. Ethic. Nicom. cap. 9. context. 1.

Natura nullam rem luxuriæ gratiâ fecit. Neque igitur specula naturalia. Quod idem argumentum à Seneca fusiùs explicatur, hisce verbis: Quid sibi rerum natura voluit, quod cum vera corpora dedisset, etiam simulacra eorum aspici voluit? Quorsum pertinuit hanc comparare materiam imaginum potentem? Non in hoc scilicet, ut ad speculum barbam, faciémque velleremus; aut ut faciem viri poliremus. In nulla re, illa negotium luxuriæ concessit. Lib. 1. nat. quæst. cap. 17.

Ex. Confirm.

Omnis virtutis finis est moderatè agere. E. & fortitudinis.

Artis in genere finis est εὐπραγία, i. e. bene agere: igitur sua Logica εὐπραγία, suus finis est, i. e. bene ratione uti.

Cum

*Cum omnium artium finis sit, quod natura maxime quaerat; idem statui debet de totius arte vita. Cic. 4. de fin.*

*Propter hominem Mundus factus est. Quando & habitatio, & cibi, & alia, propter animalia. Animalium autem princeps homo. Scaliger Exercitat. 256. l. 1.*

## I.

**A fine Speciei ad finem singularis.**  
*Num hic sit finis speciei, an nullius illius speciei?*

**Can. Refut. ac Confirm.**

**1** *Quod nullius sub aliquâ specie finis est, non est finis singularis ejusdem speciei.*

**2** *Et, Finis speciei, est etiam finis cuiusvis singularis ejusdem.*

**Ex. Refut.**

*Homo non est conditus sensualis voluptatis gratiâ. E. ego non sum natus ad eam.*

**Ex. Confirm.**

*Homo conditus est propter Dei gloriam. E. Tu ipse ad eam natus es.*

*Homines mala agunt voluptatis gratiâ. Ego igitur mala ago propter eundem finem.*

**Artic. II. Loci à finibus inferiorum.**

## I.

**A fine speciei ad finem sui generis.**  
*An finis generis propositus sit finis omnium ipsius specierum, annon alicujus.*

**Can.**

## Can. Refut. ac Confirm.

1 Quod cujusdam speciei non est finis,  
neque est finis sui generis.

2 Et, Finis omnium specierum unius  
generis, est finis ejusdem generis.

## Ex. Refut.

Temperantia non est cognitionis gratiâ. E. neque  
virtutis moralis finis, est cognitio.

Veritatis hostes, eos appellat Scaliger, qui vo-  
lunt ad hominis usum facta omnia. Quam enim, in-  
quit, ex pulicibus, quam ex cimicibus homo utilita-  
tem percipit? Ridiculum profectò est, ait idem, di-  
cere: pulices creatos ad inutilem hominis sanguinem  
sugendum: cimices, ut noctu ex importuno somno  
excitent nos ad preces fundendas. Quod ipsius argu-  
mentum siue verum sit, siue falsum, tamen exemplo  
esse potest ad Canonis usum illustrandum.

## Ex. Confirm.

Hominem natum esse ad omnia regenda, inducti-  
one probatur à Manilio lib. 4. Astron. dum canit,

Hic partus, qui cuncta regat: secessit in Orbem;

Et domuit terram ad fruges; animalia cepit;

Imposuitque viam ponto, &c.

Sic à finibus specierum comprobatur, omnia con-  
dita esse propter hominis utilitatem: alia quidem  
animantia, ut inserviant nobis ad cibum, & vesti-  
tum; ut, lanigeri greges; & boves, vacca, cervi:  
alia ad onera ferenda; ut, elephantes, equi, cameli,  
asini, Americanae, bestiae quas lamas vocant: alia  
ad oblectationem oculorum; ut, Manucodiata, quâ  
etiam Paradisi avem vocant, pavones, psittaci, a-  
liaque pulchrae aves: alia, ad voluptatem aurium;  
ut avicula cantatrices. Consimiliter, multi fructus,  
& herbae inserviunt homini ad cibum; alia plantae  
ad

adblandiuntur oculis, & odorati, suâ pulchritudine, & suaveolentiâ; ut, rosæ, violæ, aliique flores; aliæ inserviunt ad medicinam, & ad confortandos spiritus cerebri. Quis autem omnes enumeret utilitates avium, ferarum, piscium, arborum, metallorum, &c. Quas fusè persequuntur Ambrosius, & Damascenus, ad comprobandum omnia ad hominis utilitatem condita esse. Quem finem agnoscit etiam Aristoteles 1. Polit. cap. 5. ubi ait, Existimandum est, plantas animalium esse gratiâ; & cætera animalia, hominum causâ: mansueta, quidem, propter utilitatem, & cibum: fera (cui non omnia, at plurima illorum) propter cibum, & alia adjumenta; ut, & vestis, ac cætera instrumenta ex illis fiant. Si igitur natura nihil, neque imperfectum facit, neque frustra, manifestum est, illa omnia hominum gratiâ, fecisse naturam.

Idemque philosophus in calce lib. de anima, probat inductione specierum, reliquos sensus præter tactum, habere animal, non ut sit; sed ut bene sit: ut puta, aspectum, quia in aëre, & aquâ versatur, ut videat; & omnino, quia in pellucido versatur: gustum autem, propter jucundum, & molestum; ut sentiat quod est in alimento, & cupiat, & moveatur: auditum verò ut aliud ipsi aliquid significet; linguâ autem, ut significet aliquid alteri.

Sic quod divina bonitas sit finis omnium corporaliū longâ inductione differitur, à Thoma 1. p. qu. 65. art. 2. à finibus specierum. Contra Origenem, qui perperam existimavit, creaturam corporalem, non esse factam ex primâ Dei intentione: sed ad poenam creaturæ spiritualis peccantis.

### II.

A finibus singularium ad finem speciei illorum. Num propositus finis specialis,

*cialis, sit finis omnium singularium illius speciei, annon alicujus.*

**Can. Refut. ac Confirm.**

**1** *Quod alicujus singularis non est finis, neque finis erit speciei illius. 2 Et, Finis omnium singularium unius speciei, finis est ejusdem speciei.*

**Ex. Refut.**

*Socrates virtutem coluit, non ob voluptatem, sed ob honestatem. Non ergo boni virtutem colunt, voluptatis gratiâ.*

*Cato, uti refert Velleius, nunquam rectè fecit, ut facere videretur. Fusti igitur non justè faciunt, ut facere videantur.*

**Ex. Confirm.**

*Homines mala agunt propter voluptatem. Quod quotidianis exemplis conspiciamus in intemperantibus; ut voracibus, ebriosis, libidinosis, &c.*

*Historia Thucydidis, Livii, & ceterorum, conscripta est, ut rerum memoria conservetur, & prudentia inde hauriatur. Hi ergo sunt historiae fines. Loquor de historiâ practicâ, seu rerum gestarum.*

**Artic. III. Loci à fine Totius, ac Partium.**

**I.**

*A fine Totius ad finem Partis. Num finis partis propositus, sit finis totius ejusdem.*

**Can. Confirm.**

*Finis totius est etiam finis cujusque partis ejusdem.*

Ut

Ut totalis quidem finis, non partialis.

Ex. Confirm.

*Universus Mundus conditus est ad hominis utilitatem. E. etiam venenosi serpentes, & herba: nam & illa sunt partes Mundi.*

*Seneca de Sole, & Lunâ loquens, Cùm in hoc moveantur, ait, ut universa conseruent; & pro me moventur: universorum enim pars sum.*

## II.

**A fine Partis, ad finem Totius. An propositus totius finis, cunctarum partium ipsius, an cuiusdam.**

Can. Refut. ac Confirm.

**1 Quod cuiusdam partis non est finis, id neque est finis totius. 2 Et finis partium omnium est finis totius earum.**

Ex. Refut.

*Curare morbos, non est finis Hygieina, sive doctrina de sanitate tuendâ, quæ est pars Medicina. E. id non est finis totius artis Medicina. Ut vulgus existimat.*

Ex. Confirm.

*Uaqueque pars animalis est propter aliquam animæ operationem. E. etiam universum corpus est propter animæ operationes.*

*Singula quæque præcepta Logica tradita sunt, ut bene utamur ratione. E. is finis est totius Logica.*

**Artic. IV. A Contrario, vel, à fine contrarii. An hujus destinati contrarium sit propter contrarium alterum finem, an non.**

Can.

## Can. Refut. ac Confirm.

*Contrariorum fines sunt contrarii.*  
 1 Itaque, si unum eorum non est propter unum finem, neque alterum erit propter alterum. 2 Et, Si unum contrarium est propter unum finem, alterum quoque erit propter alterum.

Contrariorum autem potest esse unus idemque finis generalis : quoniam in suo genere conveniunt : sed speciales fines sunt contrarii.

## Ex. Refut.

Boi bona agunt non propter voluptatem ; sed honestatem. E. neque mala fugiunt tam ad dolorem evitandum, quàm propter turpitudinem.

## Ex. Confirm.

Calida medicamenta sunt ad frigidos morbos curandos. E. & frigida ad calidos.

Affectus illi qui circa malum versantur, ut, amor, spes, latitia, &c. à naturâ animali inditi sunt, ut excitetur ad bonum suum persequendum, atque obtinendum. E. è contrario, affectus mali objecti ; ut, odium, metus, tristitia, &c. tributi sunt ad malum fugiendum, & evitandum. Itaque utrumque genus animali utile est : contra Stoicorum dogma, qui omnes affectus censuerunt esse vitiosos : ac propterea omnino tollendos.

## Artic. V. Loci à Comparatis in Qualitate, &amp; in Probabilitate.

Comparata in Quantitate in Fine examinando, parum, aut nihil utilitatis habere videntur : quapropter eis prater-

*pratermissis, trademus tantum, comparata in Qualitate, & in Probabilitate. Quae sunt, 1 A Simili. 2 A magis. 3 Minus. 4 & aequè probabili.*

## I.

*A fine rei confimilis. An huius simile sit finis alterius similis destinati, necne.*  
Can. Refut. ac Confirm.

*Similium similes sunt fines. 1 Itaque, Si similium unum non est finis unius similis destinati, neque alterum erit finis alterius similis. 2 Et, Si unum similium finis est unius rei similis, alterum quoque erit finis alterius.*

*Qui Canones probabiles sunt tantum, non necessarii.*

## Ex. Refut.

*Existimare cerebrum constructum esse, caloris qui cordi inest, refrigerandi gratiâ, (qualis fuit sententia Aristotelis) omnino absurdum videtur: nec absimile, ac si quis dicat, calcaneum cordis causâ fuisse. Galen. 8. de usu part.*

*Xerxes cum tantis classibus, tantisque equestribus, & pedestribus copiis, in Graciam transfretavit; non ut mella ex Hymetto afferret: ita nec sapientem putandum est, gravissimis artibus, atque virtutibus instructum, voluptatis causâ, tanta molitum. Ita contraximus falsissimum argumentum Ciceronis 2. de fin.*

*Qui putant ob varietatem, non ad certum finem, species à Deo comparatas, nullum alium in iis Naturæ finem proponunt,*



proponunt, quàm ineptire. Quasi cùm milites fimbrias addunt sagulis. Aut si quando nos fessi de Philosophiæ salebris, cum Poetis aliquid constituimus. Scaliger Exercitat. 250. l. 5.

Ex. Confirm.

Quemadmodum homini capilli dati sunt, tum ad præsidium, tum ad ornatum : consimiliter, folia fructiferis arboribus tributa videntur ad similes fines.

Mundus decorum hominûmque causâ factus est : quæque in eo sunt, ea partita ad fructum hominum, & inventa sunt. Est enim mundus, quasi communis decorum atque hominum domus, aut urbs utrôrumque. Cic. 2. de nat. decor. ubi fusiùs explicat idem argumentum.

Habent omnia testata caput infrà, plantarum modo : cujus rei causâ (finalis) est, quòd cibum de imo capiant, ut plantæ radicibus suis hauriunt. Aristot. 4. de part. animal. cap. 7. Idemque probat ossium finem à simili, 2. ejusdem operis cap. 9. Et finem sanguinis, à finibus similium : ut, fontis in hortis rigandis, & fundamentorum in structuris : 3. de part. animal. cap. 5.

II.

A magis probabili. An quod verisimilius est, esse finem, non sit finis.

Can. Refut.

Si quod magis videtur esse finis, non est finis, neque quòd minùs videtur, erit finis.

Ex. Refut.

Verisimilius est, hominem natum esse ad animi voluptatem, quàm corporis. Atqui non ad illam. Nedum ad illam.

Non est Elephanto optimum temperamentum datum, ad vivendum diu; quia esset optimum in Oleâ, aut Palmâ,

*aut Ulmo, quæ diutius vivunt.* Scaliger Exerc. 204. l. 2. s. 2.

Idem similiter contra Cardan. probat, *Non esse Rosas spiritibus datas, ut odoratiores sint.* Exercitat. 303. sect. 7.

Hic Locus non valet ad confirmandum: ideoque non recipit Canonem, aut Exemplum Confirmationis.

### III.

*A minus verisimili. Num minus verisimile, sit finis.*

Can. Confirm.

*Si quod minus videtur esse rei finis, sit finis, etiam id quod magis videtur, erit finis.*

Ex. Confirm.

*Apes, formica, musca, & cætera animalcula, condita sunt propter Dei gloriam. Igitur multo magis homines.*

*Formica, apes, ciconia, aliorum etiam causâ, quadam faciunt. Multo igitur magis hæc conjunctio est hominum: itaque natura sumus apri nati ad cœtus, domicilia, civitates.* Cic. de finibus.

Hic autem Locus non valet ad refellendum.

### IV.

*Ab æquè verisimili. Utrum quod æquè videtur esse finis, finis sit, necne.*

Can. Refut. ac Confirm.

1 *Si unum quod æquè videtur esse finis, non sit, neque alterum erit finis.*

2 *Et, Si æquè verisimilium unum est finis, etiam alterum erit finis.*

Ex.

Ex. Refut.

Existimare naturam intendere monstrum, haud minus absurdum est, quàm putare peritissimum artificem velle facere opus imperfectum, & imperitum. E. natura neminem operatur, ut producat monstrum.

Tam sunt alia metalla à naturâ instituta, ut ex eis aurum fiat; quàm cæteræ animantes, ut ex eis fiat homo. Scaliger Exercitat. 206. s. 2.

Ex. Confirm.

Inventa est Medicina, ut morbi corporis cognoscantur, & cogniti sanentur. At Philosophia pariter reperta est, ut perspiciamus mala animi, iisque liberemur. Plutarchus.

Alexander M. bella gessit, ut imperium, ac gloriam sibi compararet. Itaque Cæsar, Tamerlanes, alique nihilominus bella gessisse videntur propter eundem finem.

Artic. V. Locus compositus è duobus cognatis.

Subjungemus in calce hujus Causæ, ac Capitis unum solum locum à duobus cognatis: nimirum,

I.

Ab utroque contrario posito.

Can. Confirm.

Quo posito, aliquod bonum acquiritur, & contrario posito, contrarius effectus producitur; id est finis prius positi.

Hic Canon, in naturalibus, certus est; in humanis autem probabilis tantum.

Ex. Confirm.

Mare, & æstus suos à putredine conservatur; at si qui-

esceret, citò putresceret. E. æstus marini finis est, ut mare tueatur à putredine.

Si Sol eodem loco permaneret, non posset suam lucem, ac calorem ad alias atque alias terrarum regiones circumferre, ac dissipare; quin etiamsi eadem loca perpetuò afficeret, nimio æstu ea exurceret: at motu & circuitione singulas terrarum orbis partes suâ luce ac calore fovet, & vicissitudine temperat. Propter has igitur utilitates ac commodas, Soli motus datus est.

Sperantia futura bona animalia ea alacrius persequuntur; & mala metuentia, ea vehementius fugiunt. Quorum commodorum gratiâ, spes & metus animantibus à naturâ indita sunt.

Cardanus ait, Hominem nudum creatum esse, ut esset formosior. Quod approbat Scaliger, & probat, Quia homines hirti pro sædis habentur. Idcirco fœmina glabra, quarum species & venustas vulgò quæritur. Exercitat.

255.

Finis Examinis Finis, & Causarum Extrinsecarum.

CAP.

## CAP. IIIL.

DE EXAMINE  
MATERIÆ.

## SECTIO I.

LOCI A SPECIALIBUS  
*Affectioibus Materiæ.*

## Articulus I.

Loci à specialibus Materiæ conditio-  
nibus prærequisitis ad caussandum  
materialiter.

**E**Gimus de Causis extrinsecis exami-  
nandis : sequitur Examen Causa-  
rum intrinsecarum, seu constituentium  
compositum : i.e. Materiæ, & Formæ.

LOCI A SPECIALIBUS  
*Materiæ Affectioibus, sunt,*

I. A Conditionibus ejus ad materi-  
alem caussationem prærequisitis : ut,  
1 A qualitate. 2 Ab aptitudine. 3 Ab  
inexistentiâ. 4 A sufficientiâ.

II. Ab affectionibus materiæ non prærequisitis : ut, 1 *A non positione.* 2 *A sublatione.* 3 *A resolutione compositi in eam permanentem.*

III. Loci compositarum affectionum materiæ sunt, 1 *A similitudine, & præsentia cum composito.* 2 *A non positione, & positione cum composito.*

## LOCI A COGNATIS MATERIÆ.

I. A Materiæ superioribus : ut, 1 *A Materiâ Generis, aut generalis compositi.* 2 *A materiâ specialis compositi ad materiam singularem.*

II. Ab inferioribus Materiæ : ut, 1 *A speciali materiâ ad generalem.* 2 *A singulari materiâ ad specialem.*

III. A Contrario materiæ.

IV. A Comparatis materiæ in quantitate & qualitate : ut, 1 *A Majori.* 2 *A Minori.* 3 *A Pari.* 4 *A Simili.*

V. A Comparatis in probabilitate : ut, 1 *A materiâ magis probabili.* 2 *A minus probabili.* 3 *Ab æquè verisimili.*

VI. Loci materiæ compositi è binis  
ipſius

ipſius cognatis: ut, 1 *Ab utrâque contrariâ materiâ poſitâ.* 2 *A materiâ Majoris, & Minoris.*

## Locus I.

A Qualitate, ſeu Similitudine materiae cum composito. Et, *An propoſita materia talis ſit, quale hoc compositum, necne.*

## Can. Ref. ac Confirm.

1 *Qualis materia, tale compositum.*  
2 *Et, Si propria qualitas rei ſimplicioris in aliquo composito reperitur, illud eſt hujus materia.*

Vel, *Si compositum tale eſt, qualis res aliqua ſimplicior propriè & per ſe eſt, hæc eſt illius materia.*

Item, *Si plures rei alienjus qualitates communes in quopiam composito inſint, veriſimile eſt illam eſſe hujus materiam.*

## Ex. Refut.

*Halitus brevi mutantur & diſſolvuntur. At via lactea ſine ullâ mutatione idem ſemper permanet. Non ergo conſtat ex halitibus. Quapropter Averroes, cæterique Peripatetici de viâ lacteæ materiâ, & genere deſerunt Magiſtri ſui dogma. 1. Meteor. c. 8.*

*Ariſtotelici diſſerunt Cometas non conſtare ex materiâ cœleſti. Quia cœlum juxta Ariſtotelis ſententiam libb. de Cœlo, mutationis & alterationis expers eſt. At Cometæ alterantur.*

## Ex. Confirm.

Hic mummus qaanquam argenteus videtur, olet æs. E.  
æneus est, & adulterinus.

Materia ventorum Peripateticis, est halitus calidus &  
ficcus. Quia venti plurimum exsiccant.

In calcinationibus & fusionibus metallorum, odor sul-  
phureus percipitur. Unde multi censent ea ex sulphure  
tanquam materiâ constare.

Fæctum componi ex materno etiam sanguine tanquam  
materiâ; argumento est, quòd multi matrem suam magis  
referant quàm patrem.

## II.

Ab aptitudine materiæ, ut ex eâ fiat  
compositum. Et, *An hæc ad hoc apta  
sit, an inepta.*

## Can. Refut.

*Materia debet esse apta, ut ex eâ fiat  
compositum.*

Nihil enim fieri potest ex materiâ ineptâ. Intellige  
rei naturalis, aut artificialis virtute. Deus autem po-  
test ex quovis, aut ex nihilo quodlibet facere.

## Ex. Refut.

Putris materia non est idonea, ut ex eâ fiat homo. E.  
homo non potest ex eâ generari. Ut Avicenna, aliique  
Philosophi existimârunt. Consulat qui volet Perer.  
lib. 8. de princip. c. 16. & Scaligerum 2. de plant.  
p. 386.

Est Indica arbor, Palmæ genus, quæ Coccus Hispanis  
vocatur; indigemis Tenga: ex cujus fructus cortice exte-  
riore, ait Cardanus, carbones; ex interiore vestes fieri.  
Quem Scaliger Exercitat. 158. l. 4. castigat ab ineptudi-  
ne materiæ: cum tota massa extrema fructus, nihil aliud  
sit, quàm filamenta; testa interior, dura.

## III.



III.

Ab inexistentiâ in composito. Et,  
Num hac in hoc inexistat, necne.

Can. Ref. ac Confirm.

- 1 Materia inexistit in suo composito.
- 2 Et, Ex quo inexistente componitur aliquid, id est ejus materia.

Aristoteli 2. Phys. c. 3. & 4 Metaph. c. 2. definitur materia, esse id ex quo inexistente fit aliquid.

Ex. Refut.

Nullum argentum inest in hoc apparente nummo. E. non constat ex argento.

Pullus non fit ex vitello. Id enim pullo jam perfectò, extra pullum relinquitur.

~~constat~~ Ex. Confirm.

Mundus fit ex Cælo, elementis, & mixtis corporibus, animatis, & inanimatis. E. hæc sunt Mundi materia.

Templum Dianæ Ephefæ ex candido marmore constructum fuisse, manifestum fuit. Quia hoc in eo conspiciabatur.

IV.

A Sufficientiâ. Num hoc non sufficiat:  
ad hoc componendum ex eo.

Can. Refut.

Materia est sufficiens ad compositum.

Si modò sit integra ipsius materia.

Ex. Refut.

Aquæ pluviales, & nivales in terræ cavernis collectæ, nequaquam sufficere possunt ad aquam fontibus, & fluminibus, per integrum annum suppeditandam. Quare illæ non sunt materia fontium, ac fluviorum perenniū. Sicut

aliqui putârunt. Quos illâ ratione refellit Philoſophus 1. Meteor. cap. 10.

*Univerſi halitus terrarum, ac marium, ad viam lacteam nequaquam ſufficiant, ſi ex halitibus conſtaret, & dicitur. Uti docet Philoſophus 1. Meteor. c. 8.*

**Artic. II. Loci à ſpecialibus materiæ affectionibus, non prærequiſitis ad ejus cauſſationem materialem.**

**I.**

**A non poſitione materiæ. Num ſine hac re poſitâ, hoc compoſitum fieret, annon.**

**Can. Refut. ac Confirm.**

*1 Sine materiâ poſitâ, compoſitum fieri non poteſt. 2 Et, Sine quo præſente, compoſitum aliquod non poteſt fieri, probabile eſt, id eſſe materiam ejus.*

*Præſertim, ſi non ſit ipſius efficiens, aut forma.*

**Ex. Refut.**

*Hoc templum conſtructum eſt ſine ullo marmore. E. non fit ex marmore.*

*Crystallus alicubi generatur ſine glacie. Ut in Cipro, & nonnullis aliis regionibus calidiſſimis. E. non omnis generatur ex glacie, tanquam materiâ. Ut quidam opinantur.*

**Ex. Confirm.**

*Nec ſine humore aqueo, nec abſque terrâ mœtuoſâ, & craſſiore lapides procreari poſſunt. Igitur fiunt ex utriſque tanquam materiâ. Sic aliqui Philoſophi diſputant.*

*Conim.*

Conimbricenses Philosophi, alique arbitrantur Crystallum montanum ex nive liquatâ, & deinde glaciam constare. Quare nullibi (ut ait Plinius) nisi ubi maxime byberna nives rigent, reperitur.

II.

A sublatione. An hoc sublato, tollitur hoc compositum, necne.

Can. Refut. ac Confirm.

1 Sublatâ materiâ, tollitur compositum.

Si modò sit totalis materia, aut principalis.

2 Et, Quo sublato, tollitur compositum, id est ejus materia.

Nisi sit efficiens conservans, aut forma rei.

Ex. Refut.

Purgato illo humore, tamen non tollitur hic morbus. E. ille non est hujus materia.

Aquæ pluviales, aut nivales, non sunt materia fontium perennium. Quoniam illis diu cessantibus, hi fontes tamen perennant.

Ex. Confirm.

Purgatâ bile è corpore, tollitur hic morbus. E. bilis fuit ejus materia.

Materia vel subjectum Iridis, est nubes concava, rorida, inque guttulas colliquescens. Quod inde probatur, quia quandocumque frigus, aut aliud agens eam nubem condensare incipit, in aquam versa dilabitur, & tunc Iris simul evanescit. Est argumentum multorum Philosophorum.

III.

A resolutione compositi in materiam manentem. Nam hoc compositum in hoc,

*hoc, idque permanens, dissolvatur, an-  
non.*

**Can. Refut. ac Confirm.**

**1 Si compositum resolvitur, dissolvi-  
tur in suam materiam.**

Aristoteles 3. Métaphys. *Omnia, inquit, corrumpun-  
tur in ea ex quibus constant.* Et 10. Ethic. Nicom. cap. 3.  
*In illud dissolvitur unumquodque, ex quo generatur.*

**2 Et, In quod aliquid dissolvitur, &  
manet post dissolutionem, illud est huius  
materiam.**

Nisi in dissolutione hominis, id sit anima ratio-  
nalis : nam ea etiam permanet post hominis disso-  
lutionem, neque tamen est ejus materia, sed forma.  
Eundem Canonem, Cardanus lib. 1. de subtil. hisce  
verbis efformat : *Si forma perit, manente aliquo, mate-  
riam illud esse necesse est.* Colleg. Conimbric. hunc Ca-  
nonem tradit. *Unumquodque ex iis conficitur, in que  
dissolvi potest.* ad 2. Phys. c. 2. qu. 2. arg. 7.

**Ex. Refut.**

*Quidam argumentantur, Crystallum non constare ex  
aqua. Quia non dissolvi potest in aquam.*

*Comete non conficiuntur ex pluribus stellis concurren-  
tibus, aut appropinquantibus, ut aliqui Philosophi exi-  
stimarunt. Non enim dissolvuntur in stellas.*

**Ex. Confirm.**

*Electrum metallum dissolvitur in aurum & argen-  
tum ; & aes Cyprium, in aes, & ferrum. Unde apparet  
illa ex istis composita esse.*

Scaliger Exercitat. 16. ait : *Quid fateri cogit nos, in  
mixtis elementa permanere ? Quia rursus in ea solvuntur.*

*Cerebrum esse commune aqua, & terrae, constat ex eo,  
quod ei accidit : quum enim coquitur, indurefcit, atque  
ficescit ;*

siccescit ; ut humore exacto à calore, terræ portio relin-  
quatur : quemadmodum in leguminum, reliquorumque  
fructuum decoctione : quod enim ex terrâ, magnâ ex par-  
te constant, hinc exacto humore, quem exiguum sibi ad-  
mistum continent, dura, terrenâque admodum ea relin-  
quantur. Aristot. 2. de part. animal. cap. 7.

**Artic. III. Loci materiæ compositi  
ex duabus ipsius affectionibus.**

**I.**

A qualitate, seu similitudine mate-  
riæ cum composito, & præsentia cum  
eodem.

**Can. Confirm.**

*Quod simile composito adest, ubi id  
fit, est ejus materia. Vel, Quod tale est,  
quale aliquod compositum, & hoc nus-  
quam fit, nisi ubi illud adsit, id hujus  
materia est.*

Nisi sit efficiens.

**Ex. Confirm.**

*Materia ventorum Peripateticis, est halitus calidus,  
& siccus. Quia venti plurimum exsiccant ; neque gene-  
rantur, nisi ubi ejusmodi halitus adsint.*

*Sic fontes salfos ex sale fossili constare, liquet ex salso  
sapore, & præsentia salinarum.*

**II.**

A non præsentia, & præsentia ma-  
teriæ cum composito, dum generatur.

**Can.**

## Can. Confirm.

*Sine quo presente, aliquod compositum nunquam fit ; & ubi illud adest, fieri solet ; id credibile est, esse compositi materiam.*

Si non sit causa efficiens.

## Ex. Confirm.

*Sine sulphure, sale petrae, & carbone, non potest fieri pulvis pyrius ; at eis permistis, fit. E. illa sunt hujus materia.*

*Gignuntur metalla in fodinis, ubi sulphur & argentum vivum adsunt ; nec sine illis unquam generantur E.*

*Cruditatem vocant doctissimi medici, morborum matrem, i.e. materiam. Quod quidem verum esse, probare possumus, quia qui cruditates coarctant, valetudinarii sunt, & in morbos facile incidunt ; & qui iis vacuisunt (ceteris paribus) bonam valetudinem fruuntur.*

## SECTIO II.

## LOCI A COGNATIS

## Materia.

Artic. I. Loci à Materiae superioribus :  
*Vel, materiis superiorum.*

## Locus I.

*A materiâ Generis, vel generalis compositi. An proposita materia sit materia omnium, an nullius ejus generalis compositi.*

Can.

Can. Refut.

1 Quod nullius alicujus generalis compositi materia est, id neque est materia specialis, aut singularis compositi.

Ex. Refut.

Simplex vapor aqueus non potest esse materia ullius metalli. E. neque auri.

Nulla unquam perfecta animalia generantur ex putri materiâ. Non igitur animalia perfecta quæ in Insulâ Madagascariæ, aut in Americâ reperiuntur, ex eâ generata sunt.

Can. Confirm.

2 Quod est materia generalis compositi, est etiam generalis materia ejusdem specialis, & singularis compositi.

Ex. Confirm.

Elementa sunt materia omnium corporum mistorum. E. etiam hominis.

Si cruditas est materia omnium morborum. E. etiam hujus morbi quo hic ager laboras.

II.

A materiâ specialis compositi ad materiam singularis. Num hujusmodi materia sit omnium istius speciei, an nullius.

Can. Refut.

1 Quod nullius alicujus speciei materia est, non est materia alicujus singularis ejusdem speciei.

Ex.

Ex. Refut.

*Aqua pluvialis non potest esse materia ullius fontis perennis. E. neque est hujus fontis, qui perpetuo fluit.*

*Nullus homo ex putri materiâ, & naturæ, generari potest. E. neque Americani sic generati sunt.*

Can. Confirm.

*2. Materia speciei, vel omnium unius speciei, est etiam materia sui singularis compositi.*

Ex. Confirm.

*Materia electri est aurum & argentum. E. & hujus electri.*

*Corpus humanum est materia hominis. E. & meum, mei ipsius.*

**Artic. II. Loci à materiis Inferiorum : ut, Specierum, & Singularium.**  
I.

*A speciali materiâ ad generalem. An proposita materia alicujus generalis, sit materia omnium specierum ejusdem generis, an nullius.*

Can. Refut. ac Confirm.

*1. Quod non est materia cujusdam speciei, neque est materia generis ipsius.*

*2. Et, Quod est materia omnium specierum, est etiam materia generis earum.*

Ex. Refut. ac Confirm.

*Sol, & Luna non fiunt ex inflammatis nubibus. E. stellæ non fiunt ex illis. Uti opinatus est Xenophanes apud Plutarchum lib. 2. de placit. cap. 13.*



Luna non videtur constare ex materiâ quâdam cœlesti, & ab elementari diversâ. E. nec omnes stellæ.

Materia auri, argenti, æris, & reliquorum metallorum est sulphur, & argentum vivum. E. ea sunt materia metalli in genere, vel omnium metallorum.

## II.

A singulari materiâ ad specialem. Si materia specialis examinanda est, videndum an ea sit materia omnium singularium ejus, an nullius.

Can. Refut. ac Confirm..

1 Quod non est materia alicujus singularis, non est materia speciei ejusdem.

2 Et, Quod est materia omnium singularium unius speciei, est materia ejusdem speciei.

Ex. Refut.

Nullo unquam exemplo compertum fuit, hominem ullum ex putri materiâ ortum fuisse. E. neque species humana sic generari potuit.

Ex. Confirm.

Mures quandoque ex putri materiâ gigni, constat exemplis, & experienciâ in Ægypto: ubi ex Nili limo in agris procreantur.

Artic. III. A contrario materiæ.

## I.

An hujus contrarium sit materia contrarii compositi, ánnon.

Can.

## Can. Refut. ac Confirm.

1 *Cujus contrarium non est materia unius contrariorum compositorum, id non est materia specialis alterius compositi.* 2 *Et, contrariorum compositorum materia speciales sunt contrariae.*

Materia quidem, & compositum quod substantia est, per se non habet contrarium: sed per accidens possunt: hoc est, ratione qualitatium, & actionum contrariarum: sic ignis, & aqua contraria sunt ratione caloris, & frigoris; itémque calefactionis, & frigectionis. Sic halitus calidus, & frigidus; itémq; humidus, & siccus; inter se contrarii sunt; & sunt materiae contrariorum meteororum, ut igneorum, & aqueorum.

## Ex. Refut.

*Halitus frigidi, non sunt materia calidorum meteororum. E. neque calidi frigidorum.*

*Errat Themistius in primo de Anima: qui dixit, album esse ex ignis permissione cum elemento pellucido. Cinis enim, & ossa, & nix, & ligna putrida, aliisque multa terrea ipsum facile redarguant. Scaliger Exercitat. 325. sect. 11.*

## Ex. Confirm.

*Halitus calidi, & sicci, sunt materia meteororum igneorum. E. è contrario, frigidi, & humidi, frigidorum humidorum.*

*Calida medicamenta composita constant ex calidis materiis. E. & frigida ex frigidis.*

**Artic. IV. Loci à comparatis materiae, in quantitate, & qualitate, i.e.**  
 1 A Majori. 2 A Minori. 3 A Pari.  
 4 A Simili. I.A

I.

A Majori. *An ubi proposita materia major ponatur, hoc compositum quoque majus fiat, necne.*

Can. Ref. ac Confirm.

1 Si majori posito, aliquando non fiat majus compositum, probabile est, id tale non esse materiam talis compositi. 2 Et, si ubi & quando aliquid majus ponitur, majus fieri solet compositum; tale absolutum probabile est esse materiam talis compositi.

Ex. Refut.

Si Crystallus generatur ex glacie, utique copiosius generatur semper in frigidioribus regionibus: at non ita est. E. non videtur generari ex glacie.

Ex. Confirm.

Quando plures halitus humidi & frigidi, in mediam aeris regionem subvehuntur, plures nubes ibidem generantur. E. illi sunt materia nubium.

Quibus anni temporibus major copia halituum calidorum, et siccorum gignitur, plures, ac vehementiores venti spirant. E.

II.

A Minori. *Num hac materiâ minus copiosa existente, minus fiat hoc compositum, necne.*

Can. Ref. ac Confirm.

1 Cujus minus, non est materia minoris.

*ris compositi, id tale non est materia talis compositi. 2 Et, Si aliquo minore existente, compositum minus fit, tale est materia talis compositi.*

Exempla facile colligi possunt ex prioribus, mutatis mutandis.

### III.

**A Pari.** *An hujus par sit materia paris compositi, ánon.*

Can. Ref. ac Confirm.

**I** *Si unum Parium non est materia unius parium compositorum, neque alterum materia erit alterius. 2 Et, Si unum eorum est materia unius, alterum quoque erit alterius.*

Hujus Locí à Paris materiâ, usus rariore est. Itaq; Exempla missa facio.

### IV.

**A Simili.** *Nunquid hujus simile, alterius similis compositi, materia sit, ánon.*

Can. Refut. ac Confirm.

**I** *Si unum simile non est materia unius similium compositorum, neque alterum erit materia alterius compositi. 2 Et, Si unum est, alterum item erit. Nam similem similes sunt materia.*

Ex. Refut.

Ex. Refut.

Cometa non videtur constare ex materiâ cœlesti. Ut quidam opinantur. Etenim alia similia meteora ignita, ut, Fax, Bolis, Trabs, &c. non constant ex materiâ cœlesti, sed elementari.

Ex. Confirm.

Sicut topi in aquis, itéuque in areis balneorum vasis, ex crassâ, et terrea materiâ generantur: ita ex cruditatibus gignitur calculus renum. Ut medici differunt.

Si Mus non semper ex parentum semine, sed è quisquiliis in navi: sic in aere, rana, haud ex ovo, sed ex aquâ genitali, cœlesti calore condensatâ, conformatâque. Scalliger Exercitat. 3 23.

**Artic. V. Loci à Comparatis in probabilitate.**

*Nonnunquam materia examinari potest à Comparatis in Probabilitate.*

I.

**A materiâ magis probabili.**

Can. Refut.

*Quod non est materia ejus cujus magis videtur esse, id minus videtur esse materia illius cujus minus videtur.*

Ex. Refut.

Leones, elephantes, aliâque perfecta animalia bruta, nunquam, naturæ vi, generantur ex putri materiâ. Neque Homo ex eâ sic generari potest. Ut Avicenna lib. de Diluvio, aliique nonnulli philosophi putârunt.

Cæterum, ab eo quod magis videtur, argumentario duci non potest ad confirmandum id quod minus videtur.

## II.

**A materiâ minùs verisimili.**

**Can. Confirm.**

*Si quòd minùs videtur esse materia alicujus compositi, tamen est materia; etiam illud quod magis videtur, materia erit.*

**Ex. Confirm.**

*Aliquando in mediâ aeris regione, ex halitibus procreata sunt metalla. Multò igitur magis credibile est, metalla in terræ-visceribus, ex halitibus generari posse. Hoc ipsum argumentum, paulò aliter efformatum, legere licet apud Colleg. Conimbric. in Meteor. tract. 13. cap. 1. Ubi antecedens probatur historiis metallorum, & massarum lapidearum venis metallicis infectarum, quæ e nubibus deciderunt: qualis nimirum solet esse lapis, qui fulmineus vulgò dicitur.*

*Hic autem Locus à minùs verisimili ad magis, non valet ad refellendum.*

## III.

**A materiâ æquè verisimili.**

**Can. Refut. ac Confirm.**

*1 Si unum eorum quæ æquè videntur materia, non est materia unius compositi, neque alterum alterius materia erit.*

*2 Et, Si unum eorum est materia unius, etiam alterum æquè videtur esse materia alterius.*

**Ex. Refut.**

*Si margaritæ gignantur ex rore, non minùs verisimile est,*

est, conchas earum, ex eodem gigni; cum eadem sit materia utriusque. At testa non generantur ex rore. E. neq; margarita. Ut Plinius, alique tradunt.

Ex. Confirm.

Lapides viles & vulgares ex succo lapidescente concrescunt. E. & gemmas ex puro & perspicuo halitu, seu liquore gigni aque verisimile est. Par enim utriusque ratio videtur.

Artic. VI. Loci materiae compositi  
è binis ipsius cognatis.

I.

Ab utrâque contrariâ materiâ posita.

Can. Confirm.

Quo posito, aliquod compositum fit; & contrario posito, contrarium compositum; illa videntur esse horum materia.

Ex. Confirm.

Ubi & quando calidi halitus existunt, generantur calida meteora, ut fulmina, &c. & è contrario, positis frigidis exhalationibus, gignuntur frigida meteora; ut, nubes, pluvia, &c. E. illa sunt materia calidorum meteororum; & hæc frigidorum.

II.

A materiâ Majori, & Minori.

Can. Confirm.

Quo majori posito, aliquod compositum majus fit; & minori, minus; probabile est id tale esse talis materiam.

Ex. Confirm.

## Ex Confirm.

*F* Ex maximis montibus, plurimi, maximique fontes, & flumina oriuntur; & ex minoribus, pauci, & parvi. E. fontes ex aëre in montium cavernis, frigore in aqua guttulas condensato generari putandum est.

Hactenus de Examine Materiae.

---

CAP. V.

---





CAP. V.

# DE FORMA EXAMINANDA.

SECTIO I.

LOCI A SPECIALIBUS  
*Affectiōibus Formæ.*

Articulus I.

Loci à Conditionibus Formæ, ut possit causare formaliter, seu informare.

**M**ateria Examine modò explicato, reliqua est altera causa externa, quæ est Forma.

LOCI EXAMINANDI  
Formam sunt.

I. A Conditionibus Formæ prærequisitis, antequam causset formaliter.

1 Quòd debeat esse finis propter quem agens disponit materiam. 2 Ab inexistentiâ in materiâ, & composito.

D

II. Ab

II. Ab affectionibus formæ specialibus non prærequisitis : ut,

1 *A non positione in materiâ, & non constitutione compositi in specie.* 2 *A positione in materiâ congruâ.* 3 *A coalescentiâ cum materiâ, in unum per se compositum.* 4 *A sublatione formæ, & compositi.* 5 *Ab interitu formæ, dissoluto composito.* 6 *Ab unitate formæ essentialis in uno composito.* 7 *A formæ imperfectione præ composito.*

III. Ab officiis formæ : ut, 1 *Atributione essentia perfectæ composito.* 2 *Atributione differentia constitutiva composita.* 3 *A distinctione compositi ab omnibus aliis, à priori.* 4 *A primariâtributione omnium operationum composito.*

IV. Loci formæ substantialis : 1 *Quòd sit substantia.* 2 *Ab insensibilitate.* 3 *Ab invariabilitate.* 4 *Ab unitate in uno composito.* 5 *Quòd non habeat contrarium.* 6 *Atributione perfectionis composito naturali.*

V. Loci formæ compositi è pluribus ejus affectionibus : 1 *A positione in materiâ*

li- materiâ congruâ, & sublatione. 2 A tri-  
 on- butione composito essentia perfectâ, &  
 A distinctionis, aut operationis : aut ab eis  
 tribus simul.

LOCI A COGNATIS FORMÆ.

I. A formis Inferiorum composito-  
 rum : ut, 1 A Specie Formæ ad gene-  
 ra- ra-lem.

2 A Singularibus Formæ ad specia-  
 lem.

II. A Formâ Contrarii compositi.

III. A Comparatis Formæ : ut,  
 1 A Pari. 2 A formâ rei similis.

Locus I.

A fine propter quem agens disponit  
 materiam. Et, An hac sit ille finis,  
 an non.

Can. Refut. ac Confirm.

1 Forma est finis generationis. Sive,  
 est finis propter quem agens disponit ma-  
 teriam.

2 Et, Quod est finis generationis, est  
 compositi forma.

Sive, Propter quod agens disponit materiam, id est  
 compositi forma. Scholastici aiunt. In omnibus, quæ non  
 à casu generantur, necesse est formam esse finem genera-  
 rationis

*rationis cujuscunque.* Quod desumptum est ex Aristotele 2. Phys. text. 77. ubi inquit, *Quid est, & cujus gratia, esse unum.* Quod idem repetit 1. de Generat. ac Corrupt. t. 55. & 5 Metaphys. c. 24. ac consimiliter ait 2. de Generat. & Corr. c. 9. t. 51. Nimirum, agens disponit materiam, ut in eam introducat formam.

Ex. Refut.

*Finis generationis Hominis, non est figura seu forma externa corporis humani. E. ea non est causa formalis hominis.*

Ex. Confirm.

*Architectus disponit lapides, ligna, aliâque, ut in ea idoneam domus figuram introducat. Et ea est forma domus.*

*Sol limum, aut aliam putrem materiam disponit ad animam muris introducendam. E. ea anima est forma muris generati.*

## II.

*Ab inexistentiâ in materiâ, & composito. Et, Annon inexistat hac in hac materiâ, & composito.*

Can. Refut.

*Forma inexistit in materiâ, & composito.*

Vel, *Forma debet esse intimè præsens cum entitate materiæ.* Quæ præsentia est conditio formæ adeò necessaria, ut sine eâ (ait Suarez 1. Tom. Metaphys. Disput. 15. sect. 6. num. 4.) etiam de potentiâ Dei absolutâ, non possit Forma suum effectum præstare. Quis enim intelligat formam substantialem loco distantem à corpore, componere substantiam per se unam. Quæ quidem præsentia, & propinquitas formæ cum materiâ, non est localis præsentia, sed aliquid distinctum

distinctum ab illâ, ac necessariò præter ipsam requisita, ut fiat compositio materiæ & formæ per intimam unionem. Atque hæc actualis unio formæ ad materiam, est ipsamet Causa actualis formæ: quia posita hac unione, forma necessariò suam exercet causalitatem: positis autem omnibus aliis, & ablata unione, impossibile est formam eam exercere.

Ex. Refut.

*Cælum non informatur ab intelligentiâ. Ea enim in materiâ, nullo modo est. Alia igitur forma quærenda.*  
 Scaliger Exercitat. 61. sect. 1.

Artic. II. Loci ab affectionibus formæ specialibus, non prærequisitis.

I.

*A non positione in materiâ, & non constitutione compositi in specie. Utrum hoc non posito cum materiâ, compositum constituatur in specie, annon.*

Can. Refut. ac Confirm.

*1 Sine formâ posita in materiâ, compositum non constituitur in specie. 2 Et, Sine quo posito in materiâ, non constituatur aliquod compositum in specie, id est huius forma.*

Ex. Refut.

*Si non ponerentur intelligentiæ cum orbibus cælestibus, illi tamen suas haberent formas, quibus in specie constituerentur. Quare intelligentiæ non sunt illorum formæ.*

Ex. Confirm.

*Si elementa considerantur, quatenus elementa sunt, & subiecta missionis; eâ ratione eorum primæ qualitates sunt*

*illorum formæ constitutrices. Quia sine his, corpora illa non essent elementa. Sic aliqui philosophi ratiocinantur, & inter eos Zabarella.*

*Forma Mundi est pulcherrimus ordo, seu ordinata series corporum naturalium. Nam sine illo ordine non esset Mundus.*

## II.

*A positione in materiâ. Num hoc posito in hac materia, hoc compositum constituatur in specie, necne.*

*Can. Refut. ac Confirm.*

*1 Positâ formâ in materiâ congruâ, necessario fit compositum.*

*Aliàs, non necessario ponitur formatum: cum enim anima humana egreditur è corpore humano per mortem, unitur ad partes aëris; nihilominus ibi non fit homo: quoniam aër non est materia idonea animæ humanæ.*

*2 Et, Quo posito in materiâ aliquâ, necessario fit aliquod compositum, id est ejus forma.*

*Ex. Refut.*

*Positâ figurâ humanâ in humano corpore, non necessario fit homo. Ut liquet in cadavere hominis. E. ca non est forma hominis.*

*Si anima rationalis ingrederetur in corpus equinum; tamen ibi non fieret homo. Quia sic non ponetur in congrua materia.*

*Ex. Confirm.*

*Positâ animâ rationali in corpore humano, necessario fit homo. E. illa est forma hominis.*

*In massam argenteam idoneæ molis, inductâ figurâ idoneâ*

illa  
an-

idonea poculo, necessario fit poculum. Illa igitur est forma poculi.

## III.

ata  
set

o-

n-

A coalescentiâ formæ cum materiâ, in unum per se compositum. Et, Utrum hac cum hac materiâ, in hoc coalescat compositum, necne.

Can. Ref. ac Confirm.

1 Forma unâ cum materiâ in unum coalescit compositum, per se. 2 Et, Quod unâ cum materiâ, in unum quoddam per se coalescit compositum, id est ejusdem compositi formâ.

Ex. Refut.

Intelligentia est quid per se, & completum in sua specie: ac proinde non potest in unum per se cum Cælo quod movetur, coalescere. Non igitur est ejus forma constituens. Sic aliqui philosophi disputant adversus Capreolum, Mirandulan. aliosque.

Ultima unitas non est forma numeri. Nullus enim in rebus est ordo, nullâve unio inter has unitates potius, quàm inter alias. Suarez Metaphys. disput. 41. sect 4. num. 14.

Ex. Confirm.

Anima rationalis cum corpore humano in unum per se coalescit compositum. Itaque ea est forma hominis.

## IV.

A sublatione formæ & compositi. Num hoc sublato, tollatur hoc compositum, necne.

D 4

Can.

## Can. Ref. ac Confirm.

1 *Formâ sublatâ, immediatè tollitur compositum.* 2 *Et, Quo sublato, aliquod compositum immediatè tollitur, id est huius forma.*

Aliqui sic formant Canonem Confirmationis, Quo sublato, res tollitur, id est forma rei. Itaque aiunt ultimam unitatem in numero, esse formam illius numeri: quia eâ sublatâ, v.g. ex ternario, definit ternarius. At verò citra limitationem non est verum illud axioma. Nam primò sublatâ parte principali, ut capite, vel corde, tollitur homo, tamen ea non est hominis forma. Secundò, sublatâ totâ materiâ, etiam tollitur species: & tamen materia non est forma. Tertiò, sublatâ ~~propter~~ <sup>quod</sup> tollitur res, quæ tamen non sunt formæ. Sed illud forma est, quod sublato, res proximè tollitur: cæteris autem sublatiis, remotè tollitur compositum: quoniam inter illa sublata, & compositum, tollitur forma.

## Ex. Refut.

Sublatâ potentiâ intellectus, non immediatè tollitur homo. Ea ergo non est forma hominis.

## Ex. Confirm.

Destructâ figurâ navis, immediatè destruitur navis. Itémq; est in aliis rebus artificialibus. E. illæ figuræ sunt harum rerum formæ.

Si oculus esset animal, utique aspectus esset ejus anima: hic enim est essentia oculi (ὁ οὐλός) Oculus enim est materia aspectus: quo deficiente, non est oculus, nisi homonymus; quemadmodum lapideus, & pictus. Arist. 2. de Animâ c. 1. r. 9.

## V.

Ab interitu formæ dissoluto composito.



posito. *An hac permaneant post hujus compositi dissolutionem.*

Can. Refut.

*Forma perit dissoluto composito.*

Exceptâ solâ formâ humanâ : quæ est anima rationalis.

Ex. Refut.

Sublatâ primâ, vel secundâ unitate, in numero ternario, destruitur ille numerus : & tamen permanere potest unitas illâ, quæ fuit ultima. E. ultima unitas non est forma numeri.

## VI.

A formæ imperfectione præ composito. *Estne hæc perfectior hoc composito ?*

Can. Refut.

*Forma est imperfectior suo composito.*

Compositum enim omne perfectius est suâ formâ : quoniam illud includit in se, quicquid est perfectionis in formâ ; & aliquid amplius. Atque forma est propter compositum, tanquam propter finem proprium, ac præcipuum. Hujusmodi autem finis perfectius quid est eo quod ad finem ordinatur : ut multis locis docet philosophus.

Ex. Refut.

Intelligentia sive angelus, si quis movet aliquam sphaeram cælestem, est eîdem perfectior ac nobilior. E. non est ipsius forma propriè dicta, seu informans.

Artic. III. Loci ab Officiis formæ.  
Sive, ab iis, quæ forma tribuit  
composito.

## I.

A tributione essentiæ perfectæ com-  
posito. *Et, Num hæc res huic eam tri-  
buit, ánon.*

Can. Refut. ac Confirm.

1 *Forma tribuit essentiam completam  
composito.*

2 *Et, Quod tribuit essentiam perfectam  
alicui, est ejus forma. Sive, Id est forma  
rei, per quam res est id quod est.*

Canon Refutationis variè effertur : ut, *Forma dat  
esse rei specificum. Forma est essentiæ, seu quidditatis  
ratio. Quod docet philosophus 2. Phys. c. 2. Forma  
constituit rem in suo esse. Forma est principium essendi, &  
facit esse. Item, Res per formam in certo gradu entium  
constituitur. Quapropter Aristoteles formam vocat,  
ἐντελέχειαν, 2. de Anima c. 1. Et λόγον τῆς οὐσίας,  
1. Post. 11. & 2. Phys. 3. & 5. Metaph. 2. Item,  
οὐσίαν τῶ πρᾶγματι, rei essentiam, 1. de ge-  
nerat. animal. c. 1. Necnon λόγον εἰδικόν, καὶ  
οὐσιώδη, καὶ τὸ τὶ ἦν εἶναι; rationem specificam,  
& essentialem, & ipsum quid sit. Hoc enim officium  
est formæ propriè dictæ, tribuere rei essentiam com-  
pletam, seu rem in certâ specie constituere. Quo  
nulla certior est veræ formæ nota & indicium.*

Ex. Refut.

*Figura hominis non facit eum esse hominem. Ut liquet  
in*

in homine mortuo : qui non est homo, nisi æquivocè.  
*E. ea non est forma hominis.*

*Intelligentia non confert esse substantiale suo orbi, ipsūque constituit in specie. Quippe qui formam aliam sibi propriam habet, quæ id ipsi confert. E. intelligentia non est forma sui orbis. Contra sentent. Capreoli in 2.d. 9.q.1. art.2. & Mirandulan. lib.21. de eversione certam aliòsque.*

*Ex. Confirm.*

*Anima rationalis tribuit homini essentiam perfectam ejus. E. ea est forma hominis.*

*Mediocritas virtutem moralem in specie constituit. E. virtus in mediocritate formaliter consistit.*

*Quod unitas sit forma numeri, manifestum est : quod ipsa addita variat speciem, & affectum speciei, par, impar. Scaliger Exercit. 26. sect.5. Atqui hanc sententiam, quæ etiam Thomæ est, multi impugnant, & inter eos Suarez, eo argumento, quod suprà ex eodem attulimus, hoc cap. artic. 2. loco 3. Cui nos assentimur..*

## II.

*A tributione differentia constitutivæ composito : Vel, ab eo unde differentia illa sumitur. Et, An hac eam huic tribuat, necne. Vel, Num differentia constitutiva à propositâ formâ sumatur, annon.*

*Can. Refut. ac Confirm.*

*I. Forma dat differentiam constitutivam composito..*

*Vel, Differentia essentialis sumitur à formâ rei. Quod axioma traditum est à philosopho 8. Metaphys. 2 Et,*

2 *Et, Id à quo rei differentia constitutiva sumitur, est ipsius forma.*

Ex. Refut.

Cum animal dividitur in rationale, & irrationale; irrationale non sumitur à formâ bruti animalis. E. anima irrationalis non est illius forma.

Ex. Confirm.

Differentia constitutiva animalis, quæ est sensibile, sumitur ab animâ sensitivâ. E. ea anima est forma animalis.

Differentia sumitur à formâ rei. Sed differentia constitutiva hominis, est rationale: quod dicitur de homine ratione intellectivi principii. Intellectivum ergo principium est forma hominis. Thomas 1.p.q.76.artic.1.

### III.

A distinctione compositi ab omnibus aliis, à priori. Num hæc res hoc compositum ita distinguit, annon.

Can. Refut.

*Forma distinguit rem ab omnibus aliis, à priori.*

Sive, A formâ omnis distinctio, & determinatio rei provenit, ait Zabarel.lib.de constit. individ.c.5. & de nat.Coeli c.4. Hoc etiam officium formæ est, & à priori illo dependens, quod fuit, tribuere esse rei. Si enim forma dat esse, dat etiam unitatem; ac proinde distinctionem: quoniam unitas importat distinctionem à quovis alio. Observandum autem distinctionem esse duplicem: alia namque sumitur à priori; alia à posteriori: quomodo elementa per qualitates, & loca distinguuntur; individua per accidentia, &c. forma verò distinguit rem à re, à priori, seu essentialiter:

cialiter : nimirum dando ultimum esse rei.

Can. Confirm.

2 *Quod distinguit aliquid ab omnibus aliis, à priori, id est ejus forma.*

Idem enim est principium essendi, & distinguendi.

Ex. Refut.

*Summus calor in igne, non distinguit ignem ab aliis elementis, à priori : nam est naturâ posterior igne. Et ille non est forma ignis. Ut quibusdam videtur.*

Ex. Confirm.

*Anima rationalis distinguit hominem ab aliis omnibus : idque à priori. Et ea est forma hominis.*

IV.

*A primariâ tributione omnium operationū composito. Num hac sit earum primum principium in hac re, necne.*

Can. Refut.

1 *Forma est primum principium omnium operationum in composito.*

Aristoteles 1. de Generat. context. 55. & lib. 2. text. 53. *Materie, inquit, est moveri, & pati : movere autem & operari, est forma. Non autem existimandum est, omnem formam dare operationem composito. Nam quantitas, tanquam abstractum ; est quanti, tanquam concreti forma : & tamen quantitas nullam dat quanto actionem, quâ tale est. Intelligitur ergo axioma, hoc sensu, quod forma, & nulla alia res sit originale, sive primum principium operationum in composito. Consule, si vis, Thomam, 1. p. q. 76. art. 1. Dictum est formam esse primum principium : quia qualitates etiam sunt principia operationum.*

tionum in composito; sed secundaria, & instrumentalia. Et quoniam qualitates, & partes integrales sunt instrumenta formarum, ideo eorum operationes primò & primariò referuntur ad formam. Unde ait Scaliger 2. de plant. p. 332. *A qualitate sunt actiones tanquam ab instrumento: à certâ verò formâ, tanquam (principio) perficiantur.* Itémque 2. de plant. p. 462. *Forma est ille imperator, cujus imperio pareant alia, cujusque ex præscripto res tota agatur.* Et similiter p. 469.

### Can. Confirm.

*2 Primarium principium operationum in quovis composito, est forma ipsius.*

Nam præter formam nihil est, quod originalis operationum causa esse possit: quia nihil agit, nisi per actum, & formam. Idem Canon aliter effertur: ut, *Illud quo primò aliquid operatur est forma ejus cui operatio tribuitur.* Apud Thomam 1. p. q. 76. artic. 1. corp. Item, *Principium operationum cujuslibet rei naturalis, oportet esse ejus formam.* Apud Colleg. Conimbric. ad 2. de Anima c. 1. artic. 2. 2. conclus. Hoc ergo infallibile signum formæ à quibusdam vocatur.

#### Ex. Refut.

*Primæ qualitates non sunt primarium, & originale, principium operationum elementorum. Non igitur illæ sunt elementorum formæ. Ut nonnulli statuunt.*

*Calor innatus, aut spiritus, non sunt primarium principium in ullo animante: sed secundarium, & instrumentale. E. neutrum illorum est forma illius in quo inest.*

#### Ex. Confirm.

*Anima est id quo primò vivimus, sentimus, movemur, & ratiocinamur. E. anima est forma viventis, sentientis, movemur, & ratiocinantis. Ita argumentatur Aristoteles 2. de Anima context. 2. 4.*

*Propria operatio hominis, in quantum est homo, est intelligere;*

telligere ; sed ejus operationis principium est anima rationalis. Ea igitur est forma hominis. Thomas 1. part. qu. 76. art. 1. cor. Quo ipso argumento complures alii Theologi & Philosophi utuntur.

## Artic. I V. Loci formæ substantialis.

Nomine substantialis formæ nihil aliud significatur , quàm substantia quædam partialis , quæ ita unitur materiæ , ut cum illâ componat , & constituat substantiam integram , & per se unam : ut anima rationalis , quæ cum corpore humano unita constituit hominem. Quoniam autem formæ substantiales nullo experimento cognosci possunt , dubitari potest , utrùm illæ dentur , necne. Quas plerique antiquorum philosophorum ignorârunt. Nonnulli etiam è posterioribus philosophis , saltem in elementis negârunt : & prius tenuit eandem sententiam Galenus lib. 1. de Elementis : & ante eum idem sensit Empedocles , qui mistorum formas non negavit , sed elementorum : ut significat Aristoteles 1. Phys. context. 51. & 2. Phys. text. 22. Sed jam receptum est apud omnes ferè philosophos , cunctas res naturales corporeas constare formâ substantiali , præter materiam , tanquam principio intrinseco , & causâ formali. Quæ sententia est etiam Aristotelis innumeris in locis : qui sæpe reprehendit veteres philosophos , quòd fere prætermisâ substantiali formâ , omnem inquisitionem circa materiam adhibuerint : ut constat ex toto lib. 1. Phys. & ex lib. 2. cap. 1. Ubi formam perfectiorem naturam dicit esse quàm materiam. Idem habet 1. de part. animal. c. 7. & 7. Metaphys. c. 4. & lib. 12. c. 2. ubi vocat formam , *hoc aliquid* , quia complet substantiam , quæ est hoc aliquid : & lib. 7. Metaphys. vocat formam , *quod quid est* : & rationem reddit , quia ipsa est quæ constituit , & distinguit rerum essentias.

Prætermitto

Prætermitto alios locos eodem pertinentēs. Sed & ante Aristotelem, substantialem formam agnovit Plato, ut constat ex Timæo. Et ante Platonem nonnulli philosophi creduntur substantiales formas attigisse : ut constat ex Aristotele 1. de part. animal. c. 1. & 2. Præterea, rationibus probari potest, in quavis re naturali, præter materiam, dari formam aliquam substantialem, quæ prior sit naturâ omnibus accidentibus : nam partes substantiæ ipsæ etiam sunt substantiæ. Et si res tantum è materiâ constarent, omnium eadem esse essentia, & operatio, & nulla vera inter eas distinctio. Etenim ab accidentibus vera essentia, & operationum diversitas peti non potest. Actus enim & perfectio essentialis rei, unde sumitur differentia, ad idem genus pertinet, in quo res ipsa ponitur : vel nullum imperfectum in aliquo genere, perficitur in illo genere, nisi per aliquid illius generis. Materia ergo cum sit imperfecta substantia, & perficiatur in composito ; per aliam substantiam, i.e. formam perficietur. Adhæc, ipsa diversitas accidentium, & operationum, undenam est ? Cur ignis non frigidus, sed calidus ? Non ob materiam, hæc enim nihil agit, nullamque distinctionem parit ; sed est planè inefficax : igitur quid nobilius præsupponendum est. Denique, si forma rei naturalis esset accidens, nulla rerum daretur generatio, sed tantum alteratio. Dantur igitur formæ substantiales. Eandem sententiam pluribus rationibus confirmatam legere licet apud Metaphysicos, & Physicos, qui hanc questionem tractant : & imprimis apud Suarez 1. Tom. Metaphys. Disput. 15. sect. 1. Examen igitur speciale formarum substantialium, hoc Articulo seorsum trademus : priores autem formæ Loci, ac Canones fere generaliores sunt, & aliis etiam formis conveniunt.

*T. Primò*



I.

*Primò examinandum est, an accidens aliquod statuatur forma rei naturalis corporeæ propositæ.*

Can. Refut.

*Forma rei naturalis corporeæ, est substantia.*

Sive, negativè : Nullum accidens est forma rei naturalis corporeæ. Non autem item rei artificialis compositæ : nam hujus forma semper est accidens : ut, ensis, ejus figura propria ; & domus, apta dispositio materialium partium ipsius.

Ex. Refut.

*Lux Solis, aut alterius stellæ, est accidens. Non ergo est forma substantialis Solis, aut stellæ.*

*In his quæ univocè dicuntur, quod uni est accidens, alteri non potest esse substantia. At primæ qualitates univocè dicuntur in simplicibus, & mixtis ; & in mixtis, sunt accidentia. E. in elementis, substantiæ esse nequeunt ; nec proinde substantiales formæ. Est Averrois syllogismus.*

II.

*Ab insensibilitate. Et, An hac percipiatur sensu, per se.*

Can. Refut.

*Nulla forma substantialis est per se sensu perceptibilis.*

Quia qualitatibus, quæ sunt objecta sensuum, non est prædita.

Ex. Ref.

Ex. Refut.

*Summus calor ignis sensu tactus percipitur. E. non est ignis forma. Ut quidam opinantur.*

*Lux astrorum aspectu percipitur. Non igitur est astrorum forma. Ut nonnullis videtur.*

### III.

*Ab invariabilitate : sc. juxta gradus intensificationis, & remissionis. Num hac varietur gradibus.*

Can. Refut.

*Forma substantialis est invariabilis gradibus.*

Sive, Forma substantialis caret intensione, ac remissione : seu, non suscipit, magis, ac minus. Ut effert Thomas. Hinc illud vulgatum, Forma consistit in indivisibili. Quod desumptum ex Aristotele 7. Metaphys. text. 7. Ubi formam comparat numero ; cui siue addas, siue demas aliquid, non manet idem qui ante erat : forma enim est substantia per se, omnis quantitatis, dimensionis, & divisionis expers : fit autem quanta per accidens, quatenus in materiâ inhaeret : ad cujus extensionem, & divisionem extenditur, & fit divisibilis.

Ex. Refut.

*Primæ qualitates suscipiunt magis, & minus. E. illa non sunt elementorum formæ substantiales. Sic quidam philosophi disputant adversus Philoponum, Alexandrum, & Ammonium.*

*Substantia, & forma substantialis, nullam patitur sui remissionem, aut intensiorem. Quam tamen lux passim admittit. Lux ergo non est forma astrorum.*

## IV.

Ab unitate formæ substantialis in uno composito. Num aliud quid sit forma substantialis huius rei.

Can. Refut.

*In uno composito naturali est unica forma substantialis.*

Vel, Unius rei una tantum forma est specifica. Vel negativè, Formæ plures specificæ non possunt in unâ eadēque materiâ, & composito substantiali simul consistere. Probantur supradicti Canones, sive Canon potius, ex sufficientiâ cujusvis formæ substantialis : quæ necessariò talis est, ut per se sola sufficiat ad constituendum unum substantiale compositum completum, in ultimâ specie substantiæ : ergo non solum non requirit aliam formam concausantem illum effectum, verum etiam neque illam admittere potest. Itaque non potest res aliqua simul esse sub diversis speciebus substantiæ : ut non potest aliquid simul esse homo, & equus ; neque esse simul aër, & aqua. Plures rationes ad idem comprobandum, videre est apud Suarez Metaphys. 1. Tom. Disp. 15. Sect. 10. & alios Metaphysicos. Idemque docent Scholastici, & inter eos Thomas.

Ex. Refut.

! Duæ formæ substantiales non possunt in eadē materiâ consistere. At in aere propriam formam retinente, excipitur lux à Sole, & astris diffusa. Quapropter lux Solis, aut astrorum, non est eorum forma. Sic quidam philosophi differunt.

## V.

*A carentiâ contrarii. Et, Num hac habeat contrarium.*

Can. Refut.

*Formæ substantiales non sunt contrariae.*

Quod axioma frequens est apud Scholasticos.

Ex. Refut.

*Summus calor ignis est contrarius summo terræ frigori. E. non est ignis forma substantialis.*

## VI.

*A tributione perfectionis essentialis composito substantiali naturali. Et, Utrùm hac res huic eam tribuat, annon.*

Can. Refut. ac Confirm.

*1 Forma substantialis tribuit perfectionem essentialem composito substantiali naturali.*

Vel, Est perfectio compositi substantialis, seu naturalis.

Non autem quælibet forma accidentalis. Ut Thomas, aliique Scholastici docent.

*2 Et, Quod composito substantiali naturali tribuit perfectionem essentialem, est ejus forma substantialis.*

Ex. Refut.

*Figura corporis humani, aut potentia intelligendi, non tribuit homini perfectionem essentialem. E. non est ejus forma essentialis.*

Ex. Con-

Ex. Confirm.

*Anima rationalis tribuit homini perfectionem essentialem humanam. E. est ejusdem formæ substantialis.*

Artic. V. Loci formæ compositi è pluribus ejus affectionibus.

I.

A non positione, & positione.

Can. Confirm.

*Sine quo posito in materiâ, aliquid non constituitur in specie; & posito, constituitur; id est ipsius formæ.*

Ex. Confirm.

*Navis habet, suam formam, quâ est navis: eâque est figura illa ex lignorum compositione proveniens. Per banc enim navis in specie constituitur; & sine hac, non esset navis. Zabarel. lib. de ment. human. cap. 2.*

II.

A positione, & sublatione.

Can. Confirm.

*Quo posito in materiâ aliquâ, necessario constituitur compositum; & sublato, tollitur; id est illius formæ.*

Ex. Confirm.

*Forma poculi quâ est poculum, nihil aliud est, quàm figura sua. Nam eâ inductâ in materiam poculo idoneam, ut argentum, vitrum, aut aliud; fit poculum, eadêmque sublata, destruitur.*

*Similiter probari potest pulcherrimum illum ordinem, seu dispositionem omnium corporum naturalium, esse formam Mundi.*

III.

## III.

A constitutione in specie, & distinctione à priori.

Can. Confirm.

*Quod rem aliquam certâ specie constituit, & ab aliis omnibus distinguit; id ejus forma est.*

Ex. Confirm.

*Id est vera cujusque rei forma, quod rem certa specie constituit, & ab aliis sejungit. Atqui ita se habet anima intellectiva, respectu hominis. Est igitur vera ejus forma. Hoc syllogismo utitur Colleg. Conimbric. in 2. de Animâ, cap. 1. q. 6. art. 2. Idemque argumentum existat apud Zabarel. lib. de ment. human. Ubi etiam fusè probat, idem esse ipsius Aristotelis.*

## IV.

Nonnunquam ex tribus affectionibus conjunctis confirmatur forma: ut, Atributione essentiae specificæ, & distinctionis, & operationum.

Can. Confirm.

*Quod dat alicui essentiam specificam, distinctionem à priori, & operationes, id est ejus forma.*

Ex. Confirm.

*Homo & essentiam hominis, & distinctionem intrinsecam, & operationes, sibi ut homini convenientes, habet ab anima rationali. E. ca est hominis forma. Sic aliqui philosophi confirmant formam à tribus ejus officiis simul. Hactenus de Locis ab Affectionibus formæ.*

Se& II.

## SECTIO II.

DE LOCIS A FORMIS  
*Cognatorum compositorum.*Artic. I. De Locis à Formis Inferio-  
rum compositorum.

**I**N Causâ formali examinandâ, sicut  
in scrutandâ, ut antè dictum, exiguus  
est usus Locorum à Cognatis formis :  
paucos tamen trademus, ut hac quoque  
Sectio, sicut in prioribus causis, addatur.

## Locus I.

A Specie formæ ad generalem. Num  
hujus generalis formæ species sint formæ  
specialium compositorum, an aliqua  
non sit.

## Can. Refut. ac Confirm.

1 Si aliqua species generalis formæ  
propositæ, non sit forma specialis compo-  
siti, neque generalis erit forma generalis  
compositi.

2 Et, Si omnes species generalis formæ  
propositæ, sint formæ specialium, gene-  
ralis erit forma generalis compositi.

Ex. Ref.

Ex. Refut. ac Confirm.

*Summus calor non est forma ignis, quâ ignis. E. primæ qualitates non sunt formæ elementorum absolute, seu quâ substantiæ sunt, aut corpora naturalia.*

*Mediocritas est formalis ratio seu formale Temperantiæ, Fortitudinis, & reliquarum virtutum moralium. E. mediocritas est ratio formalis virtutis moralis in genere.*

## II.

*A Singularibus formis ad specialem. Utrum omnes singulares formæ hujus specialis, sint formæ singularium compositorum, an quædam non sint.*

Can. Refut. ac Confirm.

*1 Si omnia singularia hujus specialis formæ propositæ, non sint formæ singularium compositorum, hæc specialis non erit forma hujus specialis compositi.*

*2 Et, Si illæ omnes sint formæ, hæc quoque erit hujus generalis rei formæ.*

Ex. Refut. & Confirm.

*Lux Stellæ Caniculæ, non est ipsius forma. E. lux astrorum non est eorum forma.*

*Forma Socratis, Platonis, & iniuscujusque hominis, est sua singularis anima rationalis. E. anima rationalis est forma hominis.*

Artic. II. A formâ contrarii compositi.

## I.

*An hujus contrarium sit forma alterius contrarii compositi, an non.*

Can.



Can. Refut. ac Confirm.

1 Si unum contrarium non est forma unius contrariorum compositorum, neque alterum erit alterius.

2 Et, Si unum est, alterum quoque erit.

Ex. Ref. ac Confirm.

Summus calor non est forma ignis. E. e contrario; neque summum frigus est forma terræ.

Mediocritas est formale virtutis moralis. E. immediocritas, vitii.

Artic. III. A Comparatis formæ.

I.

A Pari, vel æquè verisimili. Num par hujus, sit forma alterius paris, necne.

Can. Refut. ac Confirm.

1 Si unum parium non est forma unius compositi, neque alterum videtur esse forma alterius.

2 Et, Si unum est, alterum quoque videtur esse.

Ex. Refut. ac Confirm.

Lux Solis non est ipsius forma. E. neque lux Veneris, quæ Martis erit illorum forma.

Figura poculi, & figura ensis, in idoneâ materiâ, æque videntur esse illorum formæ. Atqui illa est illius; E. & hæc hujus.

II.

A formâ rei similis. Sitne hujus similis, forma rei similis, annon.

E

Can.

## Can. Refut. ac Confirm.

1 Si unum similem non est forma uni-  
us similem compositorum, neque alterum  
erit forma alterius.

2 Et, Si unum eorum est forma, alte-  
rum similiter erit alterius.

Ex. Ref. ac Confirm.

Ut lux stella Veneris, non est ejus forma : ita nec lux  
Mercurii erit forma ipsius.

Quemadmodum magnificentissimi alicujus Palatii,  
aut Templi forma, est ordinata dispositio lapidum, ligno-  
rum, &c. e quibus constitutum est : consimiliter Mundi  
forma est pulcherrimus ordo, seu series corporum naturali-  
um, e quibus constat.

Hactenus de examine Formæ, adeoque omnium  
Causarum, dictum est.

CAP.



CAP. VI.

# DE EXAMINE Effectuum.

**R**eliquum est, ut de modo examinandi rerum Effectus dicamus: quâ in re nos breves esse decet: quoniam Effectuum examinandorum ratio, non difficulter ex cognita doctrinâ examinis Causarum, suprà traditi, colligatur.

Causa enim & Effectus in quolibet genere sunt correlata, & inter se mutuâ correspondent, ut alterum dicatur alterius: ut, si hoc sit efficiens illius, illud est effectus huius; si hoc sit Finis illius, illud est Medium, seu Destinatum huius; si hoc sit Materia, illud est Materialium; si hoc Forma, illud Formatum. Et, pariter correspondent Canones Refutationis, ac Confirmationis, cuiusque Causa, & sui Causati.

Examinandi sunt rerum Effectus, ut sint, uterque: primò, ex Locis, ac Canonibus

nonibus generalibus, i.e. Causati in genere : deinde, ex specialibus illius speciei sub quâ propositus effectus continetur.

Qui quidem generales Canones causati, colligendi sunt ex generalibus Causa in genere.

Ex. gr. Ut, Omnis causa est naturâ prior suo effectu : Ita, Omnis effectus est naturâ posterior suâ causâ. Ut, Omnis causa est simul tempore cum suo effectu : Sic, Omnis effectus est tempore simul cum suâ causâ.

Itémque speciales effectuum Canones colligendi erunt ex specialibus sua cuiusque causâ.

Ut, in Efficiente : Qualis causa, talis effectus. E. Qualis effectus, talis causa. Nihil agit ultra suas vires. E. nullus effectus excedit virtutem suâ causâ. In Fine : Finis est prior medio, in intentione ; & posterior, in executione. Igitur Medium est posterius fine, in intentione ; & prius in executione. Et, Quod est aliquo prius, in intentione ; & posterius, in executione, est illius finis. Quamobrem, Quod est aliquo posterius in intentione, & prius in executione, est illius medium.

In Materiâ : Materia permanet post resolutionem materiati. Et, Id in quod permanens post resolutionem, dissolvitur aliquod materiatum, est ejus materia. Exceptâ formâ humanâ. E. materiatum resolvitur in suam materiam permanentem : Et, Quod dissolvitur in aliquid permanens, est hujus materiatum.

Denique in Forma. Forma dat essentiam completam suo composito. Et, Quod alicui tribuit essentiam perfectam, est ejus forma. E. formatum accipit essentiam perfectam à suâ formâ. Et, Quod ab aliquo accipit suam essentiam perfectam,

perfectam, est ejus formatum. Par ratio est in cæteris omnibus Canonibus.

Exempla argumentorum Effectuum, non addo : propterea quod facile afferri possint ; atque etiam peti queant ab Exemplis Causarum in nostris earum tractationibus : mutando hæc in illa. Tantum igitur de Effectuum examinatione dixisse, sufficiat.

## EPILOGUS.

**A**Tque ita habes, studiose Lector, Methodum cognoscendi rerum Causas, & Effectus, quomocunque explicatam. Cujus ego summam utilitatem jamdiu sum expertus, & compertam habeo. Non autem opus est ut mihi credas ; tu enim ipse rem facile ac citò potes experiri ac dijudicare. Neque tamen eam adhuc omnibus numeris absolutam credo ; sed perfectiorem & utiliorem futuram spero, postquam errorum à viris doctis (quos in calce operis iterum oro & obsecro) ero admonitus. Si quis autem in hac Methodo prava corriget, & addet necessaria quæ desiderantur, tum demum ea ad summum efferetur fastigium perfectionis. Id quod alii, ut  

E 3

opinor,

## Epilogus.

*opinor, nostro excitati incerto (ut in no-  
v his usu venit) aliquando præstabant.  
Facilius enim jam est hisce repertis adin-  
venire & adungere quod reliquum est.  
Quo pacto artes & scientia omnes à plu-  
ribus aucta sunt; & nulla unquam ab uno  
simul inventa & perfecta fuit. Spero  
autem non multa in hoc opere doceri ne-  
cessaria, omiſſa esse: eoque facilius sit  
cuivis eadem supplere. Interim hanc lu-  
cubrationem, donec melior aliqua vel à  
meipſo, vel ab alio prodierit, boni consu-  
las; atque erratis in retam arduam igno-  
ſcas. Vale Lector, nec invidas, quin  
faveas conatibus eorum qui in tuam &  
publicam utilitatem advigilant & ela-  
borant.*

EFFICIENTI primo, & ultimo FINI  
Gratias.

---

FINIS.

---



**A**rmorum strepitus inter, Martisque furores,  
Musarum studiis quis putet esse locum ?  
Dum bellum civile arsit, nos scripsimus ista ;  
Quare ea cum veniâ qualiacunque legas.

\* Ἀλλ' ὅ τις με κακῶς, ἄλλ' ὅ ἀμεινον ἐρεῖ.

Iste malè de me dicet, at ille bene.



THE [illegible] OF [illegible]

[illegible text]

[illegible text]





## ERRATA.

**I**N Præfatione pag. 3. lin. 26. lege disquireremus.  
l.p.9.l.4.Loci.p.16.l.24.publicæ.In Tract.L.I.C.1.  
p.11.statuam.p.29.l.1.dele Inveniendi Causas.p.32.  
l.9. Investigationis singularum. p.37. l.3. careamus.  
pro pag.40.scribe 42.& l.11.post seu scribe non. pro  
pag.41.scribe 43. p.44.l.9.Efficientis.l.ult.scribe IV.  
p.50.l.penult.pro est scribe sunt. p.100.l.6.post poti-  
antur scribe? Victoria.p.109.inter l.11.& 12.IV.p.  
115.l.7.scribe quæ Sole sublato desinerent. p.119.&  
121.utriusq; pag.l.1.pro Effectuum scribe Formæ.p.  
127.l.1.Effectuum. l.21.à receptionel.34.pro suum  
formatum scribe ex sua forma.p.136.l.17.illæ.p.138.  
l.1.pro I.scribe II.& pro VI.scribe I. l.10.scribe na-  
turæ. p.139.l.25.inter E.& non scribe quies. p.140.  
l.1.pro VI.scribe I. p.142. l.1. pro I. lege II. pro V.  
lege I.p.170.l.5.pro unitate lege unitione.p.200.l.21.  
post tur scribe natura. p.201.l.27. dele Lunarise &  
scribe Solaris. l.29. post eclipsis scribe E. pag. 205.l.  
18.exuperans. Lib.II.Cap.III.p.8.l.penult.dele eas,  
& post voluptatem scribe eas. p.22.l.6. post similem  
scribe in specie. p.23 l.3.post sed scribe solum. l.29.  
post non scribe est. p.26.l.15. lege cademque produ-  
cta est.p.33.l.3.aliquod. p.46.l.12.fit finis. Post pag.  
46.proximâ scribe 47. ejusq; l.15.dele propter.p.57.  
l.18. post inanimatis scribe inexistentibus. p.59.l.7.  
lege tollatur. l.14.dele efficiens conservans, aut. p.67.  
l.26.II.

47653

